

m  
bi

6

19



65-1-3



IMAGINES  
PRINCIPUM,  
REGUMQUE  
POLONIÆ

Politicis dogmatibus, phalerisq;  
Pòëtarum adumbratæ:

*Nuper*

THESISIBUS PHILOSOPHICIS

*A*

R. P. CAROLO BARTOLT

Societatis JESU

APPENSÆ,

*HAPP*

*nunc*

*at delapsion  
Montis Argenti*

Typis Collegii Varsaviensis S. J.

RECUSÆ.

Anno Domini MDCCXL.



Libellus hic *Imagi-*  
*nes Principum Regum-*  
*que Poloniæ. Reimpri-*  
*matur.*

Antonius GRZEGORZEWSKI,  
Canonicus Posnaniensis, Varša-  
viensis & Officialis ac per Duca-  
tum Mazoviæ Generalis.

*npp.*





## PROLOQUIUM.

**F** Ridericus Imperator, iconem Ferdinandi Progenitoris sui è collo pendulã gestans, illis se identidẽ

animabat vocibus: *Expergiscere tandem, expergiscere ad tacitas has voces Friderice, & aliquid dignum Ferdinandi Filio aggredere.*

Græca Respublica suorum Principũ sculpebat Imagines, *refert Rosinus l. 7. antiquit: Roman: c. 31. pa: 1153. Ut scilicet ( ait Aurelius Cassiodorus l. 6. epist: 7 ) Imago Principum, subiectos videretur pascere per commercium.*

Veluti simulacra quædam spirantia & actiuosa, Majorum Vitas re-



spicere oportet: probaq; illorū o-  
pera imitando, sua facere. *Basil:*

*Sel:*

Nullum præceptū, documen-  
tum nullum, res nulla, majore  
charactere imprimi potest; quā  
exemplū & mores patrii. Hi sunt  
quasi leges, quæ aptantur & con-  
veniunt actionibus, discuntur o-  
culis, inscribuntur animo. *Em-  
man: Thesaurus l. 19. capit: 2.  
p. 764. in Philos: Morali.*

In actis Prædecessorū prudens  
invenit, unde sapientior fiat: bel-  
lator reperit unde animi virtute  
roboretur. *Cassiod.* Hinc Julius  
Cæsar conspicatus in Sicilia Ima-  
ginem, Alexandri Magni, &  
gestorum ejus, dum in lachrymas  
solveretur; causam lachrimarum  
red.

23

reddidit: quod ea etate, qua Alexander orbem ferè totū debellaverit; nihil adhuc gloriosum fecerim.

Scribe laudes Marii, atq; Annibalis vel alterius Ducis optimi vitâ functi; & dic, quid fecerit; ut nos eū imitemur, *Poscen; Niger ad Spartian.* Scripserunt Athenæ calamô, postquam scripsisset ferrô Miltiades Atheniensium Dux, in cervicibus sexcentorum millium Persarum, à suis millib; undecim profligatorū Victorias, quæ adeo magni illius imitatoris Alexandri incitaverant animū, ut multas insomnes duxerit noctes, inquiens: *me Miltiadis trophæa dormire non sinunt. Emman. Thes: ibid: p. 766.*

Optimi Oratores sunt Majorum exempla. Habent & facta suas

lingvas, ac tacitâ quâdã eloquen-  
tiã ad quidvis citiùs & certius im-  
pellūt; quã ullus sermo. Scilicet:  
Segniùs irritant animos, demissa  
per aures: Quàm quæ sunt oculis  
subjecta fidelibus;

*Comptonus in Prometheo Christian.  
disp. 9. cap. 2. & 3.*

DECAS PRIMA  
IMAGINUM

IMAGO LECHI.



*Vita* PRINCIPUM

*Imago est, inquit Se-  
neca. Primã itaq; om-  
niũ Ducũ, Principũ  
ac Regum Polonorũ*

*Imaginem, imò totiũ Poloniæ ty-  
pum & protypon, non coloribus,  
sed*



sed moribus expressum exhibet in se primus Sarmaticæ Patriæ Pater, & Author Lechy. Hic ( teste Gvagnino ) ex Sclavonia oriundus, civiles motus, & interna suæ gentis exorsus dissidia ad has partes, ubi nunc est Polonia secessit, atq; ad Vistulam, Anno Domini 550. sedem fixit. Et quia raro gubernationis principia sunt sine ferro; primū secundo Marte cum finitima Germaniæ gente, de limitibus iniit certamen, in quo Germanorum Regē, ad singulare ab eo provocatus duellū, propriā manu probavit esse mortalem. Hungaros contra Mauritiū Imperatorem, socijs juvit armis. Alboinū Longobardorum Ducē, cū innumeris militum copiis, in fines ingressum, ferrò in

Hungariã repressit; inde expulit in Italiã. Institutã à se desertis in cãpis Coloniã, Vastã populosamq; effecit Poloniã; sed absquẽ mænib9 & arcibus: propriã utpotẽ virtuti & bellicis artibus confusus Lechus, cãpis in apertis bella gerebat. Hinc vel à campestri prælio, Polonis inditũ nomen. Silesiam, Prussiã, Pomeraniã, Holsatiã, Saxoniã, cæterasq; ditiones occupavit armis; fundatiq; à se Imperij fines, ad Balthicũ usquẽ littus promovit. Ita certẽ *angusta ingentis animi magnitudo, unius regni angustiis non caditur. Nescit in parvis latitare terris, arduo nisu stabilita virtus: nescit in parvis habitare clausi partibus orbis.* Reliquit Primas Poloniã Lechus, posteritati documentũ, *Reges & Regna*

Regna non tam nasci, quàm fieri. Imò gloriosius esse, regnum nancisci, quàm Regē nasci. Et quāvis summa difficultatis est, magnis rebus dare principia; ardua enim sunt rerū magnarum exordia: peritissimi architecti est, jacere ingentis fabricæ fundamentū: nihilominus nihil est, serio volenti difficile: multū potest, qui debet; sed plūs potest, qui vult serio. Ubi adest voluntas, evanescit difficultas. Et syrtes audax, sperat sibi cedere virtus. Velis, & audebis; imò velis, & poteris. Nihil Principū viribus nihil Regū studijs est difficile. Primā Regni sui urbē Gnesnā, ab Aquilarū nidis, hoc nomine nuncupatā, erexit. Ibi quē Aquilā candidā, ad volandum alas exsertantē conspicatus, eā pro gentilitio Insigni, & ipse assumpsit,



& toti Poloniæ, ad nōinis immortalitē volaturæ indidit. Natā scilicet sub libero Jove Gentē, non alio stēmate, nisi armigerō Jovis Alite, voluit gloriari, Præter fortitudinem Lechi, quâ invitæ fortunæ regnū eripuit, & ipsa fata ad suū compulit arbitriū: hæc sit virtutū eius epitome. Ut re non solo nomine, se Patrē Patriæ probaret; vixit cum suis civibus, ut Parens cū filiis. Non ignarus, quòd *plus amore, quàm rigore efficitur. Rebel-  
lare docet Cives, qui semper terret. Extortus timor, & gravia reddit im-  
peria, & invisā. Bonus Princeps, non differt à bono Patre. Indigna Principe appellatio, malus Dominus. Malum Principem, cū jugo assueti subditi, volunt dicere Dominū, errore lingua  
appel-*

*appellant tyrannū. Nullis legū tabu-  
 lis usus Lechus, solis duntaxat de-  
 fœcatis suis morib9, novo jus dabat  
 populo, scilicet: in vulgus manant e-  
 xempla Parentū, utq; Ducū lituos, sic  
 mores castra sequuntur. Sic agitur  
 censura & sic, exempla petuntur;  
 cum Princeps, primò, quòd jubet,  
 ipse facit. Efficacissima lex est & morū  
 norma, Principum vita. Exemplum  
 Regis, est codex legis. Illuc concurrit  
 subditorū industria, & conatus; quò  
 præcesserunt Imperatorū facta. Hæc  
 felicissima est Principū conditio ut  
 quidquid faciant, præcipere videan-  
 tur. Quod Princeps non valet impe-  
 riò, extorquet exemplò. Hoc habent  
 præcipuū Principes, quòd eorum acta,  
 agendorū sint regulæ. Non sic lex ani-  
 mat populū, quā vita regentis. Vita*

*Regum, lex est, & lux subditorum.*  
 Census & tributa nulla imposuit  
 Lechus; ne novellæ Gentis liberta-  
 tem, quã fancivit, vocaret in du-  
 bium. A subditis suis oblatis ultrò  
 frugibus, Princeps frugi alebatur.  
 Frugali mensa satur, nihil nisi  
 hostiũ sangvinem sitiebat. In vita  
 nihil habuit augustius, quã na-  
 talis soli angustias gladiò amplia-  
 re. Cives arvis intentos, ab hosti-  
 bus tuebatur armis, quo effecit, ut  
 non magis terra vomere, quã ipse  
 amore coleretur. Postquam verò  
 prognatũ, ac adultum feliciter e-  
 rexisset, ac rexisset; bellis & seniò  
 fractus, Gnesnæ mortalis esse de-  
 siit. Si tamen eũ mortalẽ fas est di-  
 cere; qui nihil in vita non gessit  
 immortale. Scilicet *hic mori nequit,*  
*cui*



*cui vitam perennē barbarica peperere  
mortes. Immortale puta nomen, quod  
gloria fati eximit ipsa Ducis fama  
perennis erit. Quamdiu regnaverit?  
quod, & quosnā filios reliquerit?  
elingvis tum regni infantia eloqui  
nescivit; sua cunabula, pro pannis  
involvit silentio.*

### IMAGO VISIMIRI.

**V**EL inde prono cultu & vultu,  
veneranda VISIMIRI Imago;  
quod post Lechum re & nomine,  
secundus Princeps meruit numera-  
ri. Afferunt non pauci Lechū se-  
cundū, prioris filiū, sceptrū tenuisse;  
sed hoc incertū: istud certius, quod  
primi Lechi nepos Visimirus, sit  
visus mirus Princeps secundus; cū  
primus Polonum Martem docue-  
rit

rit naumachiam. Hic namquè angustam Polonis esse tellurè ratus, bellū mari inuexit; & cum Sivardo Daniæ Rege navale inivit bellū. Nec fluctauit inter maris procellas ejus victoria. Sivardū enim verò, partim cæso, partim fuso ejus exercitū, ad fugā cōegit. Filiū ejus Jarmericū, inter victoriæ spolia cepit; totūq; Daniæ regnū, ad solvendū sibi quotannis feudum compulit. Hanc seruitutem, dum vindice ferro, advocatis in belli subsidium, Hollandis & Syecis, Sivardus excutere tentat; iterato Marte à Visimiro victus, & in fugam actus, in phrenesim incidit: tandem in spoliū cessit Libitinæ, magnam sui sexercitūs cladem suā morte complevit. *Sic vindice ferro,*

*ro, qui ferit, ille perit.* Jarmericus è  
 Polono carcere liberat9, feudatario  
 jure adstrictus, Polonæ Reipublicæ  
 egit vasallū. Porro Visimirus, su-  
 perato hostiū, & marinorū fluctuū  
 tumore, nihil tumidè egit nè quis  
 ei illud, quod Archidamus Phi-  
 lippo, victorià insolescenti oggere-  
 ret: *Metire umbram tuam, nihilò re-  
 peries auctiorem.* Optimus namq;  
 Princeps, parem se omnibus puta-  
 bat; quāvis cæteris tantò erat ma-  
 jor, quantò erat melior. Et certè  
*Augustius pretiū est, non ad superbia  
 fastū coronam gestare, sed ad universa  
 civiū commoda possidere. Prodigium est  
 Princeps felix, & non elatus: luxuri-  
 ant animi, rebus plerūq; secundis. A  
 magna fortuna non corrūpi, nec Her-  
 culi contigit. Rarus est, qui victoris  
 tumidus*



*tumidus non insolescat. Ut opes nimias mundo, fortuna subacta intulit; & rebus mores cessere secundis. Superbia semper est vitium, rebus commune secundis. Cæterum enavigatis mortis & maris scopulis Visimirus, totum sese commodis Patriæ, in victimam immolavit. Et ne in portu subiret naufragium, bono publico ad clavum imperij residens invigilabat. Et quavis inconsultum est, per sua dæna aliena consulere fortuna, ordinatque enim amor, à se ipso incipit; non bene aliis prospicit, qui se prius non respexerit: male alienos rigat hortos, propriis sitientibus: nihilominus Visimirus sui pæne oblitus, huic unicè intentus, nè quid Respublica detrimenti pateretur. Proprium illud sibi ratus: Patria impendere vitam, nec sibi, sed toti genitum*

*se credere mundo. Equidem res inti-*  
*ma felicitas est; nihil extraneū respicit;*  
*attamen dedecus regnantis est, Rei-*  
*publica calamitas. Non nobis solis na-*  
*scimur, maximum nostri partem, ven-*  
*dicat Patria. Privatis Principum da-*  
*mnis, publica felicitas redimenda. Ce-*  
*dunt in Regum lucra, effusa in bonū*  
*publicū dispendia. Non potest se beatū*  
*dicere: qui se tantū intuetur, omniaq̄*  
*ad suas utilitates convertit. Alteri vi-*  
*vas, oportet. Nunquā publica private*  
*postponas commoda causa. Divide sub-*  
*limes curas, teq̄ omnibus unū obijcias.*  
*Consule cunctis, non tibi, nec tua te*  
*moveant, sed publica damna. Deinde*  
*consulturus Reipublicæ commodis,*  
*Visimiriā urbem, mutuato à se no-*  
*mine extruxit. Gedanum quoquē*  
*(aliàs Dantiscū, ab insula ad Daniā*  
*olim*

olim spectante, nuncupatū) ex humilibus piscatorū casis, ad promontoriū Prussiæ evexit, & erexit. Ipse tandem prorogatis regni finibus, ultimū vitæ reperit. Quādiu vixerit & regnaverit? ignara literarū subticuit antiquitas. Majores namq̄ nostri aptiores factis, quam fastis conscribendis; non calamo in pagina, sed ferreoq̄ stylo in hostiū cervicibus notabant vulnera, & cicatrices.

## IMAGO DUODECIM PALATINORUM.

Inordinatæ Reipublicæ imaginem, ne quæsiēris alibi: in regnantibus duodecim Palatinis reperies. Qui cū privata promovendo studia, bonum neglexerint publicum, do-  
cuerunt



cuerunt posteritatem, quidnā de,  
 discere debeat: scilicet sua cuiq̄  
 utilitas, boni communis venenū est.  
 Inutilis bono publico, qui suum dun-  
 taxat querit utile. Principum lucra,  
 dispendia sunt cummunitatis. Malè  
 publica curat, qui sua pluris habet.  
 Absolum est Principi, majorem sui,  
 quàm suorū curam habere. Nihil est  
 damnosius bono publico; quā privata  
 cujusvis utilitas. Macilenta debet esse  
 boni communis fortuna, ubi propria  
 commoda, privatō aluntur obsequiō.  
 Non dilatantur merita, si inter plures  
 non dividantur: non grandescunt lu-  
 cra, si in manibus pluriū non collocan-  
 tur; Amantes Patria Patres, civium  
 dāna, sua censent esse dispendia. Solo  
 tyranni nōine discrepat, privata quis-  
 quis cōmoda, publico preponit. Hi ita,  
 que

que Palatini non ad Palatinos fa-  
 ces, sed ad suum palatū nati, par-  
 tam ferrò & sanguine ab Anteces-  
 soribus suis, Polonæ gentis gloriã,  
 propriæ postposuere ambitioni.  
 Didicit tum Polonia, *ambitiosis ho-*  
*minū manibus, nunquã tuto credi,*  
*integritatē boni publici. Non benè tur-*  
*ba regit populū; Rex unicus esto; ubi*  
*multitudo, ibi confusio. Qui sceptrā,*  
*plures dividit in manus, impendiosa*  
*damna luit spei. Imperiū prope amis-*  
*sum, si pluribus commissum: duobus*  
*imperantibus, obtemperat nemo. Ni-*  
*bil fiet tardiùs, quàm dum plures, aut*  
*omnes imperabunt. Unius Reipublicæ*  
*corpus, magnā animandum mente, u-*  
*nus animo regendū. Soles olympus*  
*non patitur duos. Nulla fides regni*  
*sociis; ònisq̃ potestas impatiens confor-*  
*tis*

tis erit. Non fert secundū Caesar, &  
 amulum Pompejus odit. Astra duos  
 soles, phœnix duo corpora nescit; sit  
 regnis Rex sol, sit phœnix; astra se-  
 natus. Plura regnantium capita, raro in  
 unū de bono communi sensum & sen-  
 tentiā conveniunt. Non aliud discor-  
 dantis Patriæ erat remediū, quā si ab  
 uno regeretur, inquit Tacitus. Re-  
 monstrârunt id duodeni Rectores,  
 an diremptores Poloniæ, qui pri-  
 vatis acti diffidiis, gēnā regnorū,  
 publicam Patriæ pacem scissam in  
 partes, lugendam posteritati reli-  
 quere, sed optatā pro tunc Germa-  
 niæ, quæ in turbido piscando pa-  
 cationem sortita sparthā, occu-  
 patas Lecheis armis ditiones, nemine  
 resistente vindicavit. Hinc dum ni-  
 hil boni, nedum optimi, ab hoc  
 discor-



discordi Optimatum regimine, viginti ferè annis, non tam libenter, quàm reverenter tolerato, speraret Respublica, in Gnesnensibus Comitibus, gubernandi potestatem ademit Palatinis, plurimū veritate aut boni communis integritas, inter malè còalescentes regentiū animos periret; aut tota Lechia hosti cederet in rapinā. Atro proculdubiò stylo in fastis Ducū notandi Palatini, qui collatos sibi fastes, pleni fastu & astu, cum detrimento boni publici tenuerunt.

### IMAGO CRACI:

**T**urbata, ac planè vastata discordi Palatinorū regimine Respublica, Craco Lechi Pronepoti cessit gubernanda. Huic profectò sese *Purpura supplex obtulit, & solus meruit*

*meruit regnare rogatus. Quamvis*  
 enim in Gnesnensibus Comitibus o-  
 mnium vota & sensus, in eum conspi-  
 rantur unum; ille tamen vix eorum preci-  
 bus adduci potuit, ut grave regni  
 pondus, innumeris super gravatum  
 malis, suis humeris acceptaret por-  
 tandum; ratus felicior esse sortem, aliis  
 parere, quam imperare, subesse omnibus,  
 quam praeesse. Vicit tamen demissi a-  
 nimi pertinaciam, obstinatum poscen-  
 tis Reipublicae votum. Proculdubio  
 luculentius tum patuit, quod *honor*  
*fugacem sequitur, sequentem fugit;*  
*fugam gloriae, acquiritur gloria immor-*  
*talitatis: honorificentius est honorem*  
*fugere, quam amplecti: honor per sui fugam*  
*nascitur: obviantibus inter amplexus*  
*evanescit: amat se aversantes, odit a-*  
*mantes. Nihil est ditius virtute, nihil*  
*honorat.*

honoratiùs, fugiente honores; illa o-  
 stendit qualis; hic, quantus quis-  
 quis sit, demonstrat. Eximia agno-  
 scitur virtus, qua rogari debet. Glorio-  
 siùs est mereri magna, quã accipere.  
 Magna virtutis est, cum honoribus  
 luctari. Cracus factus Princeps eò  
 humilior, quò se min9 dignũ Prin-  
 cipẽ fascibus iudicaret: rexit eò fe-  
 licius, quo remotior ab ambitu Pri-  
 ma ei fuit cura, civiles componere  
 motus & domestica tollere dissidia.  
 Non ignarus, primũ & unicũ restau-  
 rãda, ac conservanda Reipublica, esse  
 instrumentũ, Civiuũ unitatẽ. Infelix  
 illa Respublica, circa quã cives athle-  
 ticã, armorũ & animorũ exercent.  
 Quidquid complexa uno gremio ser-  
 vavit concordia; perdit id sensuũ dis-  
 cordia. Nescit amicitia, quidquid dis-  
 cordia



*eordia solvit. Regna per discordiam cur-  
 runt ad hostē. Solvitur Respublica, dū  
 dividitur. Non plura medicorū dissidio  
 funera, quæ corrupta discordiā victoriæ  
 numerantur. Concordes cadunt hostem,  
 discordes cedunt hosti. Scissos Reipu-  
 blicæ Ordines, reductos in ordinē,  
 novis firmavit legibus: Gallos per  
 Pannoniæ fines, in Poloniæ limites  
 ad prædā effusos, ita Gallicanꝝ Her-  
 cules Cracꝝ profligavit feliciter, ut  
 nihil nisi mortes & cicatrices in spo-  
 liū cesserint Gallis. Germanos Gne-  
 snæ dominiū suū nidificantes, aviū  
 instar expulit, fugavitque. Roma-  
 nos repetitis armis vicit, famā autē  
 victoriosā Bohemos, qui ultrò re-  
 gnum suū, Craci submiserunt impe-  
 rio. Sicque Cracus victor famosus,  
 non tamen fumosus, victricibus de*

B

hoste

hoste reportatis onustus laureis, ut  
 onustior fieret, domesticorū quoq;  
 vitiis indixit, bellū. Quos precibus  
 & præmiis ad bonū pacis non flexit,  
 plexit armis & supplicio, Optimè  
 conscius, quòd *nocet bonis, qui parcit  
 malis. Dum tolerantur malorū culpa,  
 etiam optimi corrumpuntur. Scelestus  
 ipse est, qui cūm possit & debeat, non  
 succidit. Fovet vitia, quisquis parcit  
 sceleratis. ne culpa culpā trahat, pena  
 statuatur. Tum crimen crimini succe-  
 dit, quando prius est inultum. Unum  
 dissimulatū crimen pluriū est semen se-  
 cuturorū. Vires criminū dū adolescunt;  
 ipsâ patientiâ Superiorum, fiunt propè  
 legitima. Multos trahit in vitiū, non  
 castigata delinquendi licentia. inter im-  
 tamen, quia tam omnibus ignoscere,  
 quā nulli parcere, crudelitas est, aut  
 non.*

nonnullis indulſit, aut rigore juſti-  
 tiæ, lenitate animi temperavit. Ni-  
 mia namq; puniendi aſperitas, in tyrannidē degenerat; ſi lenitate & clēntiā non temperatur. Non ſecus cum vitis, ac cum vitibus procedendū; hæ ſi non abſcindantur, exuberant; ſi nimis, exareſcunt. Imò illa Principes decet virtus: quæ plures terrore corrigit, quàm penis abſumit: quæq; ne ferro cogatur, robuſtā recidere audaciā, adhuc tenerā minis curvat. Eadē eſt boni Principis commendatio; quæ medici: morbos & vitia tollere, homines ſervare. Semper in manu Principis, laus potior eſt ferri hebetis, quàm acuti. Pacata tandem Republicā, Regni Metropolim Cracoviā, à ſuo nomine nuncupatam exſtruxit. Arcē in monte Vavello exædificavit: ſub cujus an-



tro latitantē portentosæ magnitudi-  
 nis draconē, ingenioso stratagemate  
 interēit. Victō tamen hoc monstrō,  
 mortē vincere non potuit, dū vi-  
 vere desiit, Anno 720. Gentili mo-  
 re in monte Lassotino est sepultus;  
 ut sciret orbis, quōd ille Princeps,  
 etiā post fata eminere debeat, quem  
 supra comunē mortalium sortē  
 evexit virtus.

## IMAGO LECHI II.

**O**ptimè Sarmaticus canit Horati-  
 us: *Nobiliū fluunt infecunda Du-  
 cum secula; nec bono succrescit soboles  
 Patri. Ex nobilissimis quandoq̄ arbori-  
 bus, inutiles plerūq̄ excrescunt stolones.  
 A viris egregiis, quasi quodā fato acci-  
 dit, improbos proficisci filios. Sape ex  
 limpida fontis origine rubiginosa pro-  
 fluunt paludes; sape ex magno Gigante,  
 parvus*

*parvus surrexit Pigeus. Multi sunt,*  
*qui nihil patriū, nisi nomen habent.*  
 Patuit in Lecho, non nomine, non  
 regnandi sorte, secundo, optimi Pa-  
 rentis Craci, degeneri prole. Hic  
 paternæ fortunæ, non virtutis cupi-  
 dus, ut patri in Regnū succederet;  
 Cracū fratrem majorē natu dolosō  
 ferrō in venatione interemit. Quod  
 scelus ut eluderet, discerptū á feris  
 publicavit. Verū *nunquā mendaciis,*  
*veritas suffragatur. Deserit eū fortuna*  
*favor, qui cognato non parcat sanguini.*  
*Præcipitio proximus est, qui per aliena*  
*capita graditur ad soliū.* Vulgato nāq;  
 paucis ab electione diebus, fratri-  
 cidii crimine; regno, quo fratrem  
 privavit, ipse privatus, pulsus est  
 in exiliū: ut disceret orbis, quod  
*celeri scelestos, pana consequitur pede:*



vindicta properat, proximo crimen gra-  
 du: faber dolosam, qui struit necem,  
 ruit. Ut umbra solē pena sic sequitur  
 scelus. In scelerū panas ultrix venit,  
 ira Tonantis, hoc graviore pena, quo  
 levioꝛe pede. Raro antecedentiē scelerū,  
 deseruit pede pena claudo. Mortuꝛ est  
 exul extra Patriā: indignus nempe,  
 ut impios cineres hæc conderet tel-  
 lus, quā fraternō polluit sanguine.

#### IMAGO VENDÆ.

**M**agni Genitoris Imago, veterum  
 Amazonū, Penthesilearū, Ca-  
 millarūq; typus. Venda Craci filia  
 in regnū successit: ideo hoc nomine  
 à Polonis nuncupata; quòd admira-  
 bili ejus formā, veluti hamō pisces,  
 exterorū Poincipū corda capiebantur.  
 Et certè *venusta formā hamꝛ est,*  
*quò incautꝛ oculꝛ & animus capiun-*  
*tur.*



tur. Decora facies est aeries, in qua  
 etā ipsi Hercules non subsistunt. Ille-  
 cebris dotata species, est aucupiū ani-  
 morrum. Venusta facies est veluti gla-  
 cies, in qua lubricatus oculus, lapsum  
 parat animo. Dulce malū est: animo-  
 rum blanda tyrannis, est facies oculis;  
 insidiosa meis. Latet ibi hostis occul-  
 us; ubi nimius est in facie cultus.  
 Imò ipse formosus vultus, est hostis oc-  
 cultus. Speciosissimū malū, & truculen-  
 tissima adulatrix, est formæ species. Et  
 quāvis cū magna pulchritudine mon-  
 strū est, magnā fortitudinē convenisse:  
 hæc tamen Virgo, si sexū excipias,  
 magnanimitate summis par fuit He-  
 roibus. Hanc unq̄ ex procorū turba,  
 Ritigerus Germaniæ Princeps, opu-  
 lentissimis muneribus ad Maritalem  
 inclinabat thorum. Cujus connubiū,  
 post-

postquã generoso pectore repudia-  
 verit; ex proco hostẽ est experta.  
 Cũ enim illã nec præce, nec pretiõ  
 flectere potuit; vi & armis ad sua  
 vota inclinare volens, bellũ indixit.  
 Ita sanè *infames libidinosõrũ flammæ,*  
*facitè transeunt in furores. Creberrimè*  
*magni amores, in professa degenerant*  
*olia. Pectus, quod conceperat ingentem*  
*affectũ, non rarò parturivit invidiam.*  
*Sævit amor, mignoq; irarũ fluctuat*  
*æstu. Bellũ sæpè ciet ferus exitiale cupi-*  
*do.* Hunc tamen ferrò licèt armatũ,  
 oculis & amore sui captũ, bis, repe-  
 tito feliciter præliõ, vicit Virgo. Ri-  
 tigeo ergo à fæmina victo, ne tan-  
 tã erubesceret ignominiã; sanguine  
 & vitã se privavit, proprio incum-  
 bens acinaci. Venda verò ne veluti  
 olim Helena in Ilio, venustate suæ  
 formæ,



fot næ, turpe alicujus Paridis facinor  
 excitaret; in Vistulã de ponte Cra-  
 coviensi se ultrò præcipitavit, hostẽ  
 suũ forsitan in stygis barathro pro-  
 secutura. Ex ejus gynæceo famulæ,  
 ut se aliquo modo suæ Dõinæ acco-  
 modarent; aquis se se invicẽ perfun-  
 debant: idẽq; quotannis recurrente  
 illo die, aliæ matronæ factitabant.  
 Hinc forsã illa, ad hæc usq; tẽpora  
 manavit consvetudo, quòd in feriis  
 Paschalibus, insolens aquarũ fiat ab-  
 lutio. Tũulata est hæc Virgo propè  
 villã, à suis Manibus *mogila* nuncu-  
 patã. Quòt annis vixerit, & regna-  
 verit? tacent annales! illud dunta-  
 xat prædicant; quòd decora vultũs  
 specie, non ablusit à virtutũ venu-  
 state. *Et certè* venusta corporis spe-  
 cies, est quoddam mentis simulacrũ.



Excultæ ædes, indicium sunt ho-  
 spitii non ignobilis. Plerūq; elucet in  
 fronte; quod latet in animo Pulcher  
 animi status, in facie decora velu-  
 ti in speculo relucet. Interior virtus  
 ex animo in vultū, velut in theatrū  
 profilit. *Et quamvis* esse solet raro  
 pulchra, pudica caro; nā lis est cum  
 forma magna pudicitia; rara est con-  
 cordia formæ atq; pudicitia: *nihilōi-*  
*nus* virtutē mentisq; pudorē, frons  
 formosa tegit, formoso corpore  
 claudit. Pulchra pudoris sarcina est,  
 formæ pulchritudo. Grator est  
 pulchrō, veniens de corpore virtus.  
 Venustas corporis, non indecoræ  
 virtutis est domiciliū. *Ceterū*, ut sū-  
 ma est deformitas, cūm â formoso  
 vultu degenerat animus; ita supre-  
 ma est pulchritudo, cūm venustati  
 fron-

frontis, respondet majestas animi.  
 Turpe mendaciū est, candor in ge-  
 nis, umbræ in pectore; frons expli-  
 cata, animus involutus; facies decora,  
 mens deformis.

IMAGO PREMISLAI I.

Seu LESCONIS I.

**Q**uod de quopiam Polonus cecinit  
 Color: fessos duxit heri boves, dat  
 magnis hodie jura Quiritibus: & quæ  
 bobus ademerat imponit, Gabiis & Curi-  
 bus juga. Idē Phosphorus aspicit magnū  
 quem tenuem viderat Hesperus. Et al-  
 ter: Fasces & dubias rotat fortuna mi-  
 tras; hæc modò rusticū, cras esse vel Re-  
 gem docebit; vel famulo dare jura Regi;  
 illud in se expertus Premisslaus, qui  
 humili sorte natus, ultra spē & vo-  
 ta, à malleo ad sceptrū, ab incude  
 ad coronā, ab aurificina ad soliū Re-

gale est evocatus. Hic Premislai ag-  
 nomen, ab industrio & ingenioso  
 vincendi hostes stratagemate obti-  
 nuit. Pannonib9 namq; & Moravis,  
 insolentē in confiniis regni prædam  
 agentibus, pellendis, cū par viri-b9  
 Polonia non esset; ille ne Patria ab  
 hoste suis exueretur fortunis decor-  
 ticatos noctu arborū truncos, pice  
 & refinâ illitos, ita armis ornave-  
 rat, ut innumeræ armatorū militū  
 viderentur esse legiones. Illos ergo  
 sūmo manē ad reflexos solis radios  
 coruscantes conspicat9 hostis, fugit  
 nemine, persequente, relictâ eò glo-  
 riosiore victoriâ, quò *magis arrident*  
*mites sinè sanguine lauri; & placeant*  
*meliùs pulchri sinè cade triumphi.* Et  
 certè *hæc est præcipuè victoria digna tri-*  
*ūpho, in qua quæcunq; est; sanguine præ-*  
 ad



da caret. Nolo virum facili redimit qui  
 sanguine famā; hunc laudare volo, qui  
 sine morte potest. Quo pacto docuit  
 hic ingeniosus victor: quod in bellis  
 gerendis non omnia vires possunt; po-  
 tentior sæpè industria est. Pulchrum est  
 alijs auxiliis destitutū, ab ingenio suppe-  
 tias petere. Imò sæpè sunt majores  
 viribus artes. Ingenii victoria & feli-  
 cior est, & gloriosior. Pulchrius est  
 mente, quàm manu configere, & sine  
 sanguine triumphare. Meus sæpè tri-  
 umphat, & tutus virtute dolus rē con-  
 fit. Vincit inermis astus inerte manu.  
 Polita magis feriunt ingenia, quā exa-  
 cuti gladij. Munita ingenio potentia  
 absq̃ sanguinis profluvio, emergit ad  
 laureas triumphales. Armatū consilij  
 robur, sine cæde triumphat. Calliditas  
 Graja atq̃ astus potentior armis. Unde  
 in

in præmiū tantæ victoriæ non victri  
 ci solūm lauro, sed etiā Ducali auro  
 & diademate, ex aurifabro Princeps  
 verè aure 9 fuit; quia aureæ liberta-  
 tis amantissim9. Non ignarus, quòd  
*libertate nihil carius, nihil rarius.* Li-  
 bertas dicitur res vitæ optima. Æ-  
 gra aut imbecillis mens nostra, dū  
 cogitur; aut obruitur: aut resilit Ra-  
 ra tēporū felicitas, ubi sentire, quæ  
 velis; & quæ sentis, dicere liceat.  
 Magnū Deorū donū est libertas, vi-  
 ta civilis sinè libertate, mors est eò  
 gravior, quò longior. Toties quisq;  
 moritur, quoties liber esse desinit.  
 Libertatis gēma, omni regno carior  
 est. Mancipiis imperare non est re-  
 giū. Amissà libertate nemo vivit, ut  
 oportet; neq; haurit hunc cōmunē  
 àerē, sed inficit. *Unde Equitū Polo-*  
*norum*

norū prima lex est, esse vindices Pa-  
 triæ libertatis, ab hac nemo exēpto,  
 nisi peremptus. Quicunq; libertatis  
 olim hostis erit; simul & Polono di-  
 cetur hostis. Cæterum Premislaus  
 totus bono publico intentus, Patriæ  
 commoda, non privata studia secta-  
 batur. Premissiā à suo nomine nun-  
 cupatam erexit. In Regali Maješta-  
 tis suæ Solio, illud aureis literis ex-  
 aratū habuit: *Fortuna suæ quisq; est*  
*Faber.* Unicum illud ad aureæ felici-  
 tatis apicē sub hoc Principe Polonis  
 defuit; quòd aureus Princeps cogen-  
 te fatorū necessitate, ferream mor-  
 talitatis subiivit legē. Et sicut nemo  
 eo regnante non plaudebat; ita illo  
 mortuo nemo non plangebat. *Boni*  
*namq; Principis funus, semper est &*  
*immaturū, & luctuosū amanti populo.*

*Nemo*



*Nemo non optat immortalē, quē exper-  
tus est optimū. Malos Principes com-  
maniter comitantur ad tumulū tripu-  
dia, bonos la brime. Sicut natura hoc  
vitiū est; quòd nullus sit Princeps, qui  
aliquando suos non affligat, vel vivens  
vel moriens: ita natura quòq; beneficiū  
est, quod nullus sit Princeps, qui ali-  
quando suos non recreet, vel vivens,  
vel moriens.*

IMAGO LESCONIS  
FRAUDULENTI.

**L**Esco hic fraudulentum nomen in-  
de obtinuit. Dū Cracoviensibus  
comitiis liberæ Polonorū voces cir-  
ca electionē Principis discordarent;  
nova eligendi methodus est excogi-  
tata. Exposita erat columna cum  
sceptro & diademate ante Cracovi-  
am, eâ lege Candidatis præscripta;  
ut

ut qui eorū prior à Pradníko fluvio  
 ad columnam pervenisset, Impera-  
 torii honoris culmen obtineret.  
 Nemo tum tardus esse voluit. *Præ-*  
*cipiti nāq; ambitu festinatur ad soliū,*  
*ad honorē nemo non est Mercurius, ne-*  
*mo testudo. Præceptis in sublimia ambi-*  
*tus esse solet. Volubilis fortunæ rota,*  
*cunctatores lentulos non admittit. Ad*  
*cacū illud numen, plerumq; cæco cur-*  
*ritur impetu. Neminem humilia dele-*  
*stant. Nullus est mortaliū, qui emi-*  
*nere non cupiat.* Hic ita Lesco ut so-  
 lus clavū Imperii occuparet, adun-  
 cis, clavis, dentatoq; ferro iter o-  
 mne impedivit, relicto sibi soli notō  
 viæ tramite. Et ne ipse dolosus  
 honoris auceps suismet caperetur  
 fraudibus equū suū ferreis munivit  
 soleis. Dū itaq; velociori animorū  
 quàm

quã equorũ cursu ad metam prope-  
 ratur; omnes equo & spe dejecti,  
 uni Lesconi coronã reliquere. Sed  
 nunquam dolosus exitus faustos habet.  
 quicumq; vafros casus fabricat, cedit.  
 occidit, quod fraudulentis erigit arti-  
 bus, non sola virtus, sed dolosa ambitio  
 malè fulta sceptro. Per nefas quasita  
 fortuna exito, cadere est. Ipsa interitio  
 sui faber est, sceleribus empta felicitas.  
 Premit scelestos ultor à tergo Deus. Sæ-  
 pè divinitatis opera hæc sunt, ut furias  
 jam in ipso successu securas, subita ultio  
 exipiat. Ut partē effugias, non omnia  
 retia falles. Patuerunt namq; recon-  
 ditæ in terra fraudes in authoris in-  
 teritū. Nempe lux altissima fati, oc-  
 cultū nihil esse sinit. Acta Deos nun-  
 quam mortalia fallunt. Nostrã sedula  
 spectant scenã astra tragediã. Unde de-  
 prehenso



prehensō occupati Principatūs do-  
 lo, in pænā tanti astūs jussus est ab  
 equis in partes discerpi. Et sic infe-  
 lix Lesco Ducalē aliis vittā præripe-  
 re ambiens, propriā amisit vitā; &  
 coronæ loco, infamē vitæ affecutus  
 coronidē, illud posteritati reliquit  
 ducumentū: quòd *scelere paratū re-*  
*gnū non est stabile.* Nunquā sceleri-  
 bus fortuna suffragatur. Præcoci  
 ruina cadit improbus, priusquàm à  
 fortuna impellatur, ipsa sceleris sui  
 mole corrui. Infelix est sceleribus  
 conquisita felicitas Præcipitant cū  
 strepitu, quem scelera extollunt.  
 Nulla scelesti fors diu felix fuit.  
 Imperiū flagitiō quæsitū, nunquam  
 bono exitu terminatur. Mentita  
 potestas, læta brevi probrosa diu:  
 post pauca serena, spuria perpetuo  
 for.

fordescit gloria luctu. *Verissimū est illud Seneca:* quod quisq; fecit, patitur: authorem scelus reperit; suoq; premitur exemplō nocens. Retrogradū DEUS agit furorem: ut qui fabricabat malum capiti alieno; funus in proprium trahat. In laqueos multi, quos posuere cadunt. Quas Tyrannus accumulatur, subit ipse poenas. Facta manu culpa suaq; dispendia sensit.

### IMAGO LESCONIS II.

**I**Ocantis fortunæ Imaginē liceat in Lescone Secundo intueri; qui servili stirpe natus, ultra spem & vota obtinuit diadema; ex verna Princeps, ex servo factus Imperator. Hic exhilarandi animi causā, cum uno ex contribulibus suis, quò remotior ab ambitu, eò liberior metu,

tu, pedes ad expōsitā cucurrit me-  
 tam, quā prior quidē attigit, verū  
 relictis in stadio cruentis vestigiis.  
 Hunc itaq; concordī voce & votō  
 Poloni dignū purpurā censuerunt;  
 qui proprio cruentatus, sanguine,  
 Imperatorio præludit murici. Ne  
 verò Respublica temerè sibi sceptrū  
 detulisse videretur, effecit ille opti-  
 mē imperando. Militare robur libe-  
 rali erigebat dexterā: non ignarus  
*aurea cote ferrum acui*. Facile eò fer-  
 tur animus & gladius; quò aurea im-  
 pellit dextera. Mars sine auro iner-  
 mis est. Inopia argenti, validissima  
 arma reddit inermia. Magnetis, au-  
 rum si subeat vices; trahentur en-  
 ses: fortior est manus onusta donis.  
 In bello plus operatur largitio ar-  
 genti, quā explosio tormenti. Non  
 fem-



semper in bellis ferrū vincit, plures  
quandoq; aurū & argentū numerat  
victorias. Non pudet Herculé, mu-  
nifici meminisse Martis. Aurū bella  
gerit, mucronibus imperat aurum.  
Iras & enses vendimus & manus,  
hâc unde nummis aura refulserit.  
Cadmea surgit messis, ubi cadit de  
liberali munere dexteræ aurū. For-  
ti non pudet Hectoras jurare menti,  
cūm strèpitus magis sonat metalli,  
quàm tubarum vel monitum grave  
tympanorū. Nihil in sua fortuna ha-  
buit beatius, quā prodesse egenti-  
bus: id unum se habere ratus, quod  
in alios profudisset; quasi ei diceret-  
tur Illud: *Quas dederis, solas semper  
habebis opes.* Et certè nescit semel libe-  
ralitas incitata stare, *ejus pulchritu-  
dinē ipse usus commendat.* Regium est  
omnibus

*omnibus prodesse. Divinū aliquid sapi-*  
*unt, qui omnibus bene faciunt. Nec*  
*solū corda civiū vincere aurō, etiā*  
*ferrō hostes vincere noverat. Sen-*  
*sit ejus manū Caroli Magni exerci-*  
*tus: cū quo ex Hungaria in Saxoniam*  
*eunte, inter Albim & Salā fortiter*  
*dimicavit. Ne verò Imperii fasces in*  
*se factū gignerent; plebeia suæ ori-*  
*ginis veste semper utebatur. Rara*  
*est hæc virtus, ut supra communē ele-*  
*vati sortē, demissione animi ad pristinū*  
*descendant statū. Hominibus cognata*  
*est superbia, si altius steterint. Cognatū*  
*multorū fortuna lethargus est, alta nu-*  
*perrimæ sortis oblivio. Etiā meminisse*  
*pudet se minorē fuisse, qui se videt*  
*summū esse. Imò passim experimur,*  
*quòd asperius nihil est humili, cū*  
*surgit in altum. Hic tamen Princeps*  
 quò

quò erat sublimior, eò humilior:  
 non ignarus, quòd compendiũ laudum  
 est, si suprema in dignitate locatus,  
 demissè & humiliter se gerat. Cui nihil  
 dignitatis ad augendũ verticẽ superest,  
 hic uno modo crescere potest, si se ipse  
 submittat. Si Princeps ad subditos per  
 æqualitatẽ descendat; non minus deper-  
 dit dignitati, quã soli radios suos in  
 terram demittenti.

### IMAGO LESCONIS III.

**F**ortes creantur fortibus & bonis,  
 nec imbelli m feroces progenerant  
 aquila columbã. Optimi Patris non  
 dispar soboles, Lesco hic secundi  
 Lesconis filius successit in regimen.  
 Non solũ paternæ fortunæ, at etiã  
 virtutis hæredẽ se probavit; præ-  
 clara Patris facinora imitando. Scili-  
 cet *Parentum virtus est stimulus fi-  
 liorum*



*filiorum. In prolem transcurrit gratia  
 Patrū. Paterna prolem fortiū allicit,  
 urgetq̄ virtus. Mores Parentū non te-  
 nui fluunt amne in nepotes: fingitur  
 ad Patris exemplar natus. Sanguis &  
 stemma Parentum, sunt gloriosa amu-  
 latio filiorū. Publica rapina genus est,  
 illius nominis palliō honestari; cuius  
 virtutem non geras. Princeps hic ci-  
 vilibus impetitus armis, non alia  
 arte victor evasit, quā clementiā;  
 ad Patrem Patriæ spectare ratus, &  
 illos servare filios, qui perire mere-  
 bantur; & iis parcere, quos perde-  
 re oportebat. Et certē cum omnia in  
 bello civili miserabilia, tum nihil mi-  
 serabiliū victoriā. Sitire sanguinē ci-  
 vium, barbaros Reges sapit. Illo satu-  
 rantur Polonia Reges sanguine; non  
 quem fulmineus per vulnera cadesq̄*

*gladius evocavit; sed quem pudor in  
 genus per vultus & ora civium diffu-  
 dit. Vulgus irasci decet, at f. ventem  
 parcere Reges. Quisquis est placide  
 potens, Dominusq; vite, servat inno-  
 cuas manus, & incruentum mitis im-  
 perium regit, animiq; parci. Placidô  
 itaq; ac pacificô bellô domesticis  
 edomitis hostibus, externum quoq;  
 domuit Martem. Cum Moravis &  
 Pruthenis gloriosè dimicavit. Fi ni-  
 timos populos insolenter origini  
 suæ insultantes ferrô còercuit;  
 monstravit seriæ fortitudini nullâ  
 Majorũ serië obeesse. Sclavis Polo-  
 norũ consanguineis, Hungariã im-  
 periô tenentib9; auxiliares tulit sup-  
 petias, cumq; illoũ hostibus forti-  
 ter & fortunatô decertavit. Dignus  
 perenni fama Princeps nisi eum im-  
 pura*

pura Venus infamâsset. Ita certè  
 etiã in optimis aliquid pessimi inveni-  
 tur. Nemo sinè navo. Unicuiq; dedit  
 vitiũ natura creato. Etiam à magnis  
 virtutibus, parũ absunt vitia, Nemi-  
 ñ illasum fata transmittunt. Vindicat  
 omnes natura sibi. Nullus sine crimi-  
 ne vivit. Nulla est tam perfecta pul-  
 chritudo, quæ suos non habeat navos.  
 Si nisi non esset, perfectum quilibet  
 esset: pauci sunt visi, qui caruere nisi.  
 Cessit fatis, & veteri ritu in Saxo-  
 nia, quam imperiõ quoquè tenebat,  
 tumulatus. Longiùs à regno abdu-  
 ctus mori voluit; ne eis moriens  
 lacrymas propinaret, quos vivus  
 irriguis satiabat solatiis.





DECAS II.  
 IMAGINUM.  
 IMAGO POPIELI I.

**R**arum erat olim in solis prodigiū,  
 virtus coronata: insolitū suprema  
 dignitatis, cum summis dotibus in ter-  
 ra connubium: fastus plerūq; cū pur-  
 puratis imperabat manibus; & plura  
 diademati incumbabant dedecora, quā  
 gemma. Erubescere jubebatur a muri-  
 ce, si qua thronū ascendit innocentia;  
 provectaq; in altū integritas, ne conten-  
 dentibus in sublime deturbaretur a vi-  
 tiis, folio excedebat. verūm omnis ho-  
 nor turpis, nullā virtute decorus: non  
 ornant, sed onerant graves honorum  
 tituli, quem leves dedecorant mores.  
 Non mitra Regem, sola sed efficit Re-  
 gina virtus. Miserrima est magna feli-  
 citas, sine magna virtute. Luculentū  
 hujus

hujus rei Popielus I. Lesconis III.  
 filius, oblivionis cinere tumulandus  
 exhibuit in se argumentū: quē ipsa  
 erubuit purpura, quòd Ducali con-  
 tentus sanguine virtutū contēpserit  
 apparatus. Ignarus forsitan, quòd  
 perit omnis in illo gentis honos, cujus  
 laus est in origine sola, Virtute decet  
 non sanguine niti. Quid imaginibus,  
 quit avitis fulsa triumphis atria, duid  
 pleni numeroso consule fasti profuerint;  
 si vita labat. Dives avis, & utrumq̄  
 Jovem de sanguine ducens, si virtute  
 caret, tantū de laude meretur, exani-  
 mis quantū trucus: licet are superbo  
 splendeat, aut Tyrio rubeat sub murice  
 stipes. Princeps hic levis & incon-  
 stans, in horas & momenta Prothe-  
 us; nec locum residendi stabilē ha-  
 buit: sedē rēgni Cracoviā Gnesnā,

Gnesnâ verò transtulit Cruxviciâ.  
*Obscura clari progenies Patrîs, strenui  
 & bellicosi Parentis ignava Soboles,*  
 nulla gessit bella, nisi in castris mol-  
 liû; quamvis vicinus hostis bellandi  
 præbuerit ansam; imprecandi mo-  
 rem habuit, se suosq; in escâ muri-  
 bus devovendo: cui malè usurpato  
 voto, in posteris ejus respondit e-  
 vento. *Ita sæpe luunt posteri, quod Ma-  
 jeres imprecantur. In prolē dilata ruunt  
 perjuria Patrîs, & pœnâ merito filius  
 ore bibit.* Otio & corpori totâ vitâ  
 deditus, nihil dignum laude fecit: at  
 illud indignissimū, quòd nataliū ho-  
 nestatem turpissimis moribus deho-  
 nestavit. *Quid prodest sanguine longo  
 censerî, si desit virtus. Ipsa nobilitas,  
 ignominia illi est; qui à Majorū suorū  
 degenerat virtute. Turpe est nobilitatis  
 spectâ-*



spectaculū, si in ejus domibus nihil pul-  
 chri cernitur, præter Majorū Imagines.  
 Non commendant eum Majorum cera,  
 qui est cereus in vitiū flecti. Non ex-  
 ornant avorum Imagines, quæ proprii  
 dedecorant mores. Picta fictaq; an-  
 tecessorū simulacra, ignavū dissimulant  
 successorē. Ignobilis est illa nobilitas,  
 quæ consanguineam sibi non habuerit  
 virtutem. Parū prodest illustris ortus,  
 quæ mores obscurant. Limpidus perspi-  
 cui fontis latex, turbidū non commen-  
 dat rivum. Dedecorant bene nata cul-  
 pa. Indecorū est è clara stirpe stipitem  
 nasci, haustā à Majoribus nataliū lucē;  
 morū fulgoribus intendere est necesse.  
 Qui meritis Patrū laudē trophæis dene-  
 gat; impiū fatetur heredē, nefastus egre-  
 gia propè latro fama. Cæterū exactis  
 in Principatu quindecim annis circi-

ter; cum nihil boni in vita egisset;  
tandem Cruxviciæ egit animam.

IMAGO POPIELI II.

**M**Ali Genitoris Popieli I. pejor  
filius Popielus II. paternæ vi-  
tæ speculum dici potuit; eò  
quòd in se Patris Imaginē scelerib9  
expressit. Et certè *non procul à pro-  
prio stipite poma cadunt. Mali corvè  
malum ovum. Rarò degenerat à vitijs  
Parentū Soboles. Nunquā leones partu-  
rjūt lepus. Par est miraculo, ignavi Pa-  
rentis strenua proles. Prodigium est ab  
improbis nasci probū. Cum lacte & san-  
guine vitia vel virtutes Parentū imbi-  
buntur. Imò facilius in Parentū vitia  
abit proles, quā in virtutē. Nam pro-  
nior est vitiorum, quā virtutū discipli-  
na. Ægrè virtutes, facile vitia propa-  
gantur.* Princeps hic projectæ in om-

ne nefas indolis, in juvenili ætate  
 nihil maturū habuit, præter scelera:  
 vitiiis superaverat annos: nondum  
 adultus, jam adulter. Quidquid ve-  
 rò impudica Venus suis facibus non  
 exussit; plenis cyathis extinxit Bac-  
 chus. Publicos regni Magistratus  
 venales habuit, scilicet, *cujus Cupido*  
*venas invasit, nihil est ei non venale.*  
 Consorti suæ obsequentior fuit, quā  
 virtuti & rationi. Ex ejus consilio  
 lethalē simulavit morbū; & ad im-  
 minens quasi sibi fatū patruos suos  
 convocavit: quibus desilentibus suā  
 salutem. intoxicatō ab uxore pocu-  
 lō mortē propinavit. Ne verò pro-  
 pinatus incautis hospitiibus potur  
 toxicum redolere videretur; uxos  
 fictè dolere, & virulentiores vene-  
 nō lachrymas fundere, cœpit. O quā



verè dictum! *Nulla fides lachrymis,*  
*lachrymas simulare docemur, nec nisi vis*  
*falli, risibus ulla fides. Mulierũ fufis*  
*lachrymis moveãre, caveto; ut flerent,*  
*oculos erudière suos. Muliebri sexui tã*  
*facilè est ploranda patrare, quàm plo-*  
*rare. Unde illud: Aspide quid pejus?*  
*tygris: quid tygride? demon: demone*  
*quid? mulier: quid muliere? nihil: suò*  
*fatò Patruï didicere. Hi insequenti*  
*nocte omnes mortui in lacũ sunt de-*  
*mersi. Sed occultatũ parricidii scelus,*  
*consciũ prodidit cœlum: & tanti fa-*  
*cinoris vindex, de tota stripe exegit*  
*pœnam. Namq; brevi Crufvicia Po-*  
*pielus cum uxore & liberis à muri-*  
*bus est peremptus qui ex inhumã-*  
*tis Patruorũ cadaveribus prognati,*  
*infantiũ necẽ vindicantes. Regiã ar-*  
*cem, in qua se occultaverat, invase-*  
 runt.

runt. Ita profectò mens malè conscia,  
 nullibi securè latet, non satis illa culpa  
 latet, qua ipsum authorè non fugit, in  
 ipsis non benè fraus tegitur cavernis.  
 Non latebit perpetuas scelus inter um-  
 bras. Nullus est murus sceleri, per altas  
 urbium turres, triplicesq; portas pœna  
 perumpit: vigilant in omnes fulmina  
 culpas. Nulla impiis tuta latebra: ma-  
 lis ubiq; malè. Nihil conscire sibi, nul-  
 lâq; pavescere culpâ, hoc opus, hic labor  
 est, hic murus Abencus. Illud morte  
 suâ posteris reliquit documentum;  
 quòd parû interest supremâ inter & ex-  
 tremâ Principû fortunâ; sæpè levi ictu  
 graves Principes prosteruntur. Nihil est  
 tam firmû, cui periculû non sit etiâ ab  
 invalido. Momento sæpè perit quod agrè  
 sæculû peperit. Magna arbores diù cre-  
 scunt, hora spatio extirpantur. Discant  
 ex

ex hujus Principis fato, quòd est in-  
 nocentis sanguinis ultor Deo. Quicumq̃  
 alterius sanguinē sitit, suū effundit:  
 & qui fabricat alteri necē, illū repente  
 falce mors maclat sua. Conformat scele-  
 ribus penas justas Nemesis: fugaces in-  
 sequitur Nemesis tyrannos.

IMAGO PIASTI.

**S**emper natalibus virtus preferenda.  
 Sola virtus & animus non genus &  
 sanguis nobilitant. Tota licet veteres ex-  
 ornent undiq̃ cere atria, nobilitas sola  
 est, atq̃ unica virtus. Frustrā paternis  
 quisq̃ superbior tumescit actis; fervor &  
 arduæ jurata virtuti voluntas perpetuo  
 viret ipsa lauro. Quid juvat admoto  
 per avorū nomina celō, inter cognatos  
 posse referre Jovem? probati viri genus  
 virtutis prosapia est. In hanc virtutis  
 id eāversa mentis acie Poloni, Cru-  
 scivicien.



sviciensẽ incolã Piaftũ, à rotarum  
 opificio hoc nõine appellatũ, obscu-  
 rum genere sed geniõ illustrem 70.  
 annorũ ævõ gravem, à securibus ad  
 fascẽs, à stiva ad folium promove-  
 runt. *Hoc est nempe fortuna ludentis  
 ingeniũ; ut ab imo sepe attollat ad sũ-  
 mũ. Emergunt subito, qui latuere diu.  
 Non obstant natales tenebræ, quominũs  
 quis solem videat. Non rarõ quos nata-  
 lium fortuna destituit, evexit in altum  
 virtus. Sic humili fluit è fonte Rhenus,  
 crescit alta è tenui Terebinthus herba,  
 Laurus ingens parva quondã virga fu-  
 it, modõ nutat arbor. Princeps hic nec  
 fascias, nec fascẽs fortunæ debuit,  
 qui nascendi ignobilitatem propria  
 supplevit virtute. Nec obest Herõum  
 magnitudini nataliũ humilitas: glorio-  
 sior est, qui totũ virtuti suæ, nihil Ma-  
 jorum.*

jorum debet sanguini. Nobilitat Regina  
 virtus, quem ad ignobilitatem sinistra  
 damnavit fortuna. Imò pulchrius est  
 parari, quã creari nobile: gloriosius est  
 nominis esse authorẽ, quã heredẽ. Me-  
 lius est nobilitatẽ nancisci, quã nobile  
 nasci. Magnarũ virtutũ Princeps hic  
 erat, præ aliis tamen humanitate &  
 liberalitate excellebat. Polonis in  
 Electoralibus comitiis, discordes  
 Crusviciã trahentibus moras ad pe-  
 nuriã victũs redactis annonam sup-  
 peditabat. Ubi liberali suõ geniõ ita  
 omniũ Electorum inflexit ingenia,  
 ut præter spem & vota, omnes eum  
 unanimi voce Poloniã Principem  
 proclamaverint. Et certè liberali  
 dextera ultro sese ingerunt sceptrã. Te-  
 nacis manus rarõ fasces tenuerunt. Nec  
 obfuit tenuis Fortuna Piaſti, quomi-  
 nus

nus ad foliū vocaretur: Non enim fortuna rerūq̄ eget, cui publici regni fortuna committitur. Potior est in votis Patriæ, animus in Principe summa pars fortunæ, quā opulentia. Ingēniū imperiō dignum, non gazam querunt Poloni: misera namq̄ est regni ratio, ubi nihil est, quod adores in Principe, præter aurum. Sit sanè plumbea gaza, dum modo sit aurea mens in Principe: cum Rege aureo, aurea terris etas immigrat. Nullos hostes Piaslus habuit, præter Lesconis III. filios quos sibi & Patriæ insidiantes, forti repressit manu. Thori, throniq; sociā Rzepicham dictā moribus & forte nascendi similem habuit: & certè satis magnus thesaurus est uxor proba. Nulla est inops, nulla obscura, quam & locupletant virtutes & illustrat innocentia. Amicus  
*sincerus*



*sincerus, thesaurus verus. Mulier bona,  
 pretiosa viri corona. Nulla est pretio-  
 sior possessio, bono verog; amico; Optime  
 sunt divitiæ, bonam invenisse conjugem.  
 Dos est pulcherrima, virtus. Hinc male  
 ducitur uxor, cui amore asserunt opes,  
 & Majorum cera. Periculosa est, quæ  
 ex venustate formæ conciliatur honestas.  
 Si sola virtus in ducenda uxore non  
 spectatur; illud saltem præ oculis  
 habendum: Uxor ducenda est oculis,  
 auribus virtus, manibus dos exploranda.  
 Dignus immortalitate Princeps obiit  
 Crusviciæ, anno ætatis 120 post in-  
 tegrū 50 annorū imperium*

IMAGO ZEMOVITI.

**V**ivam sui Imaginem, imò se ip-  
 sum Piasius in filio suo Zemovi-  
 to reliquit: in quo etiã post fata per  
 virtutū suarū regnavit imitationē.

Et

Et certè. Avorum est commendatio  
 esse bonū & virtuosum; ut facias tua,  
 in eorū facta succede. Ignavus est heres,  
 cui solū patrimonium est, derivatus à no-  
 bili vena sanguis. De proprio addendum  
 est, & natalium splendor pari virtutis  
 claritate geminandus. Qui in heredita-  
 tem venisti sanguinis, heroica quoq̃ fa-  
 cinora imitare. Antecedentium heroum fa-  
 cinora, sunt ponè sequentium institutio.  
 Violenta est quadam obligatio, ut cum  
 sequantur virtute, cui succedunt digni-  
 tate. Satisfecit huic Zemovitus. Hic  
 ad bella planè natus, postquam im-  
 perii fasces occupaverat; hanc cum  
 purpura in animum assumpsit curā;  
 ne ab inordinatis militum turmis an-  
 turbis erubescendum aliquid in Po-  
 lonia admitteretur. Unde primus ille  
 Polonum Martē ad ordinem rede-  
 git,

git, exercituū præfecit Ductores,  
 leges militibus præscripsit, easque;  
 etiā ipse conservavit. Non ignarus,  
 quòd *viva lex est, obtemperans legi sua*  
*legislator. Nullus facitè reverentiā le-*  
*gibus negabit, quando eas Legislator*  
*observat. Melius jubet, qui jussa Prin-*  
*ceps ipse facit sua. Lex qua obedituris*  
*friget in charta, institutionis exemplo*  
*calet in opere. Tunc observantior equi*  
*fit populus, nec ferre negat, cū viderit*  
*ipsum authorē parere sibi. Inſita mor-*  
*talibus natura, propè sequi, qua piget*  
*inchoare. Mutæ sunt leges, ſi à legisla-*  
*tore marmoribus, & non moribus in-*  
*ſculpuntur. Exanimæ legi in tabula*  
*inſcriptæ factis, animantur factis. Ad-*  
*dunt legibus authoritatē Principes ſi*  
*earundem ſunt ipſimet authores & a-*  
*ctores. Iniquū eſt ſtatuentē, propria le-*  
 ge



ge convinci. Primus jussa subi, quas tu-  
 leris leges, author & ipse feras. Incom-  
 modorum erat tolerantissimus, cor-  
 poris cultu & victu par cuiq, mili-  
 ti. Bella gessit plurima, semper fe-  
 licissime. Cum Moravis, Hungaris,  
 Germanis, Prussis, Pomeranis, &  
 Cassubitis, felici ac glorioso confli-  
 xit Marte. Ereptam temporibus u-  
 triusq; Popieli Polonis Silesiã Prus-  
 siam, Pomeraniã, & Cassubiã, ferrô  
 vindicavit. Ferreus hic armorum  
 tolerantia Princeps, aureum sub se  
 fecit sæculum; hostes vincendo fer-  
 rô, cives devinciendo aurô. Profusæ  
 in omnes erat liberalitatis, solius,  
 duntaxat somni fuit parcissimus.  
 Quò magis prodigã manu in alios  
 spargebat opes; eò progidiosius pro-  
 pria crescebat gaza. Ita sanè magna  
 opes

opes largiendo fiunt maxima. Munifica  
 & liberalis minus, etiam nolens fene-  
 ratur. Beneficia sparsa, velut semen re-  
 deunt auctiora. Quod dat benefica ma-  
 nus, conservat. Extra fortunã est, quid-  
 quid donatur amicis: quas dederis solas,  
 semper habebis opes. Munera si gratis  
 dederis, si lætus amicis; tollet divitias has  
 tibi nulla dies. Justitiæ ita fuit amans;  
 ut cœlis Astræã in terras evocasse  
 videretur. Supremã clausit diem  
 Gnesnæ, anno ætatis 32. Hoc unico  
 excessu de Poloniæ regno bono Prin-  
 ceps malè meritus, quòd non diu:  
 quia 5 duntaxat regnavit annis. Opti-  
 morũ nempe Magnatũ brevis est semper  
 vita. Citò ad metã perveniunt, qui ma-  
 gnis passibus viam Heròũ sunt ingressi.  
 Nunquã non immaturè moritur, cujus  
 vita pluribus erat salutaris.

IMAGO



IMAGO LESCONIS IV.

**N**on semper fortes creantur fortibus; non semper Mars à Marte gignitur. Non solus Menelaus Paridem parit. Sæpè eximii parentes, exiles habent filios. Plurimi sunt, qui à maximis exorti, in minimos decreverunt. Sæpè è stirpe clara nascuntur stipites: interdū è vite dulci, acidi emanant fructus. Non rarò è vetusta prosapia, prodit non venusta soboles. Sunt quos patritii stemma sanguinis, & consanguinea symbola gloria ignavos faciunt, qui patriam decus cunis intumulant suis. Aurei Patres sæpe filios reliquerunt plumbeos. E spinis rosæ prodeunt; ex optimo vino, acerbissimū fit acetū. Plurimi stre-



nui & bellicosi Herodes, ignava prole.  
 genuerunt. Paruit id in Lescone IV  
 filio Zemoviti. Hic in tenera æta-  
 te ad solium assumptus, magni bel-  
 latoris filius, oleæ quàm palmæ  
 studiosior Pacē bello præferens,  
 præliorū finē fecit: forsitan, quia  
 pax una triumphis potior, pax o-  
 ptima rerum, quas homini novisse  
 datum est. Candida quæ homines,  
 trux decet ira feras. Pace subsul-  
 tant juga; pace vident, tetricæ ru-  
 pes. Odimus accipitrem, quod vi-  
 vat semper in armis. Et sicut in  
 pace suspecta tutius est bellum; Ita  
 melior est certa pax; quàm sperata  
 victoria. In bello parvis momentis  
 magni casus intercedunt. Ita incer-  
 tus est belli status, sicut castrorum

statio. Non sub certis militat fortu-  
 na signis, non semper ad classicum  
 auscultat. Volvuntur casibus, &  
 ipsis ruunt fortunis martiales for-  
 tunc. Et quamvis Lucanus canat:  
 Utile bellum; nihilominus nullum  
 est bellum, cui non adhareat condi-  
 tio, damnosum esse. Cæterū in aliis  
 præter bellicā virtutē non diffi-  
 milis fuit Patri. Exasperata odiis  
 sui principatūs exordia nactus,  
 regia liberalitate malevolorum  
 elusit conatus. Placat namq; in-  
 vidia benefica potentia. Citius au-  
 ri quē ferri fulgor malevolorum  
 extingvit ignes. Principum dona  
 sunt authoramneta amicitia, & fi-  
 delitatis. Nullus animos fortius alli-  
 gat necus; quā scuta in gratias

dextra. Catena sunt mentium, obligationes benefactorum. Beneficia Principum sunt quaedam miracula, aliorum animos in suos convertunt. Verissimum est illud, de modo placendi aliis: Temporibus nostris quicumque placere laborat; det, capit, querat, plurima, pauca, nihil. Et illud: Tu nihil es, nisi des, ergo des: respice cui des, hoc verbum das, nutrit amicitias. In cives rarae erat benevolentiae & lenitatis Princeps: quasi illud Senecae sibi dictum putaret Regnare qui vult, languida regnet manu. Tutius est concitatos animos flecti, quam frangi. Ut crudelitas in unum, multos armat ad odium, sic clementia in unum exhibita, est augmentum ami-



corum. Nihil comitate & clementiâ violentius, non capit, sed rapit corda in amorem. Princeps nihil miti nomine majus habet. Et quamvis duo sunt Principatui difficillima, prodesse Reipublicæ, & placere: ille tamen & profuit omnibus, & placuit singulis, absq; boni publici detrimento. In hoc toto Reipublicæ injurius, quod non diu vixerit. Brevis nempe bonorum Principum est vita, seu fata attendas, seu vota populorum. Imò boni Principes quamvis diu vixerint, nunquam suis satis vivunt. Obiit in juvenili ætate: maturis tamen moribus, præcox supervenit fatum; cùm nihil in eo fuerit immaturum, præter obitum ac ætatem.

#### IMAGO ZEMOMISLI I.

Quamvis hic Princeps avum suum Zemorivum [quo justior alter nec pietate fuit, nec bello major & armis] magnum habuit bellatorem, togâ & sagô toti Europæ celeberrimum; pacifico tamen Patri suo Lesconi, quam bellicoso avo similior, oleam palmæ & lauro anteposuit. An

D

quod

quod paterna prolem fortius allicit ur-  
getq; virtus; an quod bellandi defuit oc-  
casio & necessitas. Quanquam quarendus  
est interdum hostis foris, non expectandus;  
faciendi sunt aliquando, non patiendi hostium  
incurfus: infrenda non ferenda bella; extrinsecus  
est, ut aliquem ad lauream quærat fortuna. De-  
ses est gladius, qui non nisi provocatus ferit.  
Ignarus telum, quod extra metam nescit  
evolare. Melius est occurrere hosti, quam  
illius assultum præstolari. Gloriosius est col-  
lecto agmine hostem petere, quam inducias  
expetere. Pluchrius est ultrò in hostem sa-  
vire, quam illum sentire. Abscondit se  
gloria ei, qui ex aperto Marte intra ce-  
spites & terra septa fortunam retrahit.  
Quarendam est virtutis occasio, si ad manum  
non fuerit. Toto ergo Imperii sui tem-  
pore, tranquillum habuit regnum Zemo-  
missus. In tanta tamen regni tranquillitate,  
nihil posterorum memoriâ dignum egit;  
nisi quod filium Miecisslaum reliquerit.  
Satis est ad immortalem paterni nominis  
gloriam, bonum filium genuisse. Immorta-  
lem

em degit vitam Pater, in probo & digno filio. Hun cdiu olim sterilis, in decrepita jam ætate habere meruit: scilicet magnū fatum multo tempore molitur natura; una autem nocte viles nascuntur fungi. Elephas decennio parit, sed elephantem. Hic Miecisslaus natalium clarus luce cæcus natus, in nominalium pompa, post septennium à nativitate exactum instructa, oculorum recipit usum. Zemoisslus verò exactis Imperii annis 40. ætatis annis 60 diem & oculos clausit, Gnesnæ ritu patrio tumultatus. Non ita tamen bonus Princeps obiit; ut etiam post fata non viveret in memoria posteritatis. Parvarum nempe facularum est, citò ac perperam extingvi, & damno irreparabili totam amittere lucem. Principes planetarum soles occidere & redire solent: atq; ita occumbunt uni, ut alteri orbi luceant serenius.

#### IMAGO MIECISLAI I.

**M**iecisslaus primus in Polonia Christianus Princeps, non solum oculos, quos per septennium natura clauserat, rece-

D2.

pit;



pit; verū etiam orthodoxæ fidei lumine est illustratus. Sacro fonte cum non paucis primoribus regni, ablutus, circa annum 964. susceptæ Divinæ Fidei maritalem adjunxit, cum Dąbrowka Boleslai Bohemorum Regis filia, in throni & thori sciam adscita. Hæc quoad vixit, æternitatis fortè memor, fertò coronata incessit. Inter Hymenæi tædas, Deos ipsos arasq; gentiles, vero Numini immolavit Miecislaus. Et quia dies hic tantis Deorum ignibus illustris inciderat in sabbatum, ante Festum Divi Ioannis Baptistæ, ideo in annuo hujus diei recurso, pridie, festivi ignes, in memoriam extinctæ idololatriæ quotannis accendebantur. Hinc fortassis ad nostra usq; tempora illa manavit consuetudo; quòd in pervigilio D. Joannis, similes accensis rogis excitantur flammæ: quæ patrio agnomine à Polonis Sobotka appellantur. Nec solum hic pius Princeps profana idolorum evertit fana, sed etiam plurimas Divis, veroque DEO extruxit, & dotavit liberaliter

Basili.

Basilicas. Archiepiscopatus duos distributo  
 in eos suo Principatu instituit: Episcopa-  
 tus septem liberali erexit manu. Ut verò  
 zelosum sese Fidei Catholicae probaret pro-  
 pugnatorem; pium induxit morem; ut  
 Poloni Equites strictò mediotenus gladiò  
 sacri Evangelii audirent lectionem. Ro-  
 manam religionem per omnes regni pro-  
 vincias propagavit: non ignarus, quòd  
*fundamentum & basis rerum publicarum,  
 est religio. Nunquam humana majestas,  
 absq; reverentia Divina felix fuit: siqui-  
 dem jacuisse gaudet, quidquid caduco con-  
 didit omine non sola virtus. Fortissimum est  
 regnorum propugnaculum illibata religio.  
 Non est aliud regni beatior proventus, quàm  
 religionis augmentum. Fluctuat Reipublicae  
 navis, motà anchorà religionis. Regia hac  
 est virtus dignaq; ut in folio emineat, quae  
 sola Regum beat solia. Religio est regno-  
 rum unio: gemunt regna, ubi hac deest gem-  
 ma. Factura religionis, est interitus regio-  
 nis. Nec soli religioni, etiam ejus cultori-  
 bus summè tributum, decimum nempe*  
 D3 frugum

frugum manipulum, famulantibus ad  
 aras Ecclesiarum DEI servis dandum in-  
 stituit: optimè gnarus, quòd *questuosiss-  
 ma est pia in cœlites liberalitas. Dum cœ-  
 lo censum pendit, nunquam est sine censu.*  
 His manipulis cœlo inscriptis, manipula-  
 ribus hostium turmis formidabilis fuit  
 Miecisslaus. Equidè cum Vlodimiro Ruffo-  
 rum Duce, Premissiam aliasq; civitates  
 populante, improsperè bellum egit; feli-  
 cius tamen cum Bohemis Proceribus con-  
 gressu Boleslaum Dabroweæ fratris filii,  
 in paterdum regnum asserturus: Pragam  
 enim ferrò occupavit, & in ea totam re-  
 stituit Bohemiam. Et certè *feliciter mili-  
 tant, qui Deum habent commilitonè. E-  
 contra malè perfidis pugnatur armis. Ir-  
 ritus Mars est, cui militare abnuìt cælum,  
 licèt ira densis ferveat parmis, nimiosq;  
 telis asperet arcus. Si extinctus est in  
 corde militum divinus amor non accendet  
 animum. Vix afflabunt martiale classicum  
 tubæ, si divino pneumate non sunt plenæ.*  
*Secure & feliciter certatur; ubi virtus  
 est*



est antesignana. Cæterum supplicaverat hic Princeps summo Pontifici, per Lambertum Cracoviensem Episcopum, ut Regio coronaretur diademate: sed hæc vota probandæ in fide constantiæ causâ sunt dilata, non negata. Interim devotum cælo cæput, æternitatis taniâ à Superis proculdubiò est coronatum. Coronandus ergo in cælo, terras reliquit, anno 999. Posnaniæ tumulatus. Regnavit annis triginta quinque. Felix sub hoc Principe regimen fuisse nemo dubitet: *Nam ut nihil beato Rege beatius, sic mihi scelesto Rege scelestius.*

IMAGO BOLESLAI Chrobri.

**P**rimus Regni Sarmatici Author Lechus, Orthodoxæ in Polonia Fidei Pater Miecislaus, Regum verò Polonorum Patrens fuit Boleslaus Chrobri, filius Miecislai; primus namq; ille à III. Ottone Imperatore, cum hic ex voto sacra D. Martyris Adalberti lipsana veneraturus Gnesnain advenisset Regium obtinuit diadema.

dema, à Gaudentio Archi-Episcopo  
 Gnesnensi coronatus. Hic tanti in Polo-  
 niam hospitis inferentis vestigia, strato  
 per 7. milliaria pannò honoravit. Regiis  
 & egregiis Neocoronati Regis virtutibus,  
 & singulari humanitate victus Otto, mi-  
 litarem D. Mauritii hastam ad bella  
 Domini feliciter peragenda, & unum de  
 salutiferis DEI crucifixi clavis, ad stabi-  
 liendum Imperii clavum, Boleslao dono  
 dedit. Illi verò hic vicissim in vim mu-  
 tux venerationis sacrum D. Adalberti  
 brachium, quòd hætenus Romæ asserva-  
 tur, obtulit. Princeps hic novi magnifi-  
 centiam tituli, insigni adornavit probita-  
 te: acceptamq: à Majoribus suis gloriam  
 ac fortunam, propriis auxit virtutibus.  
 Non ignarus, quòd *illud magni animi  
 maximum est ornamentum, suis Majoribus  
 non esse minorem. Infamat improbos Majo-  
 rum gloria. Plebejus est nepos, qui præter  
 sanguinem & nomen, nihil habet virtu-  
 tis avorum. Non tam sanguine superbias,  
 quàm conjuncta cum commendatione facino-*

*ra æmuleris. Pulchri natales gratuita sunt  
 munera. Non tam nasci, quàm fieri se-  
 renissimos, Heroum est. Leo fortis non na-  
 scitur, sed vires accipit post naturã. Eun-  
 do crescunt flumina, quamvis tenues ortus  
 auspiciuntur. Semina gloriæ jacit illustris  
 profapia; florem verò & fructum propriã  
 maturat virtus. Tantò sublimiùs ascendit  
 natalium dignitas; quantò eminentius pro-  
 prie virtutis accedit studium. Inter omnes  
 tamen Boleslai virtutes pietas erga Divos  
 elucebat; hinc sacrum Divi Adalberti cor-  
 pus à perfida gentiliùm Prussorum gente  
 aurò redemit: optimè gnarus quòd meliùs  
 nos Divorum sacra tuentur pignora quàm  
 Trojam scutum Palladium, aut Romam  
 lapsa de celo Ancilia. Religionem à suo  
 Patre in Poloniæ regnum investam omni  
 conatu promovebat. Hac nempe potissima  
 Principibus debet inesse cura; ut fides pro-  
 moveatur, religio procuretur. Bonæ gu-  
 bernationis prima regula est religio: velut  
 à prima sphaera rapiuntur cætera; à reli-  
 gione partes omnes felicitatis impelluntur.*



*Vix est ullus Magni cognomento potitus, quē  
 religionis studiū non cōmendavit. Pietati  
 summe erat additus: Primū scilicet bene  
 regendi elementū, est Principis pietas. Non  
 dedecet Principē, cœli cura: gratū est à Superis  
 donū, pius & Superis simillimus Princeps. Re-  
 gna beat pietas, Reges pietate beantur. Libe-  
 rali & pœnē prodigā in cives auri munificē-  
 tiā, aureos meruit affectus: procul à præsentis  
 sæculi genio, cui magis aurū placet, quā ve-  
 rus amor populi multō pretiosior aurō. Nunc  
 aurū & purpura curis exercent hominis vitā,  
 belloq; fatigant. Aurea verē nunc sunt. sacu-  
 la, plurimus auro venit honos, aurō concilia-  
 tur amor. Cuncta trahunt ad se. Magnates au-  
 rea, sicut ad se magnetes ferrea cūcta trahūt.  
 Cū verō jus & aq̄itas vincula sunt civita-  
 tū; & nihil magis à Principe exigit populus,  
 quā justitiam: Duodecim Judices veluti  
 Polonos Licurgos juri dicendo instituit:  
 quos tales esse voluit, ne eos criminosi re-  
 perirent sibi similes: Qui aq̄itatem instru-  
 unt monitis, doceant exemplis est necesse.  
 Efficax enim recti persuasio est innocentia  
 iudicis.*

judicis. Fiunt excessus formidini, cum sci-  
 untur iudices inculpati. Veretur quisq; scelus,  
 cujus non videt complicem in iudicium sub-  
 sellijs. Ne verò hic magis litigantes cru-  
 menas quàm causas excuterent; ex Re-  
 gia gaza certum pro ijs stipendium desi-  
 gnavit. Et certè nihil magis suspectum in  
 iudicibus, quàm paupertas. Facile est cor-  
 rumpere egentem iudicem. Causæ per-  
 duntur, quæ paupertate reguntur. Hinc  
 fit interdum, quòd fungitur officio rarus  
 sine munere iudex. Unde monet Pòeta:  
 Iudicibus plus, quàm juri studuisse memen-  
 to: hos tibi quàm leges conciliato prius.  
 Miraris, clausa quòd sint tibi iudicis au-  
 res? cum tua iudicibus non sit aperta ma-  
 nus. Verùm enim verò quibus iudicij li-  
 bra commissa est; ab ijs merita ponderari  
 debent, non munera. Gladius contemnitur,  
 ubi aurum suspicitur. Inermis redditur  
 iudex cum à cupiditate constringitur. Au-  
 rum aptissimum est justitiæ expugnanda in-  
 strumentum, quo cum perstringuntur oculi,  
 etiam excæcantur. Emptâ miseros defen-

*tere lingua; efficiunt turpes turpe tribu-  
 nalopes. Nummorum patrociniū adeptus  
 impune peccat, quasi pecunia sit scelerum  
 baptismus: Et quia teste Tacito: nullum ma-  
 jus boni imperij est instrumentum, quā  
 bonus Consiliarius: Optimis & prudentis-  
 simis Consiliarijs Regiam suam implevit;  
 ab eorumq; consilio suam voluit depen-  
 dere Majestatem. Et certè vis experts  
 consilij, mole ruit sua. Nemo melius  
 prospicit malis, quā qui consilio perspicit  
 mala. Consilia rem detegunt. Exponi-  
 tur Respublica casibus: ubi de medijs non  
 prospicitur. Nihil sine consilio tutum. Seu  
 lata seu aspera momenta, consiliō tempe-  
 rantur. Nec in toga tantū clarus fuit  
 Boleslaus, etiam in militari sago ejus elu-  
 xit virtus. Integrò quidem biennio ab  
 armorum quieuit strepitu, ut Religionem  
 in tuto collocaret: hāc tamen stabilitā,  
 collatos recenter sibi honores novis deco-  
 ravit triumphis. Boleslao enim III. Bo-  
 hemorum Duci, palmā & oculos eripuit:  
 Saxoniam, Moraviam Ruffiam, Bohemi-  
 am,*



am, Prussiam non tam pedibus, quàm victorijis peragravit, & ad annum còegit tributum, Poloniæ regno exolvendum. Ac quidem Russos Regiam sæpius eludentes credulitatem, armis & arcibus spoliavit. Postquàm verò Polonus hic Hercules, Regni sui limites ad Albim & Tyram promovisset; areas in perennaturæ famæ trophæum, Ossæ, Borystheni, & Salæ defixit columnas. Ipse verò tot hostium & provinciarum victor, uni in spoliū cessit Libitinæ, A. D. 1014. ætatis suæ 58. Regni 25. Conditus Posnanix: relicto posteritati documentò, quòd *Victor cum victis pariter miscbitur umbris. Et pace & bellò inclytis, stat terminus ævi. Debilis ac fortis, veniunt ad funera mortis. Fortibus est etiam mors metuenda vis. Bellica funereis non obstant tegmina telis. Mors fera magnanimi, non timet arma Ducis.*

IMAGO MIECISLAI II.

**M**iecislaus hoc nomine II. Boleslai Chrobri filius, justis parentalibus opti-

mo Patri persolutis, Posnania una cum uxore Rixa quam ei vivente Patre, Otto Imperator hospes desponderat, est coronatus. Princeps hic solò duntaxat nominis vocabulò, erat gladij famà celebris: re ipsà fuit meticulosus, ad plectrum non sceptrum natus. Ita certe non semper proprijs respondent nomina rebus, nomine sæpè leo, re lepus esse solet. Sæpè speciosa nomina turpiter mentiuntur. Non unus est pralato nomine tantum insignis. Et tamen teste Cassiodoro: Absurdum est, portare nomen à Majoribus alienum, & aliud dici, quàm possit in moribus inveniri. Nomen [inquit Salvianus] sine actu & officio suo nihil est. Si re priveris, nec nomen habere mereris. Unde monet Plauto: Nomina cum re consentiant. Hic ergo Princeps & agnomen suum, & bellicosi Avi, ac Patris sui famam ignaviã infamavit. Scilicet exterminat arma staminibus vix apta manus. Hinc Moraviam, Saxoniam, Bohemiam, Pomeraniam, paternò ferrò regni finibus annexã, eripi

eripi sibi permisit. Cum Pruffis vario certavit Marte, Rufforum tamen Ducem Iaroslauum non tam arte bellica, quam forte profligavit. Poterat ei obijci illud: *Te tela, non tela decent. Aptior est digitis lana colusq; tuis. Non tu natus equo, non fortibus utilis armis. Bellica non dextra convenit hasta tua. Quid tibi cum pharetra? gladium tua dextra recusat. Non sunt hac digitis, arma tenenda tuis. Nescis severo livida brachia signare ferro. Te sonus omnis & aura exterrant, pennaq; levi comota volucris. Tibi femineo stant corde timores. Ex uxoris arbitrio moderabatur Regnū Micislaus: immemor, quod turpe ac indecorū est, illis manibus committere sceptrā; quas ipse sexus & natura, ad colum fusumq; destinavit. Scilicet insano nemo in amore videt, quid deceat, non videt ullus amans. Insanis ergo uxoris suæ infascinatus consilijs, cum nihil sanè boni totò novenniō regiminis sui egisset; in insaniam redactus, miseram egit animam, A. D. 1034. vixit annis 44. Pofnaniæ*



snanæ tumulatus. *Mortuus est, quasi victurus post funera non sit, sic vixit, tanquam moriturus non erat.* Rixa verò suæ magis Austriacæ, quam Polonæ favens genti, ne ulterioribus rixis [sub quarum turbidum Masslaus Regi nuper à poculis, provinciam regno abstraxit, quæ postea ab eo nomen Mazoviæ accepit, ut refert Joachimus Pastorius] turbaret e-  
 gnum, è Polonia cum filio suo Casimiro iussâ est exulare. Mater itaq; exul sub Henrici III. Imperatoris patrocinium, filius verò ad melioris vitæ asylum contulit sese Cluniacum: ubi amissâ regni hæreditate, pro Regali diademate, religiosum Divi Benedicti induit cucullum.

### IMAGO CASIMIRI I.

**N**E credite veteri & vulgari dicto: *Non procul à proprio stipite poma cadunt. Nec illi recentiori Vatis Entheo: Rarior aspici est visa proles, quæ vitijs gravi desciscat à Patre, & profanos in melius re-*  
*voca-*

revocaret ortus. Nec huic fides danda:  
 Portentum est à parentum vitijs degenerâsse.  
 Abrogavit horum fidem Casimirus  
 I. ignavi Parentis Miecislai, non segnis  
 Soboles. Hic jam in ordine Divi Benedi-  
 dicti Diaconus factus, precibus Polonorū  
 à summo Pontifice Benedicto IX. sacris  
 absolutus vinculis, post septem annorum  
 interregnum, ex Cluniacensi Claustro ad  
 paternum revocatus Solium, strenuè &  
 feliciter rexit Imperium. In primo ejus  
 vitæ natali, insolito motu concussa terra  
 tripudiâsse est visa; pessimis parentibus il-  
 le natus est princeps; sub cujus optimo  
 regimine respiratura erat Polonia. Pri-  
 mus hic Polonorum Princeps doctus &  
 sapiens fuit: Primus Latinis in Parisiensi  
 Academia excultus literis scepra tenuit.  
 Quam verum et illud Poëtæ dictum: *Sub  
 purpuratis sæpè rudes latent mentes tiaris:  
 nec sub una, scepra iacent calamiq; lauro.*  
 Verum enim verò: *illa sola digna est re-  
 gali scepro manus; quæ prius doctam ge-  
 stavit pennam: illud caput aureâ dignum  
 coro-*

coronâ; quod prius Apollinari laurea est  
 coronatum. Illum Regius decet murex,  
 quem literarum tinctura coloravit. Re-  
 gnare siquidem fortuna plerumq; benefi-  
 cium est, sapere virtutis. Et certè, turpe  
 est, si Princeps coronam non caput gerit.  
 Ipsa hunc Principem erubescit purpura; qui  
 prius ad Palladis chartas pallere non didi-  
 cit. Non illustrat regalis auri fulgor il-  
 lud caput, quod prius ad Cleantis lucernâ  
 noctis caligine non fuit inumbratum. Pri-  
 oris tamen ævi Principes armatam Bello-  
 nam hastatæ Palladi præferentes malue-  
 runt esse bellatores, quàm literarum cul-  
 tores; maluerunt potius inter armorum  
 versari strepitum; quàm docta inter Mu-  
 sarum iurgia. Quanquam nec Marti  
 Apollo, nec Bellona Pallas obicem ponit.  
 Utraq; hæc Numina armata sunt, utriq;  
 palmæ & lauri communes. Certiora sunt  
 trophæa, si pharetratus Apollo, & hastata  
 Pallas cum Marte & Bellona armorum  
 ineant societatem. Horum adminiculò  
 Casimirus quoties bellator, toties victor &  
 trium-



triumphator. Adornato primùm in Mazoviam bello, Prufforum & Jazvingorum fuppetijs validam, fudit fugavitq; hostes. Plocensem Palatinatum, totamq; Pruffiã armis regno suo adjunxit. Maslaum verò belli authorem atq; ductorem ex alta trabe pendere juffit: ut qui per nefas ad fumma eluctabatur; supra cæteros multatus emineret. Et certè non infeliciter pugnat, qui Martem Palladi, Bellonam Mercurio jungit. Aptius illis inherent temporibus lauri triumphales, quibus non novum erat doctas gestare laureas. In eo vertice lucidius nitet galea; qui sapientia illustratus est luce. Optime illi capiti quadrat cassis; quod non cassum sapientiã continet cerebrum. Hinc illud Polonis Equitibus reliquit documentum: Ut ei sub labarum aditus pateat; qui laborem Minerva non fugit. Illi in campum Martis educantur; quorum virtus scholarum excedit vastitatem. Illi ad clavas promoventur, quorum amplitudinem non possunt capere Gymnasiorum conclavia. Illorũ dexte.

*dexterã armet gladio Mavors; quibus iam  
 levis est penna. Non prius aliquis confe-  
 rat se ad Martis classica; quàm omnes  
 scientiarum transgrediatur classes. Non  
 prius ad propinandum hostilem sanguinem  
 extendenda est dextera; quàm Minerva ab-  
 lactet. Non prius ad cruda Martis bel-  
 laria cupidus convertendus appetitus;  
 quàm cum Palladis satient cupedia. Nec  
 solis militaribus ac Palladijs, etiam Re-  
 ligiosis Casimirus gloriosus erat virtutibus.  
 Equidem Mars irreligiosum est sanè No-  
 men, raro pietatem sub signis suis numerat.  
 Hinc Vates Peliganus canit: Nulla fides  
 pietasq; viris, qui castra sequuntur. Hinc  
 tamen magnus bellator pietati erat addi-  
 tissimus, ad quam & propria virtus, &  
 throni thoriq; socia Dobrognava incita-  
 bat, scilicet Maxima est fors viri, pia  
 consors. Invitatis Cluniacò Tyneciam  
 Benedictinis arcem cum centum pagis ad  
 novam obtulit Coloniam instituentiam.  
 Lublinense quoq; oppidum ad erigendum  
 tradidit Monasterium: multisq; alijs pie-  
 tatis*



tatis artibus, Numinis & Divorum cultum promovebat: ratus certissimum perennaturæ felicitatis omen esse, in cultum Numinis etiam toto divitiarum ire apparatus. Ad harum similiumq; virtutum exercitiū, à teneris fuit institutus. Perfecto omnē aetatem informasti, qui juventutem erudisti. Inscripti teneriori tibi characteres, etiā in arbore leguntur. Equos & arma tractabit vir; quem puerum hippodromō & arenā exercueris. Puerum sapiet etiam senex, quem adolescentem maturi mores non formaverint ad senectutem. Vis sana à viris consilia? consulta à senibus oracula? fac ut tenerior aetas inter Consiliarios & sapientes versetur. Ubi adoleverit, reddet quod accepit. Echo juventutis est senectus: Habebit venerandos sapientiā senes Senatus; si adolescentes sapientiā institutis erudierit. Ad virtutum complementum hujus Principis & illud accedit; quod ægram post septennale interregnum Rempublicam, lenta curavit manu. Præfestinatā namq; medicinā exacerbatur malū. Me-

dicus



*dicus impatiens, est peior morbo: lentè quãdoq̃,  
obsequendum infirmitati, ut ad medelæ obe-  
dientiam trabatur. Vulnera nisi leniter  
tracta tractataq̃ fuerint; non sanantur.  
Dulcia sunt medicã vulnera facta manu.  
Cum mora, vitia curantur & morbi. Non  
sunt festiva, que sunt festina. Demum  
pijsissimi Principis mortem ingens præcef-  
sit Cometes: iter forsitan ad cælos mon-  
straturus. Cessit fatis Anno Domini mil-  
lesimo quinquagesimo octavo. 18. Novẽ-  
bris, tumultus Posnaniæ.*

DECAS III.

IMAGINUM.

IMAGO BOLES LAI

Audacis.

**B**Oleslaus numero, non regnandi, sorte  
secundus, cognomento AUDAX, Ca-  
simiri I. filius decimum sextũ ætatis annũ  
nõdũ egressus, Regnum & paternum obti-  
nuit diadema. Bohemicis, Silesicis, Hun-  
garicis & Russicis palmis toties insignis  
victor,

victor, insignior foret; si suis passionibus  
 non succubisset. Fortior namq; est, qui  
 se, quam qui fortissima vincit mœnia Me-  
 lius semper triumphat victrix sui majestas.  
 Latius imperat, non plura, sed qui se do-  
 muit suis invictus armis. Magnus esse victor  
 nequit, qui suis cupidatibus est minor. Nul-  
 lum fortius est quam quod secum geritur  
 pralium. Nulla gloriosior, quam de se  
 ipso victoria. Illa gloriosior laurea, quã  
 victor animus decerpfit ex se ipso. Qui re-  
 fugit sui Rex esse, regni nesciet exteri. Qui-  
 cunq; dat sibi regēdo, ille potest dare jura  
 mundo. Non infeliciter ille alias gubernat,  
 qui sibi ipsi parere didicit imperare. Ipse  
 sibi consul & civis, ipse rex & colonus. In glo-  
 riũ est extra se dominũ, intra se servum esse.  
 Hic ergo Rex immemor inglorium esse,  
 assuetas sceptro & capulo manus Veneri  
 dare; & pro aurea directionis virga, mu-  
 liebri myrto pudēdē gloriari relicta Bel-  
 lonæ & Martis acie, ad illa transijt castra,  
 de quibus Pœtæ Militat omnis amans, &  
 habet sua castra cupido Fœdã hanc Regis  
 milli-

militiam S. Cracoviensis Antistes Stan-  
 flaus Ecclesiasticò ferijt gladio, quo veluti  
 fulminis ictu tactus Boleslaus exarsit in  
 iras: quas nonnisi præfuleo sanguine  
 restingendas ratus, sacrificantem ad aras  
 Præsulem propria cecidit manu illoq; gla-  
 dio, quo tot hostes vicerat, & auream  
 Kijoviæ portam secuit; Divo Stanislao le-  
 thale inflixit vulnus; simulq; tot victori-  
 arum memoriam innocentissimo Marty-  
 ris sanguine delevit. Insolens hoc ultra  
 audaciam facinus, summus Pontifex in  
 omnibus Poloniae Ecclesijs punivit in terdi-  
 ctio ipsumq; Regem Ecclesiasticò castiga-  
 vit anathemate. Boleslaus ergo regno,  
 & subditorum obedientiâ exutus, quali-  
 nam morte decessit; certò non constat.  
 Ferunt Poloniâ profugum, per præruptos  
 Pannoniæ montes vagabundum, & impo-  
 tem mentis sua fata, quæ tyrannos fugiunt,  
 quæsiuisse. Alij asserunt atroci canum  
 morfu esse discerptum: quanquam sævius  
 illum, patratum mordebat scelus. *Nul-  
 lus enim unquam crudelior fuit tortor, malâ  
 consci-*



conscientiâ. Nullus scivior carnifex, quam  
 mens sceleris sui conscia. Ipse reus ani-  
 mus instigator est sui, lictores sunt effectus.  
 Habet intra se macellum rea conscientia,  
 ut diram exerceat lanienam. Non est cru-  
 delior morsus, quam mens malè conscia;  
 quæ patitur tormenta sine carnifice, cruce  
 sine tortore. Unde inquit Seneca: Prima &  
 maxima peccantium pœna est peccasse. Quos  
 diri conscia facti mens, habet attonitos,  
 atroci verberare cædit. Mordax culpa ma-  
 lum tacito cor exedit ictu. Heu quanti  
 misero, pœna mens conscia donat nocte di-  
 teg, suum versat sub pectore testem, occul-  
 tum quatiente animo tortore flagellum.  
 Invigilant animo, scelerisq; patrati su-  
 plicio exercent culpa. Malis si desit carni-  
 fex, sibi ipsi non desunt. Sunt qui referunt  
 Boleslaum in quodâ Carinthiæ Monaste-  
 rio propè Villacum, post præviam pœni-  
 tentiam, sanctius quam egerat, vitam  
 finivisse. Si ita est, gloriosus post inglo-  
 ria facinora exitio Boleslaus: etenim res  
 omni miraculo major, si quis pessimè vix-

rit, optimè moriatur. Prodigium est, dis-  
 similem vitæ studijs mortem alicui contin-  
 gere. Rarè bene moritur, qui malè vixit.  
 Non dat triticeas spinarum semen aristas,  
 vitæq; nec mortem dat malè ducta bonam.  
 Mors vitæ eubo est: respondent ultima pri-  
 mis. Misera mors pessima vitæ lucrum est.  
 Hoc tamen est certum, quòd varia, quæ  
 malè sibi conscius fingeat metuens peri-  
 cula profugit ex Polonia: nimirum con-  
 scia mens semper quod timet, esse putat,  
 fontibus incubat horror. Conscia mens  
 sceleris, sibi mille pericula fingit. Mens con-  
 scia facti et timet, Espanam gignit formidi-  
 ne pœne. Sint sane omnia tutissima; si  
 malè conscius es, formidabis.

### IMAGO VLADISLAI I.

VLadislavus hoc nomine primus, dictus  
 Hermannus, Boleslai audacis frater,  
 Cracoviae electus successit in Regnum, Re-  
 giò diademate in pœnam occisi Divi Sta-  
 nislai privatum. Vir erat sui nominis,  
 virtu-



virtutum gloria celebris, par summis  
 Regibus, solo duntaxat Regis titulo minor.  
 Religionis præsertim, humanitatis & cle-  
 mentix amantissimus fuerat Princeps San-  
 ctitas à Prædecessore suo leges, libero Po-  
 lonæ gentis genio graves abrogavit, Polo-  
 niam interdicto Pontificio liberavit. Re-  
 belles Prussos, Pomeranos ac Bohemos,  
 qui se iugo exemerant, ultore & victore  
 ferro sibi Regnoq; subjecit, opes Siccie-  
 chi, exercituum Poloniæ Ductoris genera-  
 lissimi. Clarius virtutis suæ præbuit do-  
 cumentum, dum Zbigneo extra legitimū  
 thorum nato filio suo primum arma sibi  
 inferenti, deinde ad paternos pedes sup-  
 plici, vitam, quam ferro adimere potuit,  
 donavit, malens filij spectare lacrimas,  
 quàm sanguinem. Ratus nimirum glo-  
 riosius esse triumphi genus de eo, cui parcitur;  
 quam qui ultricibus & victricibus armis  
 debellatur. Utiq; corpora magnanimo sa-  
 tis est prostrasse leoni. Pugna suum finem  
 cum iacet hostis, habet. Boni Principis est  
 parcere subiectis, debellare superbos. Satis



est victora, cum sponte inclinata ad pedes  
 cadat protervia. Optimum victoriae genus  
 est, si ei parcas, quem vincere potuisti.  
 Et certe pusilli animi est vindictam velle  
 summere: gloriosum est cum Tiberio ride-  
 re iniurias, aut cum Tito aspernari; glo-  
 riosius cum Thedosiso condonare; gloriosissi-  
 mum cum Augusto etiam muneribus repen-  
 dere. Equamvis crescit; si pateris, sce-  
 lus; facundo caput tollit in otio impunita  
 protervia. Hic maxime sevit, qui par-  
 cit malis. Nimia clementia peior est cru-  
 delitate, dum parcit, ferit. Nihilominus  
 multa asperitate subditorum animi exulce-  
 rantur: iniqua est iustitia, licetorem cum  
 securi adhiberi, ubi sola proficeret virga.  
 Interdum melius est agrotare, quam cru-  
 deliter sanari. Irritantur scelera, quae  
 nimium saepe vindicantur. Ad veniam  
 sit pronior, quam ad penam Princeps, pau-  
 cis supplicio gravis, utilis debet esse univer-  
 sis. Durant, quae non dura. Ceterum  
 optimus Princeps in hoc solo erat malus,  
 quod in Sieciechum plus aequo erat bonus,  
 eius

eius nutibus & arbitrio nimum se permit-  
tens. Namq; male audiunt etiam optimi  
Principes, si plus aequo fiant boni. Inconsul-  
ta Principum bonitas, pusilli animi est  
iudicium. Ministri auctoritas non postpo-  
nenda, sed Principis maiestas preferenda.  
Nihil potestas Regum valet, nisi valeat  
& auctoritas. Iis limitibus Principum ac  
Ministorum circumscribenda fortuna, ut  
& illi non obliuiscantur se dominos, &  
ibi meminerint se esse seruos. Hac sit Prin-  
cipis & serui concordia discors; ut seruet  
studii federa quisq; sui. Quanquam post  
offensus Vladislaus Sieciecho familiari  
sua in aula, nimios in eum amores odiis  
castigavit. Scilicet gratia Magnatum ne-  
scit habere statum. Nihil citius, quam  
Principum favores decoquantur. In tragi-  
cam impingunt scenam; qui aulicæ vitæ  
exercent actum: eadem est omnino fides  
aulæ; quæ mobilis auræ. In aula non mi-  
nus certo interitus gratiæ expectandus est,  
quàm vitæ. Regum sollicita quicunq; mo-  
ratur in aula; aut fuit, aut semper postu-



lat esse miser. Periculosus aula oceanus  
 est, multorum infamis interitu. Nemo, gra-  
 dus nisi per plures ascendit in aula; ad  
 descendendum, plus satis unus erit. Hinc  
 monet Poëta Est aula pontus, spes tua na-  
 viget vicina ripæ. Stet quicumq; volet  
 potens aula culmine lubrico; te dulcis satu-  
 ret quies. Et Valerius Maximus: Elige  
 securitatem, ridens tugurium; quam triste  
 curis & solitudine aulam. Nam aula  
 profanata est sedes aptissima menti, est hi-  
 laris, gaudens vultu, spe dives inani. Au-  
 la inter fomenta, occulta sunt tormenta.  
 Inter molles aulicorum abyssos; calamitatum  
 reperitur abyssus. Regnavit Vladislavus  
 annis 20. cecidit fatis anno ætatis suæ 59.  
 Plociæ tumulatus.

IMAGO BOLESLAVI  
 Krivousti.

**A**D bella planè natus Princeps Boleslavus  
 Vladislavi magni bellatoris non minor  
 filius, pro puerili prætexta, militare por-  
 tabat



tabat sagum. Nondum puer, iam miles;  
 prius ferè gladium, quàm solem vidit.  
 Novennis namq; ad castra profectus, mi-  
 litia rudimenta positurus, in ediam, vigi-  
 lias, infomnes sub dio noctes, cæteraq;  
 Martis incommoda tolerabat. Potuit  
 de se dicere illud; *Infans sum vultu, sed  
 spiro corde Gradivum. Sic penè primis  
 proditur indoles angusta cunis Exiguo tru-  
 ces ex ungue noscuntur leones, & tenero  
 Iovis ales unco. Nescit sub ipsis gloriæ  
 fasciis latere. nescit idoneus tepere parvis  
 ardor in artibus.* Quasi verò illud sibi  
 dictum putaret: *Angustam amici pauperi-  
 em pati robustus acri militia puer condi-  
 scat, & Parthos ferosces vexet eques me-  
 tuendus hastâ.* Implevit illud Boleslaus,  
 quò post Sarmaticus Vates ad bellicos  
 ausus animabat juventam; *Pulchro Qui-  
 rites pulvere gaudeat impubis ætas: &  
 strepitum & minas, iam nunc & audaces  
 tumultus à tenero meditetur ungue. Vi-  
 sosq; primum sanguine, gestiat inter caden-  
 tum signa: neq; eligat, quò lassa post pugna*

reclinat colla thoro. Solidisq; somnum comendat armis: aut clypeo super effusus, aut se cespitis explicet per summa, non parcus iuventa, & decorum pretiosus emptor. Ne verò patriæ fortunæ successor à paterna aliquando virtute discederet: Patris sui imaginem à corde magis, quàm à collo ferebat quotidie. Et quia melius est Majorum facta colere, quàm Imagines; exactius eam expressit moribus; memor illius; qui in Majorum sanguinem succedit, in virtutem etiam succedat, est necesse. Et quamvis illi os intortum ex morbo, agnomen Kryvousti dederat; formæ vitium non erubuit, pulchro virtutum apparatu contentus. Nimirum forma virum neglecta decet. Rarò forma viris [secula prospice] impunita fuit. Sint procul à nobis iuvenes, ut femina, compti. Fine coli modico forma virilis amat. Non est dedecori vultus deformitas, si quis virtutibus est conspicuus. Poterat de se illud dicere: Si mihi defficientis formam natura negavit; ingenio formam clamma rependo mea, sed magis virtute.

Belli.



Bellica tamen virtus in eo maximè enituit. Cujus instinctu sæpiùs loricam, quàm purpuram induebat. Henricum IV. Romanorum Imperatorem exigua suorum manu, numerosissimo exiit exercitu. Quo pacto docuit, *virtutè rem bellicã geri, discerniq; non virorum numerò. Errat quisquis militum robora numerat, non aestimat. Virtutè pugnant; non numero viri. Et una sylvam sæpiùs eruit bipennis. Et pauca sequuntur innumeras aquila columbas. Sæpè in minùs numeroso exercitu plus animi latet. Virtute metiendus est miles, non numero.* Zbignei spurii fratris armis provocatus, victoriam reportavit. Patrocinantem Zbigneo Bohemorum & Pomeranorum perfidiam, ad rogam condemnavit; ut clariùs inter flammam illa orbi eluceret veritas; quòd *temerè suscepta sceleratorum patrocinia, plurimùm ipsis nocent patronis.* Cum Bohemico, Prussico, Moravico, Danico, Germanico & Russico Marte quoties confligit, semper victor extitit. Ut vero sui milites non minus bellicosi, quàm



virtuosi forent, eos rigore militaris disci-  
 plinae ad virtutum studium compellebat.  
 Non ignarus; *Exercitum scelera, maxima  
 in bellis gerendis esse infortunia.* Absq̃  
 virtutum suppetiis nemo unquam felici Mar-  
 te militavit. *Illi militat æther, & con-  
 jurati veniunt ad praelia venti; qui virtutū  
 stipatur satellitio.* Ut militum virtutes  
 certam pollicentur victoriam; ita eorum  
 crimina certissimum secutura cladis sunt  
 augurium. Non est fortius ad vincendum  
 robur, virtute. Miles quem ducit in cam-  
 pum virtus, non ad dubiam pugnam, sed ad  
 certam pergit victoriam: Deest plerumq̃  
 sceleri fortuna. & dissoluti exercitus mo-  
 res non ligant trophæa. Infallibilis illum  
 exercitum sequitur interitus, quem ante-  
 cedunt injuria. Quem gemitus pauperum  
 ad castra committatur, ille nihil refert e  
 praelio, nisi vulnera & cicatrices. Quis  
 alienas prædatur fortunas, ipse plerumq̃  
 in acie Martis in prædam cedit libitina.  
 Impossibile est, ut rem bene gerant in bel-  
 lis; qui lacrimas & execrationes pro via-  
 tico,

*lico, ad castra secum debebunt. Plerumq;*  
*innocua pauperum lacryma, proprio insolentis militis expiantur cruore. Repetet hostilis mucro graviori ielu illa vulnra; qua insolens militis manus innocenti infixit plebecula. Militarem tamen rigorem Boleslaus ducali leniebat liberalitate. Hinc Zelislao Duci contra Moravos strenue dimicanti, pro amissa in praelio manu, auream reposuit, contulitq; dexteram. Wzeborscio vero e praelio transfugae, aliis exemplum fugae pernitiosae danti, leporinam pellem, fusum, & colum muneris loco submitit; ut sub se Leone Duce, erubesceret esse lepus galeatus. Skarbimirum Palatinum Cracoviae, cum Zaigniew & aliis, sibi rebellem oculis privavit: & in poenam tanti ausus, Palatini Cracoviensis primatum infra Castellani subsellium collocavit. Hinc ad haec usq; tempora Cracoviensis Castellanus praet voto & subsellio Palatinum. Bellicosus hic Princeps pluribus victoriis, quam annis suum distinxit Imperium. Solum namq; triginta*



Sex annis regnavit, quadragies verò & se-  
 pties triumphavit. Russorum demùm &  
 Hungarorum fraudibus circumventus, post  
 cruentam hostilis ac sui exercitûs cædem  
 occubuit, Anno Domini 1130. ætatis suæ  
 54. Plocia in templo Parochiali recondi-  
 tus. Discat hinc posteritas, omnia huma-  
 na vicissitudinî rerum esse obnoxia. Vin-  
 cuntur etiam invicti, & felicissimi fiunt  
 infelices. Diuturna quandoq; felicitas,  
 infelici exitu terminatur. Rara est for-  
 tuna, qua infelicem non sortiatur even-  
 tum. Nemo ex istis, quos purpuratos vi-  
 des, felix est. In se magnâ ruunt; altis-  
 simum numina rebus crescendî posuere mo-  
 dum. Nihilominus eo ipso felix mors  
 Principis bellicosi; quia in Martis acie re-  
 perta: namq; victore ferro se popularibus  
 exemit armis. Ipsa fata fatiscere cogit;  
 quisquis hostes cadendo fatis cedit. Mar-  
 tem à morte, unica licet discriminet lite-  
 ra; nunquam tamen Marte quaesita gloria,  
 in sanguinis oceano naufragatur; quæ eò  
 ardet illustrior; quò copiosiori putatur ex-  
 tingui



tingvi cruoris diluvio. Suam quisq; Heroum  
 interitus gloriam habet. Victores & in  
 morte sunt felices. Non solum vincere, sed  
 etiam perire, martia indoli est gloriosum.  
 Fata viris vitam generant, famamq;  
 perennem.

IMAGO VLADISLAI II.

Nemo Lucina meritis onustos debuit an-  
 nos. Illi supremum Patru Patrisq;  
 Scipio probrum, docuit scelestos e bonis na-  
 sci; tenebrasq; clarum gignere lumen. Id  
 ipsum in se probavit Vladislau II. opti-  
 mi Parentis Boleslai Krywousti degener  
 filius. Minimè illi paterna suffragata est  
 virtus; qui vitiis erat deditus. Majorū  
 scilicet virtutes Avorumq; gloria, si sit  
 nepos inglorius, non reddunt gloriosum. Non  
 sunt tua, quæ Majores egerunt facinora.  
 Nemo alieno splendore evasit illustrior.  
 Suā Phæbus trabeatus luce, neq; adsciti-  
 tiis refulget splendoribus. Suo quisq; est  
 dives & domestica felicitate beatus. Ni-

bil prodest optimo patre natum esse, si ipse  
 es pessimus. Nihil unquam propudiosius  
 vidit orbis, quam degeneres à Parentum &  
 Majorum virtute successores. Quos ex-  
 tincta virtutum lux obtenebrat; eos avita  
 sanguinis splendor non illustrat. Hic in  
 primo Regni aditu in vitium impegit;  
 dum ut unicus imperaret, fraterno san-  
 gvini parricidale indixit bellum. Ita cer-  
 tē rara est concordia fratrum: impotens re-  
 gnandi libido, etiā fraterno non parcit  
 sanguini. Cedunt sanguinis iura, ubi suc-  
 cedit ambitio. Aliquando quos uteri uni-  
 us angustiis incluserat natura, regni unius  
 spatii agrē sustentat fortuna. Nulla sunt  
 magis robusta odia: quam ubi cognati san-  
 gvinis venas regni libido invaserit. Et  
 quamvis preces precordia ferrea tangunt;  
 flectitur iratus voce rogante Deus, & fu-  
 sis precibus placantur Numinis ira; nihi-  
 lominus supplices fratrum preces rejecit  
 Vladislaus; illi ergo, qui in Posnaniensi ar-  
 ce obsessi, tandem aequitate causæ erecti,  
 profunda nocte spe tumidos Vladislai mi-  
 lites



lites, vino somnoq; sepultos aggressi, succenderunt castra, fugarunt fuderuntq; exercitum, & suscitata odia cognato sanguine extinxerunt. Ita certè inter ipsa quandoq; infortunia nascitur felicitas. Facilius interdum vincitur qui sperat, quam qui timet. Perniciosior non raro est securitas apertis periculis. Ne viduum illum judica, quem vides prostratum: non raro victores vincuntur, victi triumphant. Qui semel est fractus hostis, non contemnatur, sed timeatur. Non expectato vulnus ab hoste venit. Sape suum levis fortuna victorem relinquit, & medios secuit triumphos contemptus hostis. Non putamiserum, quem vides infelicem. Venit quondam felicior atas. Quam negat praesens felicitatem dies, sanore ingenti sequens repondit. Quod vexant hodie Noti, cras lambent hilares aequor Eubesia. Mala tempora melioribus pensantur. Vladislaus itaq; ex acie & regno profugus, in exilio cum uxore & liberis delitescibat, frustra sibi Conrado & Friderico Imperatoribus Romanis,



manis, restitutionem solii spondentibus. Hoc est nimia ambitionis fatum, dum appetit aliena, sua plerumq; amittit. Multi quarentes aliena, seipsos perdididerunt. Sua fortuna fabri sunt avari, dum aureas sibi cudunt compedes, manicas in se induunt. Inter avaritia lucra, propria fortuna inveniuntur dispendia. Belli & cladis causa fuit Christina Uxor Vladislai, natione Austriaca, Polonis infensissima: ex cujus nutu & arbitrio quia regebat imperium; eo se indignū fecit. Nam non est dignus Imperio, cui imperat fœmina. Ignarus forsitan, quod fœmina etiamsi optimè velit, nunquam bene sapit. Prædictæ Reginæ instinctu Vladislaus Petro Dunin, antiqui moris viro, magis veritati & libertati, quàm Majestati addicto, linguam abscindi & oculos erui iussit. Certè si alicubi, in curiis vel maxime veritas odiū parit. Odit veraces aula asseclas, assentatores amat Parasitos. Adulatio est meretrix aulica, cujus blanditiis sæpius, quàm hostium ferro opes Principum everuntur. Rarò Principum lurcratur amores

& favores, qui blandiri nesciat. Ineptus  
 Principum est obsequio, quem assentationis  
 gratia non commendat. Placent splendida  
 mendacia, etiamsi sint palpabilia. Nemo  
 suos, sed Domini mores Caesarianus habet.  
 Imò nec soli assentationi, verum multis  
 vitijs locus est in aulis. Equidem in Re-  
 gum ac Principum aulis, tanquam in vera  
 ac libera schola tyrocinium ponitur publica  
 lucis; sed obnubilatur virtutis fulgor.  
 Magnæ aula sunt magna vitiorum recepta-  
 cula. Etiam ad innocentis Principis obse-  
 quia concurrunt, & sese insinuant gran-  
 dia mundi propudia; quæ etsi sanctior Prin-  
 ceptis proscribat, non semel sub mendace pro-  
 bitatis larva revertuntur. Rarum est  
 miraculum aula sancta. Rara avis in ter-  
 ris, nigroq; simillima corvo aulicus probus.  
 In aulis paria virtutum, ac vitiorum colle-  
 gia, imò celum cum tartaro mixtum. Vetus  
 est dictum: Exeat ex aula; qui cupit esse  
 probus. Prodigio majus est, mores quos  
 intuleris, integros extulisse. Coacta ad  
 ritus aulicos probitas citius ab aula exula-  
 bit,



Et, quàm exultabit in tam insolenti forō.  
 Inter odoratos nitores, & fœdos aularum  
 nidores, non est melioris vite odor. Inter  
 omnia tamen vitiorum agmina, astus, si-  
 mulatio & hypocrysis primatum tenent.  
 Qui fidus nullis, affabilis omnibus, omnes  
 decipit, hunc primo suscipit aula loco. *Fraus*  
*sublimi regnat in aula.* Quisquis in am-  
 bigua se non accomodat aula; omnibus inge-  
 niis, non habet ingenium. Regulae loco  
 habetur hic illud: *Dissimula, simula, quo-*  
*ties occasio possit; Moribus ut morem, tē-*  
*poribusq; geras.* Porro quantis sub hoc  
 Principe Patria involuta fuit calamitati-  
 bus piget calamum recensere; unicum id  
 satis est inquisisse, quod magna populi est  
 calamitas, uxorius Princeps. Caterum  
 regnavit Vladislaus annis sex; satis diu,  
 qui à male. Nam etiam breve Principum  
 Regimen est diuturnū, quod molestum. Quod  
 brevius tyrannus regnat, eò melius. Ty-  
 rannorum elogiū est breviter regnasse. In  
 malis Principibus hoc unctū est bonum, quod  
 citò moriantur, & non diu imperent.



IMAGO BOLESŁAI  
CRISPI.

**B**oleslaus hic à cincinnis capillorum Cri-  
spus vocatus, digna Krywouſti soboles,  
Regium Patris ſui nomen, regiis implevit  
virtutibus. Ac imprimis ſceptro potitus,  
ut Pater Patriæ, civium erat amantiſſimus.  
Hinc exactionum onera à Vladiflao Præ-  
deceſſore ſuo impoſita partim imminuit,  
partim ſuſtulit. Non ignarus, quòd ni-  
mia tributorum pondera, ipſam obruunt  
Rempublicam. Preſſis & attritis pauperi-  
bus labuntur imperia. Illa tributa à ſub-  
ditis perduntur, quæ non ſinè dolore à Prin-  
cipibus imponuntur. Nihil eſt gravius,  
illis Principibus, qui miſeram plebem faci-  
unt tributariam. Religioni quoq; conſer-  
vandæ ac propagandæ, erat addiſtiſſimus.  
Sola namq; Religio Reges & regna beat.  
Quid in Religionem committitur, in omniũ  
fertur ruinam. Hinc Religioſiſſimus Prin-  
ceps, Pruffiæ & Pomeraniæ Ducibus, ar-  
mis Catholicam perſvaſit fidem. Ad in-  
ſtanti

stantiam Friderici Barbozæ Romani Imperatoris, Vladislao fratri suo cum Christina in Germaniam profugo, immemor suæ injuriæ, Silesiam pro alimentis concessit. *Hæc nimirum solida est Regum gloria, injurias ulcisci beneficijs. Nihil est in Principe gloriosius, quàm si edomitam iam armis pertinaciam, adhuc expugnet beneficijs. Illa est felicissima memoria, quæ non recordatur injuriarum, nisi ut condonet. Nulla pulchrior est victoria, quàm injuriam vincere patientiâ & beneficiâ. Sicut magnum malum est, malum ferre non posse; ita magnum bonum est, vincere in bono malum. Quanquam majoris animi est injuriâ non agnoscere, quàm ignoscere. Cum tibi aliquis injuriam adfert, noli curare; & vulnus omne curâsti. Nec bellandi animus & dexteritas huic defuit Principi, duorum Cæsarum, Conradi & Friderici arma armis retorfit; Bohemos & Germanos à finibus Poloniæ ferrô reiecit. Omnium armorum genera novit præter arcus cupidinis, victor sui suorumq; affectuum gloria fissi-*



riosissimus. Et certè non sunt boni illi Re-  
 ges, qui sunt Reges suorum, non sui. Prin-  
 ceptus ipse: erit autem, si affectibus suis  
 dominari noverit. Antequam iniret bel-  
 lum; in more habuit, belli causam con-  
 silio explorare. Optimè gnarus, quòd Con-  
 silio meliùs, quàm viribus arma geruntur.  
 Plus quandoq; potest consilium domi, quàm  
 arma foris. Ut vires quiescant, pugnan-  
 dum est in genio. Ab ingenio quandoq; plus  
 virium habetur, quàm à numeroso exercitu.  
 Magis ferit librata forti consilio manus.  
 Securior est victoria, cui pro galea, stat  
 ratio & consilium. Inexpertis est, teme-  
 rè ad bella ruere; lentè festinare, & præ-  
 viò consiliò, sapientis. Felix Imperium,  
 quod pacis tempore bellum prævidet; &  
 Martem cogitat ante diem. Meliùs in-  
 terdum capite dimicatur, quàm manu. Arti-  
 bus indomitum spirans mens Martia pectus,  
 semper felici prælia Marte gerit. Prævia  
 consilia & Ducibus prudentia, belli Dux  
 esto. Militis armet mucro manum, ratioq;  
 caput. Porro æquitatis memorandum re-  
 liquit



liquit exemplum, dum Bolestam Castell.  
lanum Visnensem, eò quòd Vernerum  
Plocensem Episcopum per sicarios pere-  
misset, severissimè iudicavit, rogoq; ad  
terrorem aliorum cremandum addixit.  
*Scilicet unius pœna, multorum est cautela.*  
*Vitabit scopulos, qui alios submersere.* U-  
*bi insidiosa favilla unum adusserit, secun-*  
*dus attrebare non audebit.* Ibunt expan-  
*sis terrarum crimina velis; si liberum ubiq;*  
*cursum nanciscentur, nec ulla remora in-*  
*sanos eorum impetus detineat.* Et quam-  
vis ingentium malorum remedia, nunquam  
suis carent periculis: nihilominus melius  
periclitari, quàm sceleribus patrocinari.  
*Truncantur & artus; ut liceat reliquis*  
*securum vivere membris.* Caterùm tot  
tantisq; auctus meritis, post infaustum cum  
Pruthenis bellum, & diram per omnes  
Provincias famem, gravi morbo corre-  
ptus, fatis cessit Anno Domini 1173. æta-  
tis 46. in arce Cracoviensi tumulatus.  
Non ita tamen mortalitatis explevit le-  
ges; ut immortalis esse desierit: siquidẽ

*Virtus*

*Virtus perpetuum sibi condit ævum. Vir-  
tus sepulchri nescia, funebrem non noscit  
urnam.*

I M A G O M I E C I S L A I  
S E N I S.

**U**T nihil pulchrius est, quàm juvenis mo-  
rum canite venerandus; ita nihil tur-  
pius, quàm levis & fatuus senex: qui nihil  
aliud ad probandã etatẽ adferre potest; præ-  
terquàm quòd diu vixerit. Verùm non  
longa annorum series, sed morum gravitas  
senes efficit, & maturos. Sape vir in  
puero est, in sene sape puer. Multi sunt,  
in quibus non pueritia, sed puerilitas rema-  
net. Non pauci authoritatem habent se-  
num, vitia puerorum. Est levior puero,  
longo licet obsitus ævo. Miecislaus Bole-  
slai Crispi frater, non etatis beneficiò, sed  
morum gravitate, senis agnomen acqui-  
sivit. Quasi dixisset: Mento canescant  
alii, nos mente, capillio, nos animo: facie,  
nos pectore. Tempora certe virtutem non  
prima



*prima negant, non ultima donant. Illud ei apprimè quadrabat: Læta viro gravitas, & mentis amabile pondus: quò possis, viso, dicere, Numen adest. Iam tunc cavitates animi, jam dulce loquendi pondus & ingenium venerat ante diem: ingenium, cæleste suis velociùs annis. Hanc tamen laudem promeritus juvenis, amisit senex. Ita sanè non semper respondent ultima primis; equidem omne exordium augur est futuri exitûs. Ut ab ortu futura diei presagimus serenitatem; ita à teneris juvenæ ungviculis, secutura colligimus virtutis incrementa. Solet illustris sanguis in tenero adhuc infantum vultu, grandæva monstrare indicia, & in prima atq; rasa tabula, futura vitæ imaginem adumbrare. Nihilominus sæpius bonam juvenam, flagitiosa obliteravit senectus. Hic Princeps in privata extra solium vita mitissimus, in Regio collocatus throno, ferocia superavit tyrannos, scilicet Honores mutant mores; sed rarò in meliores. Plerumq; cum fascibus crescit fastus. Etiam*

*opti-*



optimam indolem, quàm indidit natura, sæpè magna corrupit fortuna. Non raro mitem genium purpura efferauit. Interdum dignitas, quos bonos inuenit, fecit malos. Scilicet: *Difficilis res est opibus non tradere mores; Et cum tot Crasos uiceris, esse Numam.* Sub hoc Principe nihil in Polonia erat liberum, ne vox quidem. Ipsa libertas eo regnante fuit m̄cipata, nimirum: *naturâ inimica sunt inter se, gens libera, & Rex auaritiæ supra modum deditus, nihil sitiebat, nisi aurum.* In libra iustitiæ, non rationum pondera, sed oblata munera ponderabat: nullus proinde eo iudice uicit causam, nisi dives. Severus aliis iudex, iniquus sibi: crimina non in se, sed in aliis castigabat. Aliena scelera puniuit acerrimè, suâ connivente diffimulabat superciliò. Sic plerumq; illi grauius alienis irascuntur uitiis; qui impensius amant sua. Illud duntaxat in malis est bonum; quòd sui similes oderint. Ordinarius malorum rigor est, aliena plectere scelera, sua palpare.

Severitati crudelitatem adjunxit, ferocior in homines, quàm in feras. Et quamvis crudelis Princeps ab omnibus timetur; ipse tamen magis timebat omnes. Hinc Regalis Curiaè limen, ferrò terroreque; armorum muniebat. Sed *tutior est amatus quàm armatus Princeps. Non excubia, nec circumstantia tela, quàm tutatur amor. Melius est amorum, quàm armorum cingi satellitiò. Pessimus Majestatis custos, timor. Non eget excubiis, quemcùq; tuetur lene satellitum, & stricta sinè cade secures. Ingentes copia non satis muniunt; cui muniendo non sufficit paucorum presidium. Ubi communis est omnium amor, vel unus custodiae satis est: & omnis numerus parvus est, ubi est odiù omnium. Impietas & furor nullò arcium munimentò, nullò armorum presidio sunt securi. Hoc est præcipuum munimentù, munimentò non egere. Mali semper pavidi, quia semper rei: semper de presidio soliti, quia conscientia sceleribus semper est obsessa. Qui sceptrà durò sævus Imperiò*

*riō regit, timet timentes; metus in aucto-  
 rem redit. Sola metu virtus caret omni:  
 ea tuta tribunal ambit, & à nullo fulmi-  
 nis igne timet.* Illud solùm boni in suo  
 Principatu fecisse visus; quòd bina ex-  
 truxit Xenodochia: sed plurima fecit,  
 cum plurimos nimis tributis & exactio-  
 nibus oneratos, inopes miseròsq; effecit.  
 Optimis infensus consiliariis, salutaria sper-  
 nebat Senatorum monita. Ignarus cer-  
 tē, quòd *statuere omnia sine consilio, præ-  
 sumpta felicitas est.* Equidem omnia e-  
 xequi ex aliena sententia, & consilio, ser-  
 vitus est. Nihilominus cuncta pro libitu  
 absq; consilio agere, est temeritas. Præ-  
 cipua boni Principis est prudentia, alios  
 prudentiores putare; nemo omnes, neminem  
 omnes fefellerunt. Tot ergo tantisq; cri-  
 minibus, Duce Gedeone Episcopo Plo-  
 censi, indignatus Senatorius Ordo, Regē,  
 an potius tyrannum throno dejecit, &  
 impotentibus male tractantiū manibus sce-  
 ptrum eripuit. Discat hinc posteritas,  
 quòd nunquam in solis perstat solidè plus



*aequò imperiosa potestas. Infeliciter imperant, qui Imperium licentiâ metiuntur. Impotens Regum favor nulli magis nocet, quàm sibi, dum ultra fas & æquum sævit. Quò se altiùs extollit superba felicitas, eò graviùs cadit. Qui nimiùm eminere ambit, ruit profundius. Longo nisu in sublime contendit ambitio, nullo ruit. Ad fatalem lapsum, plus nimio satis est ascendisse. Suprema honorum meta, gradum in præceptis substituit. Magnarum molium ingenium est, magna moliri, ac representare ruinam. Sidunt ipso pondere magna, ceditq; oneri fortuna suo. Ter quidem contra factorum contumaciam thronum repetere nitebatur Miecisslaus; sed toties folio ac regno est pulsus. Regnavit annis tantum 4. Nimirùm rarò sunt diuturna improborum Imperia. Nulli scelesto fortuna diu felix fuit. Ad maturitatem non pervenit superba felicitas. Nihil citius, quàm improbi decoquitur fortuna.*

IMAGO CASIMIRI  
JUSTI.

Post durum Miecislai Regimen, Casimirus ultimus natus Kryweusti filius, gratiosissimus Princeps successit in solium. Junctum agnomen obtinuit eò, quòd causas justissimè judicabat; nihilq; contra fas & æquum in Regno tolerari voluit. Et certè, sublatà justitià, nihil sunt regna, nisi magna latrocinia. *Iustitia Regum, est pax populorum. Jus & æquitas, sunt vincula civitatum, & Imperium reddunt diuturnum. Regnorum basis, est justitia. Corruunt Regna, ægrotatis adminiculò destituta. Iustitia est scutum, presidiumq; vita, templum & sacrarium virtutum, omnium rerum divinarum, humanarumq; robur & conservatio. Ut domus non cadat, fundamentò est opus; ut mundus non pareat, justitià & æquitate. Si justitiam in Principe non inveneris; ne ipsum quidem invenies Principem. In primo Regii honoris aditu, clementià & lenitate omni-*

um sibi devinxit animos. Nihil quippe  
 tam decorum est in Principe, quam si Ma-  
 jestati jungat clementiam. Errat quisquis  
 nimiam Principum severitate, Majestati  
 auctoritatem posse conciliari existimat.  
 Tutius imperat quietus ensis, tutius in-  
 cens chalybs, Majestasq; laetos Imperi o-  
 populos coercet. Princeps sit instar apis,  
 qua ubiq; mella fundit, aculeum vero non,  
 nisi necessitate coacta stringit. Qui mi-  
 nus imperat, plus imperabit; quiq; cogit,  
 ille minus populum movebit. Plectitur  
 obsequio curvatus ab arbore ramus; fran-  
 ges, si vires experiare tuas. Singulare ta-  
 men lenitatis exhibuit specimen, dum im-  
 pacta sibi a collusore Equite, ad alearum  
 ludum alapam, percussori crimen laesae Ma-  
 jestatis donavit: seq; ipsum, quod ad  
 aequalitatem subditi demiserit, tanti cri-  
 minis reum pronunciavit. Quanquam  
 non corrumpit lenitatis gloriam, debita in  
 malos severitas. Crudelis lenitas est, qua  
 vitia palpat, non curat. Nimia clemen-  
 tia non Regis virtus, sed regni virus.

Qui



*Qui malos sustinet, non clemens dicitur,  
 sed ignavus. Ingloria laus est, & probrū  
 clementiæ, iniqua patientia. Non irasci  
 perversis, non est pij animi, sed perversi.  
 Infelix illud regnum, in quo impunita felici-  
 ter regnat malitia. Pusilli animi est,  
 inconsulta clementia. Aliena scelera facit  
 sua, qui eis indulget. Ut multā asperitate  
 Principis exulcerantur subditorum animi; sic  
 nimia lenitate solvuntur. Nihil boni speran-  
 dū in regno, ubi vitia magna regnū obtinent.  
 Magnū boni Principis arcanū est; ut subditos  
 ad bonū flectat, rebelles plectat. Flagitia pa-  
 trat, qui parcit flagitiosis. Nemo medicorū  
 tyrannus audit: cum putido sanguine tumen-  
 tes venas incidit. Ne renuas molli fomenta  
 medentia tactu: sava manus Medici, ni pre-  
 mat, ulcus erit. Docet scelera, qui parcit  
 sceleratis. Corrūpit bonos, qui tolerat malos.  
 Hinc effrenem Magistratuum licen-  
 tiam, despoticum in subditos dominatum  
 Procerum, & profligatissimos potentiorum  
 mores legibus coërcuit. Turbulenta verō  
 seditiosorum capita ferro abstulit. Non*

ignarus, quod nihil est perniciosius Reipub-  
 lica, quam civium seditio. Turbulenta  
 capita Reipublica turbant corpus. Inter  
 domesticos dissidium, exitiale est regnorum  
 venenum. Civium secta, regna secant.  
 Seditiosi homines vipera sunt, quae matris  
 rodunt viscera; fulmina sunt, quibus con-  
 cipiuntur, iisdem non parcant nubibus, sed  
 eas suo lacerant tumultu. Illud quoq; ac-  
 cedit in laudem Casimiri, quod latas à Præ-  
 deceſſore fratre suo leges, liberae genti  
 graves, abrogavit: pares verò ferendo in-  
 fluit, & observari curavit. Non igna-  
 rus, quod legibus Respublica ad diurni-  
 tatem firmatur. Bonis legibus & Reges,  
 & regna conservantur. Custodia legum,  
 est custodia Regum. Tria conservant Re-  
 publicam, bonus Rex, bonus grex, & bona  
 lex. Non aliâ re magis labefactantur re-  
 gnorum status, quam violatione legum. Præ-  
 sentis duntaxat sæculi, communis est lex,  
 nullam servare legem. Nihil faciunt le-  
 ges, nunc sola pecunia regnat. Pereunt  
 discrimine nullo amissæ leges. Nulla est  
 reve-



*reverentia legum, nec metus, aut pudor  
 est. Multi sunt, qui attendunt legibus ut  
 alios convincant, ipsi verò vivant exleges,  
 quibus quidquid libet, licet. Et quamvis  
 Regem lex regit atq; gregem; & leges ho-  
 minum Dominas, non homines legum Domi-  
 nos esse oportet; sunt tamen, qui invertunt  
 ordinem; non legibus subditi, sed leges sibi  
 subditas esse volunt. Quia verò parùm  
 est Principem in homines esse bonum; nisi  
 sit etiam in Cœlites pius. Ideo religiosissi-  
 mus hic Princeps, plurimas Deo, Divisq;  
 extruxit Basilicas; Sacrum Divi Flori-  
 ani Martyris corpus, ad tuenda regni con-  
 finia, à Romana Sede impetravit. Et  
 certè frustrà Poloni cingimus oppida muris,  
 & arces arcibus addimus; delubra si squal-  
 lent, & altis Cœlitum viret herba tectis.  
 Frustrà caduci fulminis artifex moles ab  
 alta turri remugit; si mœsta respondere  
 cantu templa negant, superùmq; pridem  
 sacrò stupefiant ara silentiò. Dei cultus  
 & Divorum, tutissimum est præsidium Re-  
 gum, & regnorum. Et illud non præte-*



reundum, quod Miecislao Haliciæ Duci  
 ereptum Ducalem titulum, vi & armis  
 vindicavit. Nec in solos cives, regniq;  
 sui amicos, etiam inhostes benevolus ex-  
 titit. Depresso namq; foedifrago Prussia,  
 Ruffiæ, & Pomeraniæ fastu, veniam illis  
 donavit. Tot itaq; immortalibus factis  
 plenus, in festivo convivio de immortali-  
 tate animæ discursu facto, subitâ morte è  
 vivis est sublatus: immortalia suorum  
 facinorum præmia ab ipso cælo recepturus.  
*Bono enim Principi præmiando, sola par esse  
 potest immortalitas.* Justa justo Principi  
 persoluta Cracoviæ. A. D. 1194.  
 regni 12.

IMAGO LESCONIS  
 ALBI.

**L**esco Casimiri Justi filius, ab albo ca-  
 pillitio, albi agnomen fortitus, ante an-  
 nos curamq; gerens, animumq; virilem, in  
 puerili ætate ad solium est assumptus. Cui  
 mens ardua semper à puero, tenerisq; etiam  
 fulge-

fulgebat in annis. Hic ore puer, pueriq;  
 habitu, sed corde sagaci aequabat senium,  
 atq; astu superaverat annos. De illo di-  
 ci potuit: *Cepisti, quâ finis erat; primor-  
 dia tanta, vix pauci meruere senes.* Et  
 quia *teneris est lubrica moribus atas;* cum  
 Helena matre scepra tenuit, sed haud  
 feliciter. Nec mirum: *Rectus perverti-  
 tur ordo, si faemineis manibus sceprum  
 comittitur: quas ipsa natura ad solum de-  
 stinavit.* *Majus miraculo est, si mulier  
 bene regat: quæ regi, non regere nata, pa-  
 rere, non imperare.* Verba § componere  
 fraudes, hoc unicum didicit faemina semper  
 opus. *Est crudele genus, nec fidum fae-  
 mina nomen.* Nulla ferè causa est, in qua  
 non faemina litem moverit. Experta id  
 Polonia muliebri scepro subjecta, exper-  
 tus ipse Lesco à matris genio pendens, &  
 arbitrio. Ter scepris privatus erat: se-  
 mel à Miecislao Sene armis è folio detur-  
 batus, deinde ejusdem fraude captus, ex  
 Imperio pulsus; tandem à Polonis regno  
 fuit exclusus. Sublato tamen è vivis Mie-

cillao, rediit ad regimen non abiturus.  
 Quod ita obivit; ut omnes Imperium sibi  
 ferò datum dolerent. Princeps tot ma-  
 lis eruditus; nulli nisi pessimo erat malus;  
 Legum Patriarum & custos, & assertor  
 fuit; rigorem iustitiæ clementiâ tempera-  
 vit; & fontes punire, & insòntes tueri no-  
 vit; ad honorum insignia dignos, & bene  
 meritos promovebat. Et certè *felicior sta-  
 tus est, in quo sub malo Principe ad digni-  
 tates adhibentur probi; quàm ubi ab optimo  
 Principe elevantur improbi.* Periculosus  
 ille honoris est ascensus; cui nullum virtus  
 extruxit gradum. *Præcedat virtus est  
 necesse, si comes è vestigio insistat honor.* Ma-  
 gnus honor, magnorum scelerum non paucos  
 fecit captivos; qui virtutem in suppetiis  
 non habuerunt. Nemo dignior honoribus, quàm  
 cui virtus suffragatur. Nec solem latere,  
 nec virtutem delitescere convenit. Opti-  
 matum nomen & gloria, non nisi optimis  
 debetur. Par est summis, qui non impar  
 optimis. Nullus est eminentior è Proceribus,  
 quàm quem proceram virtus, & meritorum  
 magni-



*magnitudo ad sublimes honorū evexit apices.  
 Reddit honoribus vices, qui eos emerita ca-  
 pessi manu. Virtutis præmium, rectè facto-  
 rum merces, meritorum corona, debet esse  
 honor. Et sicut bonis erat gratus, ita ini-  
 quis erat formidabilis. Romanum Hali-  
 censem Ducem olim à se creatum, be-  
 neficii immemorem, provincias suas inva-  
 dentem, felici Marte profligavit. Tan-  
 tis tamen virtutibus non favit fortuna:  
 namq; à Sventopelco Pomeraniæ Guber-  
 natore callidè in balneo circumventus,  
 inde seminudus profugus, post feralium un-  
 darum usum, proprio sanguini immersus  
 occubuit. Ita certè à nulla majestate pro-  
 ceul est casus. Fortune volucris ludimur impe-  
 tu. Statur casibus: occidit quod surgit.  
 Supremas quas dedit, auferet fortuna mitras.  
 Nihil solidum diu stetit: invicta fatorum  
 series; summissq; negatum stare diu. Excel-  
 sis prærupta adiacent. Quod est summum,  
 proximum casui. Cælum pisum, quo nihil ab-  
 tiùs occurrit aspectui, fatum expectat.*

[131]

I M A G O B O L E S L A I  
P U D I C I .

Boleslaus Krywousti nepos, Pudici nomen fortitus eò quòd cum Cunegunde Regis Hungariæ filia, thori & throni sui consorte, in perpetuâ vixerit castitate. *Rara est virtus pudor in purpuris, verecundiâ in curiis: Rarum pratum sinè flore, rarior juvenis sinè amore, rarissima Principum aula cum pudore. Pudet plerumq; in aulis non esse impudentem.* De virtutibus huius Principis non quære, ex Polonorum parcœmia conijce: *ubi pudor est, virtutem ne quæsieris.* Scilicet, *verecundia virtutis index est.* Ubi pudor regnat, *cetera virtutes famulantur.* Sanctus tamen hic Princeps, parem magnis suis virtutibus fortunam non habuit: Sæpè enim *optimis pessima, pessimis, optima eveniunt.* *Iniqua rarò maximis virtutibus fortuna parcat.* Conjurâsse in eum visa sunt infortunia, ac imprimis Tartarorum armis, & Conradi Patruï sui bellò pressus,



pressus, ad Belam Hungariæ Regem è  
 Patria fugere debuit. Subsecuta diram  
 armorum messëm ingens fames, pestifer  
 aër, civium seditio, provinciarum à vici-  
 nis gentibus vastatio, innumeraq; regi-  
 mala sunt comitata. Nempè raro soli-  
 taria incedunt magna infortunia. Fatale  
 malorum semen est, casus prior parit sequen-  
 tem. Sape præsens malum gradus est futuri.  
 Miseriarum non finis quæritur, sed mate-  
 ria mutatur. Vocant se in subsidium ca-  
 lamitates: nec sinè earum mutua societate  
 stare potest fatorum malignitas. Tantò  
 tamen illustrior erat Boleslai virtus; quan-  
 tò fortior in adversis. Nempè apparet  
 virtus arguiturq; malis. Magis spectatur,  
 qui læsus ex prelio, quàm qui integer domũ  
 redijt. Tantò erat dignior & laudabili-  
 or Princeps; quantò patientior. Scilicet,  
 adversis probitas exercita rebus, tristi  
 materiam tempore laudis habet. Quisquis  
 duros casus virtutis amore vicerit, ille si-  
 bi laudemq; decusq; paravit. Nec caruit  
 solatiò longa Principis patientia, eluctatus  
 enim



enim ex malorum congerie, & Conradū  
 Poloniae Regnum ambientem, Belæ Regis  
 Hungarorum suppetiis fultus, armis cœer-  
 cuit; & Tartaros prædam in regno agen-  
 tes, ferrô expulit. Henricum quoq; Vra-  
 tislaviensem Ducem, cum numeroſo exer-  
 citu graſſantem proſtigavit; Jazwingas  
 unô præliô ad internecionem delevit: Ruſ-  
 ſiam demãm, Sileſiam, & Moraviam vin-  
 dice gladio ſubjugavit. Sicq; *flebile prin-*  
*cipium, melior fortuna ſecuta eſt.* Et cer-  
 tẽ *crescunt difficili gaudia jurgio.* *Gaudia*  
*præmiſſi cumulant inopina dolores.* *Vera*  
*proles lacrymarum eſt voluptas.* *Ceu rore ſe-*  
*ges viret, ſic creſcunt riguis gaudia fletibus.*  
*Multa dies, variuſq; labor mutabilis ævi*  
*retulit in melius.* *Sapẽ tulit laſſis ſuccus*  
*amarus opem.* *Sapẽ Iovis telô quercus ad-*  
*uſta viret.* *Gaudet emi ſummis venalis*  
*fama periclis.* *Mæſtum ſol bodie, cras*  
*latum roſeo promet ab aquore caput.* *Al-*  
*lerno redeunt choro, riſus & gemitus,* &  
*madidis prope ſicci cum lacrimis joci.* *Na-*  
*ſcuntur mediis gaudia luctibus.* *Cũ leves*  
*viſent*

visent tua tecta casus, letus occurreris. Pe-  
 reunte luctu, faustitas & pax subeunt eos-  
 dem saepe Penates. Imò dulcius est post  
 aduersa solatium, gratior post decumanos  
 fluctus malacia. Dulce loqui miseris, ve-  
 tereſq; reducere questus. Porrò rebelles  
 seditiosorum civium animos, quos aurò  
 non flexit, plexit ferrò. Turbulenta namq;  
 civilium seditionum capita, ferrò quandoq;  
 faciliùs domantur, quàm aurò. Cæterùm  
 inconditos discordantium Polonorum mo-  
 res, salisfodinis ad vota Cunegundis suæ  
 coelitus apertis temperavit. Tandem post  
 tot thori throniq; miracula, exactis in  
 folio annis 52. ad cælum pro pudicitiae præ-  
 mio evocatus. Nullam reliquit posteri-  
 tatem, præter Regiæ innocentiae famam  
 immortalem.

IMAGO LESCONIS  
 NIGRI.

**L**esco hic Dux Siradiensium, ab atro  
 vultus colore Niger appellatus, post Pu-  
 dicum



dicum Regem Patrum suum, in fortunæ  
 & gloriæ hæreditatem successit. In ipso  
 regiminis exordio bellum cum multipli-  
 ci hoste nactus, pro Ducali tiara milita-  
 rem galeam assumere debuit. Verùm  
 tutelaribus Divi Michæelis suffultus sup-  
 petiis, feliciter illud superavit. Ingentes  
 Russorum, Tartarorum, Lithvanorum,  
 Jazwingarumq; in Palatinatu Lublinensi  
 grassantium copias fudit, fugavitq;. Scili-  
 cet, *feliciter in prælio vincit, cui Calitum  
 adsunt suppetia.* Sed atrocius hostili do-  
 mesticum in Patria discordantes cives mo-  
 vèrunt bellum. *Meliùs enim est ab ex-  
 terno hoste premi, quàm à domestico oppri-  
 mi. Pejor est bellò pax, qua arcano ubere  
 bella lactat. Honestiùs est cum hoste bel-  
 lum, quàm pax civibus turbulenta.* Nihil-  
 ominùs ut felix in hostico victor, ita glorio-  
 sus in Patria extitit triumphator: ubi civi-  
 bus supplicium ob seditionem promeritis,  
 veniam & vitam supplicibus donavit. Et  
 certè *tot civicas meretur coronas Princeps;  
 quot perire volentes servat cives.* *Fædan-  
 tur*



tur triumphales victorum lauri; si civili  
 sanguine polluantur. Melius est unum  
 servare civem, quam mille hostes occidere.  
 Illa maxime corona victorem Regem decet;  
 quæ à servatis civibus, civica appellatur.  
 In bello civili, & qui cadit, & qui cadit,  
 æquè est inglorius. Pulcherrima est virtus,  
 civilis sanguinis parsimonia. Turpissimū  
 vitium, civium laniena. Nulla in bello  
 civili victoria, citrà vitium. Nullus de  
 civibus triumphus, citrà crimen. Tantæ  
 verò moderationis animi, & lenitatis erat  
 Lescō; ut ne in hoste quidem captivos sæ-  
 vire voluerit. Vincere enim hostes, herò-  
 um est, sævire verò in eos, tyrannorum.  
 Est vinci miserum, non semper vicissè, de-  
 corum. Tantis tamen armorum animo-  
 rumq; victor fuisset gloriosior; si illatas fi-  
 bi leves à Conrado Mazoviæ Duce inju-  
 rias; ferro & igni non vindicasset; cogna-  
 toq; sanguini funestum bellum non intuli-  
 sset. Magnus enim est Princeps, qui ma-  
 gnitudinem suam non tam imperiò, quam  
 imperii moderatione, non tam hostium, quam  
 hosti.

*hostilium suorum affectuum victoriis metitur.* Ultionem hanc divina Nemesis castigavit. Mox enim aggressi Lesconem Tartari, potiori ex parte prædatorem ejus exercitum, ad tartara transmiserunt. Lesco verò turpiter è prælio profugus, multos suorum alienis prædis onustos, trajciendo flumen ad stygem misit. Tandem redux in Patriam amisso exercitu, & ipse in spoliis cessit morti, Anno Domini 1289. Ex hac catastrophe istud erue documentum: *Semper cognati sanguinis ultor DEUS; triumphales laureas, in ferales transplantat tæxos. Sape nimiam ultionis sitim, ultrix Nemesis proprio ultoris restinguit sanguine. Vindicta lucrum est, in ipsa interdum vinci victoria.* Quinquam & Conradus vel ideo vindex ferrum & ignem meruit, quòd Joannem Czaplam Canonicum Plocensem, Scholasticum Vratislaviensem, pietate & Doctrinà insignem, innocenter impio multavit suspendio. Hic excommunicationis poenâ in Synodo Leczycensi latâ castigatus, sacri-  
 legum



legum luit crimen. A Gregorio IX. summo Pontifice absolutus, Lovicium pro Episcopatu Gnesnensi, cum adjacentibus bonis donavit.

DECAS IV.

Imaginum.

IMAGO PREMISLAI II.

PREmisslaus Majoris Poloniae, & Pomeraniae Princeps, ablatam ob sacrilegum in Divo Stanislao, per Boleslaum Audacem, perpetratum crimen, tandem aliquando, post ducentos & quindecim annos Coronam recepit, inauguratus anno Regis Regum 1295. vigesima sexta Junii Gnesnae, à Jacobo Swińka Gnesnensi Archi-Episcopo. Princeps hic cum imposito capiti suo diademate, regni curas suscepit, seq; totum commodis Patriae & civium devovit. Et certè: *Nihil est augustius, quàm ad universa boni publici commoda, non verò ad superbiam fastum coronam gestare. Dedecus regnan.*



regnantis, est Reipublica calamitas. Non  
 illustrat eum Principem fulgor auri; quem  
 communis damnat inopia. Nihil magis in-  
 timum cordi esse debet Principis, quam bo-  
 ni communis amor. Arma exui possunt à  
 Principe, amor boni publici nunquam depo-  
 nendus. Sinè trabea amoris, vividissima  
 frigescent Imperia. Sinè purpura Chari-  
 tatis, frustra regiū fulget paludamentū. Ma-  
 gneticum amoris est robur, rigentia ferro  
 pectora mutuos trahit in amores. Amor  
 amorem ferit: amor amoris est planta, &  
 fructus. Hinc effecit boni publici, & ci-  
 vium amantissimus Princeps, ut omnium  
 corda in sui traxerit amorem. Sed fato-  
 rum invidia, magna solatia non concedit  
 esse diuturna. Sors nulli purior unquam al-  
 luxit, nituitq; diu; sed lata profanat luctus  
 atrox, didicitq; diē spoliare serenō. Rarō fe-  
 licitas pervenit ad senium. Regna ut mare  
 momento vertuntur. Nunquam sincera bono-  
 rum sors ulli concessa diu. Res DEUS nostras  
 celeri citatas turbine versat. Una dies quan-  
 doq; Parens, quandoq; noverca. Nihil nimi-  
 ūm diu

ùm diu stetisse, nec perenniore spe solidum  
 radiasse, magni sanxere Divi. Esset hu-  
 manis aliquod levamen cladibus; si res ca-  
 derent eadem, qua morâ surgunt: sed hu-  
 mant repente alta ruina. Dum namq; in-  
 gresses Premissus meditatatur actus, octavo  
 regni sui mense à Marchionibus Brande-  
 burgicis per insidias, vitâ simul & purpu-  
 râ est exutus, ipsis Bachi Hilariis ad par-  
 ricidium abusi hostes dicatâ piacularibus  
 cineribus die, innocentissimam sui victimam  
 in favillam redegere, & lætissimam gau-  
 diorum scenam, tristi catastrophe fune-  
 stârunt. Sic nulli sereno non inimicus for-  
 tuna turbo. *Alternat fortuna vices. Mi-  
 scentur tristia lætis, nec populum toto pe-  
 fore festa juvant. Ordinarius rerum hu-  
 manarum stylus est, epinicia cum epicadiis  
 confundere. Tristia lætisonos funestant fa-  
 ta triumphos. Scilicet fors incerta vagatur:  
 fertq; refertq; vices, & habent mortalia casû.  
 Torva securibus fortuna, Reges destinat  
 hostiam: Et quos coronavit, macello fune-  
 redm parat in tributum. Sape magna sere-  
 nitas*



*nitas fulminavit. Sæpe feralis erupit tempestas, è felicitatis malacia. Hinc monet Pœta: Ne malè mobili permittite fortunam carina; ambguis vebit illa ventis.*

IMAGO VENCESLAI BOHEMI.

Venceslaus Rex Bohemorum, scissâ in partes Republicâ, simul cum Vladislao Lothico Lesconis fratre in Regem est electus. Lothicus tamen post quadriennium usurpati Imperii, propter impudentiæ licentiam à Polonis rejectus, Venceslai laborioso Marte armis pressus, non tam libenter quàm reverenter cessit Imperiò. Ita profectò, *arduum est ad coronas iter. Non rarò ad regnum ferreâ eundum est semitâ. Gloria difficili parta labore venit. Post devoratos bolos, fructus laboris honor, datur in obsonium. Succedit serenum gloria, postquam frons laboriosa depluit sudoris imbres. Illi fronti pulchriùs incumbit diadema, quam laboriosa manus lavit sudore.* Optimus honorum



*norum architectus labor, aeternum perennaturae gloria fabricat capitolium. Non attinget gloriae bravium, qui deside passu decurrit olympia. Ardua per praecipua gloria vadit iter. Nec juvat ex facili lecta condona jugo. Imò sapissimè sanguine cum multo regalis gloria venit. Rarus in regalis auri possessionem, sine ferro venit. Sæpe regio diademati, præmittitur galea militaris. Sæpissimè gladius sceptro locum parat. Rarò purpura absq; humano sanguine rubuerunt. Rarissimè pomum aureum cedit in honoris obsonium; nisi prius mala ferrea degustentur. Princeps hic belli finem facturus, connubiale fædus cum Rixa Premislai Regis filia, insociam throni & thori assumpta inivit. Sed hæc rixas inter Polonos & odia erga Principem generavit. Ex ejus enim consilio Venceslaus in Bohemiam digressus, dum se oculis Polonorum subtraxit, ab animis est exclusus. Non semper judicio Taciti major est longinqua majestati reverentia. Sæpe vulgus pulat civium odiis absens Majestas Princeps*

ceptus non visus, plerumq; fit invisus. Quan-  
 tum oculis, animo tam procul ibit amor.  
 Absenti nemo non nocuisse velit. Multa  
 de absentibus mala creduntur, plura & pe-  
 jora narrantur. Et illud non levis odio-  
 rum materia fuit; quod svadente Rixa  
 abiturus in Bohemiam, exteris Imperii  
 commisit fasces. Passim Paternis displi-  
 cet incolis externa virtus. Frustra mu-  
 neribus publicis exotica praeferuntur subje-  
 cta; dum domestica sunt paria, vel certe  
 aptiora. Cui melior domi, capaxq; penna  
 copia suppetit; frustra peregrinos laborat  
 ad cytharam revocare Manes. Caeterum  
 exterus Princeps dum Polonos minus sibi  
 fideles credidit, fecit: dumq; falli timuit,  
 fallere docuit. Quanquam & incredu-  
 lum esse & non circumspectum in credendo.  
 non caret vitio: & omnibus credere, &  
 nulli, temeritas est. Fide parum, multumq;  
 vide, nam fidere multum, & fidisse pa-  
 rum, maxima damna parit. Principem  
 oportet esse ita sincerum & fidelem; ut de-  
 cipere non velit; ita prudentem & circum-  
 spectum;



speculum; ut decipi non possit: decipere malignitatis, decipi simplicitatis est. Credulitas error potius, quam culpa videtur: est error, nimium credere, culpa parum. Qui cuiusvis quodvis credit; male creditur illi: quod credis mihi plus, hoc tibi credo minus. Fide, sed absq; vide nulli jam credere tutum: ante retroq; vide, ne capiare fide. Princeps hic Venceslaus in suo regno peregrinus, mortuus est peregre in Bohemia Pragæ Anno Domini 1305. ætatis 34. regiminis 5. tumultatus est Vratislaviæ. Didicit sub hoc Prinbipe Polonia illud: Qui duobus præest regnis, alterutri deest; nec unum caput bino corpori, nec unus Princeps duplici regno sufficit. Sol unus, duo simul non illustrat hemisphæria: quoties uni oritur, alteri occidit. Satius est unum agere bene, quam multa male. Pluribus intentus, minor est ad singula sensus.

IMAGO VLADISLAI  
LOCTICI.

Non ex pusilla corporis statura, sed ex animo viri metiendi. Latet quandoq;



*in Pygmæis Giganteus animus. Non raro  
 in humili corpore, excelsa virtutis eminet  
 proceritas. Parva quoq; res, magnis motibus  
 aguntur. Unde gloriatur non nemo: Cor-  
 pore sum parvus, sed mente cacumina scan-  
 do. Hinc monet Pœta: Corporis exigui  
 vires contemnere noli. Maxima in exi-  
 guo regnabat corpore virtus. Parva ne-  
 cat morsu, spatiosum vipera taurum. A  
 cane non magno, sæpè tenetur aper. Do-  
 cumentum hujus rei præbuit in se Vla-  
 dislaus Loctici agnomine à cubitali fere  
 corpore appellatus. Princeps hic ad  
 summa natus, & virtutum magnitudine  
 præditus, nihil habuit humile, præter sta-  
 turam. Et quia ordinariè mali amores,  
 corrumpunt bonos mores; omnes in eo ex-  
 celsas animi dotes, parvus Cupido cum  
 Venere minuit ac depressit; ideoq; olim  
 cum Venceslao simul electus, regno thro-  
 noq; pulsus est à Polonia. Amans tum  
 virtutis erat Polonia; quia vitia Princi-  
 pum oderat. Alias purpurata scelera ra-  
 rò displicent. Speciosa sunt crimina, qua  
 in pur-*

in purpuris nutriuntur. Peccanitum claritas nobilitat culpam. Plerisq; vitia Principum imitari, genus quoddam obsequij est. Plures sunt, qui possimos mores sectantur, quam qui insectantur. Non paucis probro est, Magnatum vitia non sequi. Abominibus pleno ore bibuntur, & aliis propinquantur errores, si eos ipse Princeps prior hauserit. Sape Principes bene agunt soli: sed raro male agunt soli: quia subditos in bono exemplo varius habent sequaces. Invenit etiam amulos infelix equitiam, Criminossissima sunt scelera paludata, si palam data. Namq; conspectiori lumine proditur affine, magnis crimen honoribus. Regium perenniori se scelus induit aternitate, & inter omnes a populo recitatur annos. Annales taciti Regum delicta loquuntur. Nempe vita Principum, censura est populorum, eaq; perpetua; nec potest dari regalibus unquam secretum vitiis. Postquam tamen exutus purpuram Vladislaus, melioris vitae induit mores; defuncto Venceslao admisus est ad folium. Hic impetrato a Joan-



ne XXII. Pontifice Maximo, regio diademate [quod olim per totum quadrienium usurpare non audebat Venceslaus, cum quo divisis Reipublicæ suffragiis electus feurat] Cracoviæ simul cum Hedvige Conforte sua est coronatus. Ab hoc tempore Cracovia coronandis Regibus, per legem est destinata. Lodovicus par maximis animo, bis coronatus, bis est unctus. In ipso regni aditu armis hostium est impetitus, non fractus: quos ferrò vincere par non erat, ingenio superavit. *Namq; petenda sunt ab ingenio suppetiæ, si alia desunt auxilia. Imo gloriosius est vincere ingenio, quàm ferro. Potentior est armis in bello industria & stratagema.* Ne itaq; Gediminus Dux Litvaniæ suos vastaret fines; eum sibi affinem fecit, filiâ Gedimini Casimiro filio suo elocatâ cum hac dote; ut bello capti Poloni, Poloniæ redderentur. Tanto affinitatis nexu auctus Vladislaus, multa Cruciferorum millia aliquoties vicit, fugavitq; & ad firmandas pacis inducias cœgit. Didicit tum Polonia



lonia quod ingens potentia firmamentum est,  
 vicinorum Principum amicitia. Exantla-  
 tis verò belli laboribus, dum tantisper re-  
 spirare voluit; natus ad Martem Princeps  
 exspiravit in Martio, Anno Domini  
 1333. Si tamen exspirasse eum dixeris,  
 cum Heròes etiam post fata vivant. Quip-  
 pe hanc Heròum interitus habet felicitate-  
 tem, ut etiam post mortem triumphent im-  
 mortales. Vivit post funera virtus bellica.  
 Mors ipsi vita perennis erit. Qui morien-  
 do, famam pro vita substituit, esse desinit,  
 vivit tamen. Vir bonus etiam si moriatur,  
 vivit. Non moritur, qui in suorum pecto-  
 ribus aeternum vivit.

IMAGO CASIMIRI  
 MAGNI.

CAsimirus Vladislai Lodovici filius, cum  
 Anna Conforte sua Gedimini filia, co-  
 ronatus, à proceritate corporis Magnus  
 vocatus, mensuram nominis non implevit:  
 nihil enim in se habuit magnum, præter  
 staturam. Sed vana Nominum jaëtantia. Ut  
 sub magnorum nominum titulis desides, ita

sub minutiorum nominibus, generosos sæpe  
 videmus. Parvum, id est vilem, suum  
 quemq; vitium facit. Nullus bene magnus  
 creditur, qui cupidatibus est minor. Sola  
 virtus est, quæ nos magnos facit, & maxi-  
 mis pares efficit. Sine virtute nulla est  
 magnitudo, sed tumor. Quem propius polo  
 procera virtutis statura magnanimis socia-  
 vit ausis, hic magnus esto. Princeps hic  
 à Crucigeris paterno olim ferro subjugat-  
 tis, laceffitus ad bellum, Veneri non Bel-  
 lonæ deditus, bellandi necessitatem negle-  
 xit: imò iniquis conditionibus ingloriam  
 cum illis pacem stabilivit. Ita sanè sæpe  
 bellicosus parentibus, ignava nascitur so-  
 boles. Et quamvis paterna prolem forti-  
 us allicit, urgetq; virtus; ille tamen ri-  
 gatas hostili sanguine à Patre laureas,  
 marcescere permisit. Russiam nihilomi-  
 nus ter in eam ducto exercitu subjugavit,  
 & Reipublicæ corpori adjunxit: interim  
 hanc de Russis victoriam redux è bello,  
 victus à Venere funestavit. O quàm tur-  
 pe est, si victoris armatus ferrò manus,  
 exar-



exarmat Venus! Si victrix dextera pro  
 triumphali lauro, meretricium præfert myr-  
 tum! Infelix ille victor, qui regnis provin-  
 ciisq; subactis, seipsum subdere nesciat, aut  
 negligat. Ita lanè. Rara est felicitas,  
 pax absq; vitiorum confinio. Sub auro am-  
 bitio, & insolens rerum usus crescit. Sub  
 pacifica olea umbra, torpor, & animi le-  
 thargus, plurimaq; vitia stabulantur. Ar-  
 ma bello, pace franguntur bellatores. For-  
 tes Capua effeminat Annibales. Verùm  
 hanc Regis libidinem, ultrix divina Ne-  
 mesis, immissa toti Regno fame, & pesti-  
 lentiâ vindicavit. Ita præfecto. Quidquid  
 delirant Reges, plectuntur Achivi. Sup-  
 plicium meruere potentes, turba subit pœnã.  
 Crimen erat Domini, castigat pœna colonũ.  
 Exiles animæ subeunt sinè crimine pœnas.  
 Quas meruit pœnas solus, digessit in omnes.  
 Sæpè delicta Principum, luit innocentia po-  
 pulorum. Nihilominus Princeps hic Va-  
 ticano tactus fulmine resipuit, & quid-  
 quid in suis pravo exemplo destruxerat;  
 postea sacrarum Ædium constructione,



comitate & humanitate in omnes, demissione ad singulos, pauperum ab injuriis tuitione, legum sancitis, libertati minimè præjudiciofis, cœterisq; innumeris virtutibus reparavit. Et quod maximum est, rem nomine suo, & magnis miraculis majorem præstitit, dum libidinosos correxerat, & abolevit mores. *Facilè enim est mortuum ad vitam suscitare, quàm admissam libidinem animo excludere. Maius est depravatos cupiditatibus mores corrigere; quàm cupidinem nunquam nôsse.* Insuper dicatam nominis sui recordationi urbem extra Cracoviensia pomæria excitavit. His itaq; ingentibus in Superos & Patriam meritis, impletâ magni mensurâ nominis, in venatione delapsus equô, ad Optimum Ter Maximum pro præmio rectè factorum est evocatus, Anno Domini 1370. Princeps hic coronatam per tot annorum seriem, Piasti posteritatem, exitu suo, veluti ultima clausit coronide.

[152]  
IMAGO LUDOVICI  
HUNGARI.

**M**irum est [inquirebat Sigisfundus Im-  
perator] quòd cum omnes recusent exer-  
cere artem, quam non didicerunt; nemo ta-  
men recusat imperare, tametsi artem im-  
perandi, qua est omnium defficillima, nun-  
quam didicerit. Ludovicus tamen Rex  
Hungariæ ad scepra Poloniæ invitatus,  
oblatos sibi à Polonis fasces recusavit: nec  
admississet, licet peritus regiminis, nisi  
importunis precibus vinceretur. Et cer-  
te melius est ad honores ferri, quàm ire.  
Felicissima [vox est Augusti Cæsaris] Res-  
publica foret; si à nolentibus gubernaretur:  
quippe turpe est [iniquit Plato] ultrò, non  
verò coactum ad Imperium accedere. Ne-  
mo Imperio magis est dignus; quàm qui no-  
luit imperare. Nihilominus verius est il-  
lud: Rarò beatâ floret adorea coacta vir-  
tus. Non benè respondent coacta ingenia  
& Imperia. Documento est Ludovicus  
Rex Hungariæ: qui precibus Polonorum  
GO regna-

regnare coactus, non ad vota populorum  
 Rempublicam gubernabat. Ad primum  
 solii limen in odia civium impegit: eò  
 quòd sæpius ex Polonia in Pannoniam  
 excurrens, Rex potius Pannonicus, quàm  
 Polonicus dici & esse maluerat. Auxit  
 odiorum materiam, quòd se absente matri  
 suæ Poloniam reliquerat gubernandam.  
 Non benè gnarus, quòd *partò heròum ma-*  
*nibus sceptrò, nata ad fusum manus, benè*  
*uti nesciat. Virilis Polonorum thronus,*  
*muliebre odit Imperium. Unam duntaxat*  
*Poloni habuere Vendam, quæ ut se virum*  
*probaret, nubere noluit. Absente à Polo-*  
*nia diu Principe, longum successit legum*  
*silentium, & nullis non aperta via sceleribus.*  
*Magnum nempe regnis adfert mo-*  
*mentum, Regum præsentia. Ut solis, ita Re-*  
*gum absentia favet sceleribus. Urget*  
*præsentia Turni. Præsentia quivis Rege*  
*modestior, se parciore dissipat agmine furor,*  
*videntiumq; quodvis non patitur scelus ora*  
*Regum; at mox remoto Rege, licentia in-*  
*vadit amplis regna tumultibus, imisq;*  
 permi-



*permiscendo summa, indomiti quatit æra  
 vulgi. Coeterum Princeps hic, dum Ruffiam  
 Polonorum armis vindicatam, Hungariæ  
 Regno adiugere cogitat, Poloniaq; ampli-  
 tudinem minuere meditatur, ipse vitâ &  
 vitâ est privatus, Anno Domini 1382. Itâ  
 fa nè patrando nemo non sibi destinât: at fœ-  
 ta vanis pollicitis dies, vanescit in noctem,  
 & per omnes sæcula præcipitantur horas.  
 Humana omnia nihil sunt, nisi conceptus  
 inchoati. Multa promitti speciosius possunt,  
 quàm fieri. Multa facilius dicuntur, quàm  
 fiunt. Sunt nulla in limite vota.*

IMAGO VLADISLAI  
 JAGIELLONIS.

**V**Ladislaus Jagiello, Magni ducatus  
 Litvaniæ Princeps, Olgerdi filius, ne-  
 pos Gedimini; regiis & egregiis dotibus  
 ac famâ Hedvigis Ludovici filiæ ductus,  
 in Sociam vitæ illam expetijt. Principis  
 huius voto annuerunt Poloni, cum his  
 conditionibus; Ut imprimis relicta errorum

caligine, Christianæ fidei face Hymænei  
 tœdis prælucet, item, ut arces & provin-  
 cias, Litvanorum armis subactas, Poloniæ  
 restitueret: insuper, ut Ducatum Litvaniæ,  
 Reipublicæ adunaret: non ignari, unitam  
 virtutem esse fortiolem. Hinc Sarmaticus  
 svadet Apollo: *Sive res bellis agitanda  
 sive pace; collatas sociate vires. Alta cente-  
 nis melius, recumbunt templa columnis. For-  
 tius emicat unita virtus; ãpliores juncta The-  
 tysz, decumat procellas. Magnum est conjun-  
 ctio robur. Dum singuli pugnant, vincuntur  
 universi. Unitas civium, Regum est unio  
 & oramentum, regnorum robur & firma-  
 mentum.* Hæc omnia Vladislaus implere  
 appromisit: & fecit. Cracoviæ itq; sacro  
 fonte ablutus, suorum votorum compos,  
 connubiali nexu Hedvigi est sociatus, &  
 coronatus. Tanti Principis exemplum se-  
 cuti plurimi Litvanorum, una cum Vi-  
 toldo Chistinam fidem ultrò suscepere. Sci-  
 licet, *Regis ad exemplum, totus componitur  
 orbis. Non opus est imperio, ubi jubetur  
 exemplo. Quidquid faciunt Princeps, ver-  
 bis*



bis quamvis fileant, exemplo imitant.  
 Morum, quos fecit, præmia Doctor habet.  
 Nobiliora tenent animo, exempla pudicos.  
 Dant exempla fidem, qui facit, ille jubet.  
 Ex unius picturâ, plurimorum imagines pos-  
 sunt effingi. Mobile mutatur semper cum  
 Principe vulgus. Rex velit honesta, nemo  
 non eadem volet. Facta Principum non in-  
 vitant, sed cogunt subditos ad imitationem.  
 Nihil profunt verba si absint exempla. Mu-  
 tus Orator meliora suadet. Cultiores sepe  
 evadunt auditiores, si non lingua tantum,  
 sed etiam virtutis morumq; limâ petraban-  
 tur. Hac est Principum felicitas, ut quid-  
 quid faciunt, sit pro imperio. Exempla Prin-  
 cipum, sunt mores populorum. Et quia è  
 sensu politicorum: In omni Republica, in-  
 ter omnes regni curas, debet esse religionis,  
 & rerum divinarum sollicitudo: Vladisla-  
 us Apostoli functus officio, totum sese  
 propagandæ fidei studio devovit. Non  
 ignarus, quod Religione stante summa per-  
 stant Imperia, hac ruente, corruunt. Eidem  
 pio operi promovendo, Cracoviæ Acade-  
 miam



miam erexit, accitis ex Pragenſi Uliverſitate Magiſtris. Audus viris & viribus Vladislaus, nec non compositis inter cives & cognatos internis diffidiis, arma vertit in Crucigeros. Horum tumidus Ordinis Magister Uliricus, ſpe victoriam devorans, intento ad aras rei ſacræ, Prîncipi cum Vitoldo, binos miſit gladios; cunctationem exprobrando. Verùm *Spes tumida crepuere vento*, poſt peracta namq; divina Myſteria, Vladislaus aggreſſus armis Crucigeros, quinquaginta illorum millia ferro delevit, inſuper capto Ordinis Magiſtrò, quadraginta quatuor millia duxit in Poloniam. Ita certè *Qui in ſpem nimium ambitioſus peccat, à vindice Nemefi plèditur. Non eſt nimium de fortuna præſumendum. Meretur vinci, qui ſe vinci non poſſe putat. Perſapè in portu fracta carina natat. Sapè immatura gaudia, aditum hoſtibus præbuere ad vincendum. Non exſpectato, vulnus ab hoſte venit. Satiùs eſt nimium cavere, quàm nimium audere. Ut verò totam victoriam Domino Exercituum;*

cituum, cujus auspicio triumphavit, referret; quinquaginta duo hostilia signa, in Basilica Cracoviensi, in trophæum appendit. Exactis tandem 52. annis in Imperio, Victor hostium, & zelosissimus Orthodoxæ Fidei propagator atq; propugnator, ad cœlestem lauream est evocatus, Grodeci Anno Domini 1434. Sub hoc Principe Anno 1414 Constantiensis Synodus, Archi-Episcopo Gnesnensi, Primatis titulum declaravit.

IMAGO VLADISLAI III.

**V**Ladislaus hic ingentem Jagiellonis Magni Patris nactus animum, in ipsa ætatis prætexta ad purpuram assumi meruit. *Principum nempe indoles, popularem excedunt mensuram. Præcoces sunt sublimes Heroum anima, in ipso ætatis flore maturescunt. Excelsus, & ad magna natus animus, annorū superat numerū. Generosa indoles supra ætatem sapit. Lente virtutis est, diuturnam sui expectationem facere. Incitata*



*tate iudoles ab ortu currunt: quæ diu dubitat  
 virtus, rarò micat. Quæ annos expectat,  
 in herba emarcescit. Properat vivere,  
 qui meritis distinguit atatem, non annis.  
 Et quia angustas Regum mentes, regni  
 unius non capiunt angustia; ad Hungariæ  
 regnum est invitatus. Ubi Albæ Regiæ  
 mutuato è Divi Stephani capite, diade-  
 mate in Basilica ejusdem à Strigoniensi  
 Episcopo est coronatus, & inauguratus.  
 Bulgariam, Rasciam, Romaniam victori-  
 is emensus Vladislaus Amuratem  
 Turcarum Imperatorem ab Hungaria  
 ferrò repressit, deletis in acie triginta  
 Turcarum millibus. Sed nullibi planè  
 magna fortuna diu favet. Rarò, & ma-  
 gna, & diuturna bona contingunt. Breves  
 habent inducias, magna felicitatis delicia.  
 Tragica est semper omnis magna felicitas.  
 Rara est fortuna, sine infortunii appendi-  
 ce: longa premia, magna fortuna, habent  
 breves periodos. Nihil felicius æquè cogi-  
 tandum, quàm quòd possint esse infelices.  
 Non semper continuant Superi pleno con-  
 con-*



*cessa favore gaudia, successusq; novos suc-*  
*cessibus addunt. Sæpè lassata triumphis,*  
*desciscit fortuna datis. Iterato namq; vi-*  
*ctor hic cōtra Amurathem præliò ad Var-*  
*nam, acrius cum paucis suorum copiis in*  
*ingentes hostium turmas investus, fal-*  
*lente cursum equò, cecidit victima Chri-*  
*stianitatis: finitoq; vitæ curriculò vincere*  
*& vivere desit. Ita certè, inter cruenta*  
*Martis certamina, vita rumpuntur stami-*  
*na. Sæpè Martis inter tumultus, & fero-*  
*cientis Bellonæ tonitrua, fortunati vitæ*  
*obnubilantur soles. Mors cum Marte vices,*  
*alternaq; jura capessit. In eodem Martis*  
*campo, & triumphales lauri, & fatales*  
*crescunt cupressi. Esse solent possim solidis*  
*inimica triumphis fata: & funereos palmis*  
*innectere taxos. Quæ favet, hac ferit Bel-*  
*lona dextrâ: & inter ipsas lauros, amat pe-*  
*rissè plausus. Clades hæc rupto cum Terça*  
*foedere, olim ad decem annorum spatium*  
*inito, imputatur. Si ita est, etiam*  
*hosti data servanda fides. Stamina*  
*rumpit Tei Lachesis, qui foeder*

rumpit. Enim verò nihil est turpius[ inquit Attilius Regulus] quam fidem fallere, promissa non præstare, & dictis conventisq; non respondere. Potius non promittenda fides quam non præstanda. Nihil bene bonis Principibus cedit, si non sit integra, & incorrupta fides. Gloria quanta fidem præstare, at frangere pacta Principibus, magnum dedecus atq; nefas. Hinc monet Silius Non rumpite fœdera pacis, nec regnis postferite fidem Aget agrũ nocte dieq; despecta & violata fides. Sanctam servate fidem, fulgentibus stro, hæc potior regnis. Ignobilis enim oanimi-est, tam facile fidem frangere, quam dare Quamquam nulli fidem suam magis obligant, quam qui eam maxime violant. Regnavit Vladislaus in Polonia annis 10. in Hungaria 4. adolescens propè vigesimum primum ætatis emensus annum. Princeps hic ad belli opera, à teneris umbratili armorum exercitio sese habilitavit. Equidem hæc est digna omni nobili juventute occupatio, caput sapientia excolere, ut qui vel provincias gubernaturi sunt pote-



potestate, vel Principum solis allaturi  
 consilia, non adferant in curias inane ca-  
 put: cui emergens crista sit tumulus emor-  
 tue sapientiæ. Nihilominus privatus ado-  
 lescens solas duntaxat artes tractet; Prin-  
 ceptus verò etiam arma. Bellum, cui non præ-  
 luditur umbratili armorum exercitio, oc-  
 cupat inexpertum. Discendum est in otio,  
 quod agendum in bello; aliis armis in-  
 exercitatus Princeps, parum fida Reipubli-  
 cæ est salus. Rarus Princeps hostem non  
 habet, ut armis non egeat: sed si ipse ar-  
 ma non noverit; alienis Rempublicam vix  
 defendet. Sub hoc Principe Zbigniew  
 Cracoviensis Episcopus, Ducatum Seve-  
 riæ pro Episcopatu Cracoviensi emit à  
 Venceslao Cieściński Duce Severiæ.

## IMAGO CASIMIRI II.

**C**Asimirus Vladislai frater Magni Du-  
 catus Litvaniæ Princeps, solo nomine  
 secundus, Patris duntaxat & fratris auspi-  
 ciis felix, renuens ad coronam assum-  
 ptus,



ptus, nihil prosperi & gloriosi in suo gessit regimine. Litvanis suis utpotè Patriis plùs nimio favens, in odia Polonorum incurrit. *Singularis enim Principum favor uni impensus, omnes reddit offensas: qui uni parti sese impendit; utriusq; facit dispendium. Reges Regnorum soles sunt, omnibus debent esse communes. Sol omnibus astris sese communicat, omnes stellas aquè lustrat ac illustrat.* Diuturnum cum Crucigeris bellum infortunato Marte traxit potius, quàm gessit: nisi ex hoc fortuito eventu prosperum Martem dixeris, quod Crucigerorum turba lenitati Principis, non armorum felicitati succubens, æternum fœdus cum polonis inierit. Ab eo tempore Pomeraniæ & Chelmense territorium, de quo annis 180. ferrò certabatur, Poloniæ regno est adjunctum. Crebris ad bella cum Crucigeris gerenda exactionibus, nimium fuit onerosus. Equidem pecunia belli est nervus, sed enervantur cives, si hæc sapiùs emungitur. Nec quies sine armis, nec arma sine stipendis, nec stipendia

*dia sine tributis haberi queunt; videndum  
 tamen ne quid nimis. Extrema sunt vitan-  
 da & vetanda. Quod extra medium exi-  
 sit; turpe est & nocens. Non nimis emun-  
 gas populum, sed viribus aqua exige.  
 Quod est nimium, non est eximium. Sub  
 nimio tributorum pondere fatiscunt ci-  
 ves, labuntur regna. Grande ipsi telluri  
 pondus est, gravis exactionibus Princeps.  
 Sicut ab apibus, ita à civibus; nec omnia  
 accipenda; nec nihil. Primum est, tyranni,  
 alterum boni Regis. Margaburgum & alia  
 propugnacula à Crucigeris occupata re-  
 demit aurò: ut patet; Et, Nullum ita tutum  
 esse propugnaculum; ad quod gravis aurò  
 asellus nequeat penetrare, Nullus expu-  
 gnandis arcibus aries potentior aurò. Nul-  
 la validior machina, quàm pecunia. Au-  
 rum per medios ire satellites, & perrum-  
 pere amat costra potentius ictu fulmineo.  
 Aurea clavi facile hostium propugnacula  
 reserantur. Diffidit urbium portas vir  
 Macedo, & subruit amulos Reges mune-  
 ribus. Inclusam Danaen turris abenea, &  
 per.*

*pervigil malè observat Molossus, dum Jupiter aureus influit.* Princeps hic aliàs minùs felix fortunata & numerosa prole fuerat beatus. Nam ex Elisabetha Alberti Imperatoris filia, regni & thori sui consorte, septem filias, & sex filios suscepit. Ex quibus rarà felicitate 4. Reges erant: Vladislaus Bohemiæ & Hungariæ fasces rexit: Joannes Albertus, Alexander, & Sigismundus Poloniæ sceptruem tenuère. Divus Casimirus inter Cœlites relatus, ad Hungaris ad solium expetitus, mutatis eorum animis, Vilnæ 24. ætatis anno ad fasces æternitatis est assumptus Fridericus Episcopalis Infulis, & Cardinalitiô biretô fuit insignitus. Decessit è vivorum numero Casimirus. Anno Domini 1492.

IMAGO JOANNIS  
ALBERTI.

JOannes Albertus, Casimiri II. digna propago, Princeps literis excultus, in pater-



Paternum assumptus solium, nulli Regum  
 secundus, si par fortuna ingenio respon-  
 disse. Librorum lectione præsertim hi-  
 storiorum & astronomicorum impensè  
 delectabatur. Afferens, nullum dignius  
 Principe otium illo, quod literarium ap-  
 pellatur. Et certè Alphonsi Arragonum  
 Regis iudiciò: Princeps indoctus, est asi-  
 nus coronatus. Melius illi capiti aureum  
 incumbit diadema; quod antea sapientiæ  
 laurea inumbravit. Feliciùs illa manu  
 imperiorum rotantur sceptræ; quæ priùs  
 tractavit pennam: tutiùs ab Academi um-  
 bris in apricum regalis throni evolutur.  
 Præstantius est regio capiti ornamentum  
 à sapientiæ, quàm à tiaræ. Illæ coronæ  
 sunt pretiosissima, & fortunatissima; qua-  
 rum frontem occupat pretiosus unio Acha-  
 tes, Musis & Apolline signatus. Illi-  
 teratus Princeps, idolum est in solio, &  
 sub aureo vellere, stultam gerit oviculam.  
 Rudes sub purpura animi, ementitum sunt  
 pecus. Majus affricano est monstrum,  
 Princeps ignorans: qui caput est multo-  
 rum,

H

rum,

rum, hac stringitur obligatione; ut multo  
 sciat. Neq; tamen literarum ardor,  
 bellicum in hoc Principe imminuit fer-  
 vorem. Mars enim artem non excludit.  
 Bellis & libellis, feliciores parantur vi-  
 toria. Optimè arma togæ, laurea lin-  
 gua sociatur. Nec Apollo Marti,  
 nec Pallas Bellonæ obstaculo est, quominus  
 vincant, & triumphent. Imò fortius  
 quandoq; pennæ, quàm sagittarum pinnae  
 in hostes agunt. Etiam sedendo subinde  
 vincitur. Non semel incruenta manus  
 triumphavit. Fortius in militari arena  
 dimicat Athleta, literario inspersus pul-  
 vere. Luculento id probavit documen-  
 to, doctissimus æquè ac fortissimus Prin-  
 cept Joannes, fuso fugatoq; ingenti Tar-  
 tarorum exercitu. Poterat illud de eo  
 dici: *Tibi nec docti desunt, nec Princi-  
 pis artus, mista sed est aimo cum Jove  
 Musa tuo. Tu modò bella geris, numeris modò  
 bella coërces. Par nigenium castrisq; to-  
 gæq;. O felicem Rempubicam! cujus Prin-  
 cipi nec robur Achillis, nec consilium &*

pru-



*prudētia deest Nestoris. Et quia sēpē  
 militari gloria, inimica est fortuna; in  
 bello Moldavico circumventus, & isto  
 foedere, foedē est profligatus. Didicit hic  
 Princeps, non esse nimum de victoria  
 prasumendum. Fallax est belli fortuna;  
 qua vincere juvat, sēpē vinci permittit;  
 qua bellatorum dextera triumphales offert  
 lauros, hac eidem fatales ingerit cupres-  
 sos. Incerti fallax fiducia Martis, mil-  
 le mali species, mille salutis habet. Re-  
 dux ē bello minūs prospero Princeps,  
 dum tristem de suorum clade mentem,  
 Hilariorū tempore, inter nocturnum  
 larvatorum gregem relaxare voluit; fæda  
 in vultu notatus est cicatrice. Docuit  
 tum suo malo Joannēs, majestatem le-  
 nitati quidem, sed non levitati esse con-  
 jungendam. Quod sol in cælis, hoc Rex  
 in terris, utrumq; tenebra dedecēt. Nul-  
 la larva totum Principem tegit. Principes  
 publici regnorum soles, cūm deficiunt,  
 tunc maxime spectatores habent. Eminent  
 iudicio, prodita flamma suo; quodq; magis  
 tegi.*



tegitur, tectus magis astat ignis. Quis  
 enim celaverit ignem? lumine qui semper,  
 proditur ipse suo. Cæterum dignus amo-  
 re Princeps, in odia civium incurrit eò,  
 quòd Callimachi ex Italia profugi, li-  
 bertatis Polonæ hostis, consilio utebatur.  
 Et certè *Peregrina* consilia nunquam,  
 aut rarò vernacula odia non merentur,  
 Mancipata enim absoluto dominio ingenia,  
 neminem ex liberis non vellet esse ser-  
 vum. Assveta tolerando jugo collis, omnium  
 cervices cuperent esse sub jugo. Jam ve-  
 rò conscia a vita libertatis pectora, ni-  
 bilominùs didicere, quàm jugum pati.  
 Princeps hic, postquam regnasset annis  
 propè novem, dum Turcicum medita-  
 tur bellum, ipse Thorunii tactus apople-  
 xiâ, cessit in prædam mortis. Solebat  
 hic Princeps illud ex Socrate usur-  
 pare: *Quinque hominum genera in Repu-  
 blica non sunt toleranda: Adulator in pala-  
 tio, meretrix in prostibulo, cupidus Sacer-  
 dos in templo, falsus judex in tribunali,  
 fraudulentus mercator in foro.* Et illud:

Sex

*Sex sunt arario pernicioſa: conſilia bel-  
licofa, adificia ſumptuoſa, munera pre-  
tioſa, natura litigioſa, vita luxurioſa,  
menſa gulofa.*

IMAGO ALEXANDRI.

**A**lexander M. D. L. Princeps, nomine  
& animo non impar Magno Macedo-  
num Regi, Polonorum regale ſolium  
occupavit. Adeo in cives erat liberalis;  
ut proijcere, non dare beneficia paſſim  
diceretur. Quo pacto elogium, Magno  
olim Alexandro à Demosthene datum,  
fecit ſuum: *Nihil in fortuna ſua majus  
habuit; quàm ut poſſet: nihil melius, quàm  
ut vellet bene facere.* Et certè, immor-  
talitatem merito Principi; nullum im-  
pendii genus eſt dignius; quàm quod in  
ſuos erogatur. *Qui liberali ſpargit opes  
manu, ſervat.* Nullibi pecunia melius  
quæritur, quàm ubi fœcundiſſimè expenditur:  
Nulla Principum major eſt felicitas; quàm  
alios, feciſſe felices. Hoc Reges habent



*magnificum & ingens, nulla quod rapiet  
 dies, prodesse miseris. Equidem plerique  
 sunt liberales, sed ex alieno: quod de  
 Republica sumunt, privatim largiuntur.  
 Philosophicum olim erat axioma: nemo  
 dat, quod non habet. Nunc nemo dat,  
 quod habet, nisi cum accipit, quod non  
 habet. De alieno largus non de suo. A-  
 renti terra aquam subtrahunt, flumina  
 irrigant. Verum turpis est liberalitas, de  
 ablatis. Præstat nihil largiri Principem,  
 dummodo auferat nihil. Non bene cedunt  
 in paucorum lucra, multorum dispendia. In-  
 dignum est, pauperum casas everti, ut  
 Principum domus construantur. Non hu-  
 jusmodi liberalitatis genium habuit Ale-  
 xander. Gazophilacium suum fecit pu-  
 blicum: nihil se magis habere ratus; quàm  
 quod in suorum manibus deposuisset: &  
 quò plura de proprio ære erogaverat; eò  
 se credidit ditiozem. Quidquid magnifi-  
 ca Regis splendebat in aula, hoc aliis de-  
 derat. Non hic divitias, nigrantibus ab-  
 didit antris, nec tenebris damnavit opes,  
 sed*



sed largior imbre sœverat innumeras  
 hominum ditare catervas. Præcepit illa  
 manus, fluvios superabat Iberos, aureâ  
 dona vomens. Non ignarus, quòd meli-  
 us est, esse multi pretii, quàm possidere mul-  
 ta pretiosa. Nec auro solum, verùm  
 etiam lauro, clarus erat Princeps; Ste-  
 phanum namq; Moldaviæ Palatinum,  
 primùm ex malè occupata Pokutia,  
 deinde è vita expulit, fugavitque. Bo-  
 gdanum quoq; paterna Stephani fata vin-  
 dicantem, profligavit. Prædonès Scy-  
 thas Poloniæ spoliis tumidos, ad ducenta  
 fere eorum millia ita fortiter cecidit; ut  
 ne nuntium quidem clâdis reliquerit. Laf-  
 sus tandem victoriis, quievit anno Do-  
 mini millesimo quingentesimo sexto,  
 tumultus Vilnæ. Vixit ætonis 46.  
 regnavit quatuor, & octo mensibus,  
 dignus ut integris regnâset sæculis, sed  
 regni brevitatis pensatur laude perenni:  
 Quod mors eripuit, gloria restituit.

# IMAGINUM.

## IMAGO SIGISMUNDI I.

**S**igismundus I. Casimiri II. ultimus  
 natus filius, à Ducali ad Regiam eve-  
 ctus dignitatem, tanto erga Poloniã  
 ferebatur amore; ut Pater Patriæ mēue-  
 rit appellari. Ante electionem Dux &  
 miles, Polonis contra Tartaros auxiliares  
 tulit suppetias: partâq; de iis laureã, regi-  
 um promeruit diadema. Et certè glo-  
 riosius nemo regnum, quàm victoriis obti-  
 net. *Illi Principi decora est maxime pur-  
 pura; cui plurimum hostili rubet sangui-  
 ne. Dignus regalis pomi auro; cui dul-  
 ce ferrum fuit.* In bellis gerendis forti-  
 ssimus, æquè ac fortunatissimus erat: Ba-  
 silium Magnum, Moschorum Imperato-  
 rem, sola nominis & adventus sui famã  
 proffigavit. Fuerit sanè gloriosum Caro-  
 lo Magno, venisse; vidisse, & vicisse: glo-  
 rio-



rosius erat Sigismundo, quod non dum venit, aut vidit, & iam vicit. Soptum tantisper Moschoviticum bellum Michaël Glinscius Regum favoribus tumidus, vulgata affectati à se Principatus suspicione, ad Moschum profugus, & Patriæ rebellis, suscitavit. Ita certè nimis Regum favores, non rarò cives reddunt ferociosiores. Ut liberaliore annona cicures etiam fera insolescunt; ita pleriq; largioribus Principum beneficiis efferantur. Non rarò inconsulti Regum favores, civium odiis vapularunt. Multi sunt, qui pœnã pro munere sumunt. Multi potentiores Regibus ipsis fuerunt, quos nimis favor Regius, nimium fecit potentes. Non rarò odium est beneficii consequentia, & merces injuria. Est & supplicii causa fuisse pium. Fructus obest, peperisse nocet, nocet esse feracem. Quosdam beneficiis offendisse probat ingratitude, quos tibi demeruisse putasti. Quidã dũ nimis beneficiis oneratur, ipsimet benefactori graviores nõ gratiores extiterunt. Scilicet beneficia eousq; la-



*ta sunt, dum videntur exolvi posse; at  
 ubi meritum vicere, pro gratia odium red-  
 ditur. Nihilominus rebellium recepta-  
 tor Moschus, victricibus Sigismundi ar-  
 mis ad quadraginta suorum millia ita  
 fortiter cœsus, ut ipse Borysthenes offuso  
 perëptorū sanguine, ejus cladem eru-  
 buerit. Didicit hic suo malo, temere su-  
 scepta sceleratorum patrocinia, plurimum  
 patronis suis nocuisse. Partam de Mo-  
 schis in Litvania & Moschovia victoriam,  
 Scythicæ in Russia, Moldavicæ in Valachia  
 & Podolia, Prussicæ de Crucigeris in  
 utraq; Prussia lauri sunt comitata. Pa-  
 catis domi forisq; regni finibus, exorta  
 inter Principes Christianos dissidia, con-  
 silio, literis, & manu composuit, Pul-  
 lulantem ad Balthicum littus hereseos an-  
 guem; in ovo suffocavit. Tantum fi-  
 debat Polonorum virtuti; ut solitus fue-  
 rit dictitare, in finem cujusvis Poloni se pos-  
 se securissimè somnum capere. Inter  
 alia memorabile est illud Apophtegma:  
*In bello longè plùs habet momenti prudentia;  
 quàm**

quàm vires consilii expertes. Et illud  
 Principum officium est, pacis ac belli tem-  
 pore de annonâ providere. Nec non il-  
 lud: patientia & constantia sunt duo maxi-  
 ma ad bellū feliciter gerendum præsidia. Itē  
 illud: Urbes in bello sunt tutamenta, in  
 pace ornamenta: infelix illa Respublica,  
 in qua stant mœnia, ruunt mores. Prin-  
 ceptis hic Cracoviensibus incolis, ut Urbē  
 murō circūdaret, seq̄; nō solū manibus, sed  
 etiā mœnibus tueretur, supplicatibus re-  
 spōdit: Polonos a cāpis esse dictos, muros cu-  
 rare nō debere. Hinc forsitā Sarmaticus  
 cecinit Apollo: Nec Lechus, neq̄, Lechicis  
 proles illa fuit nata nepotibus; primus qui  
 docuit suis urbes Sarmatiæ fidere machinis.  
 Cāpestres benè Sarmatæ, cāpis bella gerunt.  
 Sub Jove libero natam militis indolem,  
 frustrâ belligero clauditis otio. Arctis op-  
 pida mœnibus virtutem cobibent, dum ma-  
 lè fortibus addunt consiliis moram; & cre-  
 scentes hebetant Martis adoreas. In pla-  
 no generosior campo pugna calet. Aer in-  
 genuis patet in pugnas aquilis. Quid ju-  
 vat.



*vat angustis augusta recondere vallis pœ-  
 Æora? quid forti mœnia tuta viro? lingu-  
 Polane pigris stata cingere pergama fos-  
 sis, dextra tibi vallum, mœnia pectus ad-  
 est. Nudo vince polo, cœlis gere nomen  
 & arma; consona sic inter bella Polonus  
 eris. Sub hoc Principe, Masovix Du-  
 catus post fata Joannis & Stanislai Du-  
 cum Masovix Regno Polonix est adjun-  
 ctus. Demum annorum & gloriæ plenus,  
 regni sui diadema filio suo Sigismundo  
 Augusto tradere maluit, quàm relinquere.  
 Natus annos 82. uno supra quadraginta  
 rerum potitus, Anno Dni 1548. ad re-  
 stefa-ctorum præmium est evocatus.*

IMAGO SIGISMUMDI  
 AUGUSTI.

**S**igismundus hic Matre, Bona dictâ,  
 Joannis Sforcix Neapolitani Princi-  
 pis Filiâ genitus, â pacata Patria, uti ille  
 Octavianus Romanus Romæ, Augusti no-  
 men sortitus, maternæ appellationis bo-  
 nita-



nitatem in mores derivando, in prætextâ  
 ad purpuram assumptus, decennis scilicet,  
 sexagenario Patri superstiti meruit in  
 throno assidere coronatus. Nullibi au-  
 gustius hospitata sunt Musæ, quàm in  
 regio Augusti pectore: primum ætatis  
 florem illis dicavit, non inscius, quod  
*literæ sunt nutrices Principum, mamillæ  
 Regum, bases regnorum. Sapientia in  
 ignobili est argentum, in nobili aurum  
 in Principe gemma. Pulchro ligari fæde-  
 re gestiunt libris tiaræ.* Nec ad apri-  
 cum regalis gloriæ evedto displicuit *Apol-  
 linaris ūbra Corymbi*; literis nãq; & litera-  
 rum studiosis etiam in proveciori ætate  
 apprimè erat addictus, seq; doctis præbuit  
 Mecænatem. Non obfuit tamen litera-  
 ti Principis studiorum amor bellico  
 studio, & militari disciplinæ. *Affines  
 sibi sunt Pallas & Bellona, utriq; lau-  
 ri & laurea debentur. Bene etiam  
 in bello, cum libello: arte sapius, quàm  
 Marte triumphatur.* Literatus ergo hic  
 & armatus Princeps, non minore fa-  
 cili-

cilitate & felicitate literarium tractans  
 stylum ac gladium, nullibi non victor  
 extitit. Crucigeros ac Moschos felici mar-  
 te à Polonia repressit: Turcas & Scy-  
 thas pari ac olim Pater suus ferrò pro-  
 fligavit. Polonicum regnum Curlandiæ  
 & Semi Galliæ accessione auxit: firma-  
 tam olim Litvanos inter & Polonos unio-  
 nem stabilivit; sacras humanasq; leges  
 olim sancitas, sed executionis defectu so-  
 pitas resuscitavit. Quidquid demum ad  
 Patriæ felicitatem desiderabatur, instau-  
 ravit, ut merito libertatis, jurium; co-  
 mitiorumq; Parens & Auctor appellaretur.  
 Tot tandem tantisq; meritis cumulatus  
 Princeps, relicto meliori regno, quàm  
 acceperat; postquam vixisset annos 52.  
 regnasset stante vitâ Patris annis 18. post  
 mortem 24. ultima Jagellonicæ Domus  
 coronis, Knyszynii anno Domini 1572.  
 18. Julii non mortuus est, sed ad beati-  
 tatis coronam invitatus. *Virtuosi namq;  
 Principes, sunt immortales, eorumq; virtu-  
 tes mori nequeunt. Omnia mors perimit;  
 fata.*



*fatali mortis ab idu cuncta cadunt: Virtus  
nescia sola mori. Non totus, mortis, Pom-  
pejus clauditur urnâ: non totus Casar  
tristia busta colit. Nec totus Macedo  
gelido sub marmore torpet; nescit cum vo-  
lucris tempore fama mori. Eximitur vir-  
tus fati, mortisq; tributo, virtuti ex ipso  
funere vita venit. Illud Romano Augu-  
sto inscriptum, optimè huic nostro conve-  
nit: Mortuus Augustus magis regnat in  
cordibus civium, quàm imperans in solio  
Tiberius.*

## IMAGO HENRICI VALESII.

**N**Ullum ante hac Principum tam  
splendido pompæ apparatu, regale  
Polonorum solium conscendisse testantur  
annales; quàm Henricum Valesium, na-  
tione & origine Gallicum: ut vel inde orbi pa-  
teat, Poloniarum regnum parvi pretij  
non esse; ad quod cum magno auri &  
armorum venit apparatu. Coronatus  
est



est Valerius à Iacobo Uchanscio Archi  
 Episcopo Gnesnensi, Anno Domini 1574.  
 vigesimâ Februarii, primâ die Bacchanatio.  
 rum. Et quamvis Principem nasci ca-  
 sus est, virtus esse. Gloriosus est, si quis  
 regnum nanciscatur, & in regem eligatur;  
 quàm si Rex nascatur, & in ipsis fasci-  
 is ligetur fascibus. Gloriosior Princeps,  
 cui non sanguis & natura, sed virtus &  
 libertas ad scepra suffragatur. Nus-  
 quàm pulchrius itur in capitolium; quàm  
 ubi per præcordia electorum, porta pandi-  
 tur triumphalis. Malè imperia. fortuitæ  
 indoli committuntur: electio plerumq; virtuti  
 militat. Successionis jura, etiam pessimos  
 Principes obtrudunt tolerandos: electio  
 verò optimum quemq; aut invenit, aut  
 facit. Sæpè nati Principes solò naturæ pri-  
 vilegiò coronati, invitis dominantur: jam  
 verò pulchrius est volentibus imperare.  
 Nihilominus hic Princeps successionem  
 in regnùm, liberæ præposuit electioni,  
 maluitq; nativa inter lilia, quàm inter  
 scepra degere: quasi non pulchrius esset  
 impe-

imper  
 periò  
 ricus  
 ni fut  
 incon  
 clâm  
 ni). p  
 naru  
 aurei  
 liaru  
 limi  
 Etâ r  
 exue  
 tam  
 purp  
 Tut  
 gno l  
 stetij  
 vera  
 Rege  
 dam  
 alma  
 Mag  
 unt

*imperare liberis; quàm natura lociq; im-*  
*perio praesse coactis. Accepto namq; Hen-*  
*ricus de morte Regis Galliarum Germa-*  
*ni sui nuncio, ut in solium succederet,*  
*inconsultâ Republica è Polonia in Galliã*  
*clãm noctu secessit Cracoviã 1574. 18 Iu-*  
*nij. post reginẽ sedecim duntaxat septima-*  
*narum. Minus tamen prospero delectu,*  
*aureis Poloniae sceptris lilia prætulit Gal-*  
*liarum, ibi namque in ipso imperij sui*  
*limine in odia civium incurrit, qui tin-*  
*ctâ regali sanguine purpurâ Valesium*  
*exuerunt. Simulq; parricidali, ferro vi-*  
*tam Principi ademêrunt. Ita fanè raro*  
*purpuræ absq; humano sanguine rubuerunt.*  
*Tutior certè est in secreto virtus: sæpè ma-*  
*gno honore sublimis corrui; qui privatus*  
*stetisset. Mundi Dominis securius ævum,*  
*verus agit pauper. Pleriq; meliori, quàm*  
*Reges felicitate, in privata fortuna abun-*  
*damus. Misera est magni custodia censûs:*  
*alma quies, parvisq; habitat concordia tectis.*  
*Magna pericula bumi jacentem non sube-*  
*unt casam. Temnit iratas levis ulva*



nubes, temnit insanum Boreæ favorem;  
 cum potens cali Notus eminentes proruit  
 ornos. Ast minax astris, nimiumq; calo  
 culmen, infestis agitatur Euris & repen-  
 tinis feriuntur actæ ictibus alni. Magna  
 gloria rarò est sine magno periculo. Al-  
 liciunt aut provocant fatorum invidiam,  
 magna culmina Fulmina rusticas ferire  
 dedignantur ades, sed rutilis propiora cæ-  
 lis; qua pœnè celsas, non humili mitra vi-  
 cêre nubes, sollicito scopi metaq; majoris,  
 superbo alta metunt monumenta telo. Fe-  
 licitius certè hic Princeps rexisset fascès Po-  
 loniarum, quàm Galliarum: valeret cer-  
 tè melius Valesius ad candorem Polono-  
 rum, quàm ad lilia Gallorum: illi enim  
 quamvis aliquos Regum quos ipsa pro-  
 scripsit impietas, privarunt vittâ, nullum  
 tamen spoliârunt vitâ.

IMAGO STEPHANI  
 B A T O R Y.

**S**tephanus Batory Transylvaniæ Prin-  
 cept, primus è sua stirpe, regali diade-  
 ma.



mate insignitus, divisus regni Ordinibus, alijs scilicet Maximilianū Imperatorē, alijs Stephanum renuntiantibus electus 1575. ab Episcopo Cujaviensi, adhærente parti adversæ Uchańscio Gnesnensi Archiepiscopo, est coronatus Anno. 1576. 30. Maij. Dissidiū Ordinū regni in generalibus comitijs pacificationis, Andrzejoviæ est cōpositū. In primo regni exordio, ne Polonæ gentis libertas in licentiam degeneraret, legum instauratione effecit. *Polona namq; libertas exlex non est. Tum maximè Poloni liberi, cum suis legibus sunt adstricti. Habet libera gens Polonorum suos Numas, & Lycurgos: ijs legibus adstringi non recusat, quæ soli licentia, invisæ, nihil derogant libertati. Nemo magis liber est, quàm cui intra legum limites, agendi potestas constringitur. Libertas absq; legibus, licentia est. Paucas tamen leges Princeps hic formaverat: non ignarus, quòd sicuti qui non vetat peccare, cum possit, jubet; ita sæpè docet, qui nimium vetat. Multi nimis inhibendo, jus peccandi dederunt.*

Mul-

Multas leges timebunt omnes, sed magis ne illas legant, quàm ne transgrediantur. Sine legibus Respublica stare non potest; minùs tamen stabit, si illis obruetur, Decem tantùm præcepta Deus instituit, quibus non omnes obtemperant: nec millenæ leges ab hominibus instituendæ: nam faciliora erunt hominibus flagitia, quàm leges. Præcipuè tamen magnus hic Polonæ libertatis Arbitr, liberæ genti svavi præfuit imperio: optimè gnarus, quod nihil est liberæ genti odiosius, quàm violentum imperium: libera ingenia sponte sequuntur, si se suaviter duci sentiant: quod si violenter trahantur: fortissime recalcitrant. Ingenuæ mentes violentiam non tolerant. Generosiores equi facilis frano, quàm flagello comescuntur. Delicata virgulta violenter si trahantur, et tractentur; citius franguntur, quàm flectuntur. Non violentia, non astuosus virium impetus, sed ratio moderatur orbem. Genuina Polonorum vox est: gens libera sumus, nulli seruiimus unquam. Iam

verò

verò  
cep  
rebe  
infol  
seve  
pud  
rem  
sed  
reve  
Moa  
am,  
illud  
terg  
Et i  
acer  
lenit  
tas.  
uterg  
lis i  
brano  
figer  
ulcus  
Regi  
nistr



verò uti libertatis amans erat Princeps, ita licentiæ osor & hostis. Hic rebelliam contumaciam, & seditiosorum insolentiam, quam lenitate non correxit, severitate castigavit. Mirum tamen apud omnes habuit amorem & timorem. Quippe *timor est non crudelitatis, sed majestatis progenies; quem comitatur reverentia, non tormentorum suspicio. Moderati rigores, conciliant reverentiam, & amores: Ut fateri suo Principi illud cogantur subditi: Amamus, Pariterq; timemus, ipse metus te noster amat. Et illud. Difficilis, facilis, jucundus, acerbus es idem. Et certè non corrumpit lenitatis gloriam, blanda puniendi severitas. Labe pari peccat, pariter crudelis uterq; qui parcit cunctis & nulli. Nobilis ira est, citra iram punire reos. Vibrandus est interdum aculeus, non ad infligendum vulnus, sed ad aperiendum ulcus. Innocuum vulnus morsq; est, si Regibus enses gratia procudit, tela ministrat amor. Parcere verberibus, nec*

quo



quò jubet alta potestas ire, sed armatas  
 multum sibi demere vires, & ferrum  
 vulcere togà: sic itur in altum, sic me-  
 liùs mixto reverentia fudit amori. Nec  
 solùm cives amore devinciebat, hostes  
 etiam ferro vicebat, gloriosissimus ani-  
 morum & armorum triumphator. Bel-  
 lum namque contra rebelles Gedanenses,  
 nec non contra Basilium Moschorum Im-  
 peratorem gessit feliciter. Magis ta-  
 men in admirationem Moschica rapie-  
 bat mancipia, insolita Principis in hostem  
 clementia, quàm victoria: quâ ita mode-  
 ste est usus, ut etiam ipsi captivis, à  
 tam clemente Principe vinci placuerit.  
 Hac est vera clementia, qua etiam alie-  
 no sanguini pareit, tanquam suo. Nulla  
 hostilis sanguinis parsimonia, non ultra  
 virtutem fuit: Laudatissimo cuiq; Duci  
 laudabilius est, cum potuerit perdere,  
 pepercisse; quàm cum parcere potuerit,  
 perdidisse. Ad divinitatem propius ac-  
 cedit, qui servat eos, quos perdere potu-  
 it. Novum victoriae genus est, scire par-  
 cere

*cere. Novum triumphi genus est, vi-*  
*ctore gladio non ferire, qui eodem peri-*  
*re potuerunt. Ne verò Bellonæ addi-*  
*etior, quàm Astreæ esset; Sarinaticum*  
*Areopagum, tribunalitia regni judicia,*  
*tum primùm in Polonia instituenda,*  
*excitavit: causarumque momenta æqua*  
*librari lance statuit. Non ignarus,*  
*quod jus & æquitas, imperium red-*  
*dit diuturnum. Vbi viget justitia, mar-*  
*cescunt vitia. Quippe vitijs à stirpe*  
*recisis, elicit oppressas tenebroso carcere*  
*leges justitia. Tales verò casarum Iu-*  
*dices esse voluit, quos fas & æquum*  
*in suas traherent partes, non quos in*  
*diversa pro quântitate munerum inex-*  
*plebilis propelleret avaritia. Iudex qui*  
*palpat munera, palmarem præterit veri-*  
*tatem. Antiquitas omni luce privave-*  
*rat Areopagum, non quasi cæca justitia*  
*odisset lumen, sed ut auri excluderet*  
*splendorem. Splendor namq; auri eti-*  
*am media de nocte, multorum Iudicum*  
*perstringit oculum, ne æquum ab iniquo di-*  
*scer-*



scernant. Xenia & dona Iudicum ex-  
 cacant oculos. Deorum licet in terris vi-  
 ces sortiantur Iudices, non semper tamen  
 triumphat veritas. Multi pro caca justi-  
 tia, cæcam in ferenda sententia admise-  
 runt avaritiam. Avari iudicis manus,  
 quoties librat justitia lancem; præponde-  
 rat iniquitas. Crudelis tyrannis est Iu-  
 dicum avaritia: quæ molliore licet auri  
 metallo se viat in corda hominum, sed no-  
 centiore ictu. Pretiosus ab auro infligi-  
 tur vulnus, sed crudelius: quo dum Iudi-  
 cum læditur integritas, non raro inno-  
 centia & equitas lethaliter sauciatur.  
 Pleriq; à levi iniquorum Iudicum ca-  
 lamo gravem mutuatur calamitatem.  
 Corruptorum hujusmodi animorum pe-  
 stis ne Iudicum afflet mentem, hæc præ-  
 animo habenda: Iudici tam leve au-  
 rum videatur, ut equi lancem non infle-  
 at. Tanta Iudici insit veritas, & se-  
 veritas; ut per illam nihil ingravetur,  
 per hanc nihil ignoscatur. Non aliud  
 sententiæ Iudicum debet esse pretium: quam

bene



bene iudicâsse, omnis aditus obstruatur  
 gladiô, ut scelesti ad Iudicum subsellia  
 confugere nequeant, sed sola fugiant sce-  
 lera. Cunctatores Iudices oportet esse,  
 cùm iudicant de salute: quia alia senten-  
 tia corrigi potest; quæ transacta est de vi-  
 ta, se mutari non patitur. Ad pœnitendum  
 properat, qui cito iudicat. Nec reo, nec  
 aëtori utraq; præbenda auris. Qui statuit  
 aliquid parte inaudita altera; æquum li-  
 cêt statuerit, haud æquus erit. Iudex  
 debet esse Angelus, qui omni consangui-  
 nitate caret. Ut possit de eo dici: Iusti-  
 tia cultor, rigidi servator honesti, in com-  
 mune bonus. Hic omnigenæ eruditionis  
 plenus, adeo literis literarumq; cultoribus  
 erat addictus; ut omnes fere in regno suo  
 cuperet esse literatos. In quem finem plu-  
 rimas literarum & pietatis extruxit pa-  
 læstras: certus pulcherrimum esse impendij  
 genus, quod in literarum impenditur admi-  
 nicula. Scholasticam juventutem ad stu-  
 dia excitando, hisce sæpius alloquebatur:  
Disce latine, & ego te faciam aliquando,

*Moſi Pânie.* Et quavis Stephanus ma-  
 jestatem cum lenitate & clementia con-  
 junctam semper habuit; semel tamen in  
 comitijs irritatus, dextrâ gladij capulum  
 tenens in hæc verba prorupisse dicitur;  
*Rex vester sum; non fictus neq; pictus,  
 regnare volo: neq; feram, ut mei sitis pe-  
 dagogi.* Nec miretur quispiam hunc Prin-  
 cipem mitem aliàs & clementem, laces-  
 situm tamen in asperiora verba profiliisse:  
 utiq; magno se *Judice* quisq; tuetur. Non  
 solum taurus ferit uncis cornibus hostem;  
 verum etiam instanti, lesa repugnat ovis,  
*Dulcissima & jucundissima, & pro corporis  
 captu pugnacissima sunt apes, & acu-  
 leos in vulnere relinquunt. Etiam mi-  
 nimus capillus à sole tactus umbram habet.*  
*Injuriam nemo immota mente accipit, sed  
 ad sensum ejus perturbatur. Sunt &  
 inermibus ira columbis, sunt echinis, sunt  
 apibus, sua tela parvis.* Porro ad præ-  
 dicta Regis verba, Joannes Zamoyſcius  
 libero respondit ore: *Rex ne moveas fer-  
 rum, ne te Cajum Casarem, nos Brutos se-*



*ra loquatur posteritas: Electores sumus  
 Regum, sed detrusores Tyrannorum; re-  
 gna, sed non impera. Docuit hic Sena-  
 tor, quo Pacto in curijs procedendum.  
 Libera genti & sentire quæ velit, &  
 quæ sentit, dicere licet. Linguam solu-  
 tam consilijs adfer, non tam dicendi copiã,  
 quàm sententia libertate. Monet Plato:  
 In curijs, arcanorum debent esse nundina,  
 nunquàm alias venales. Ut foris loqui  
 est vitium, sic in curia tacere est nefas.  
 Ad consilium cum ingrederis, Oratorem  
 indue; cum egrederis, Harpocratem. Qui  
 placituris studet, interimit veritatem: fa-  
 ctus aliena sententia servus, suæ turpis  
 vespillo. Curiam ut forum ingredi, non  
 ut carcerem, in quo ligeris metu, strin-  
 garis gratiã, concateneris voluptate.  
 Quod prodest, loquere; non quod placeat;  
 nisi placeat, quod prodest. Adulatio Pha-  
 laridis tauros fabricat, & illusò per si-  
 mulationem consiliò, auctori interitum  
 nundinatur. Cui vel Regis gratia, vel  
 propria utilitas est Numen; aut silentio*



*thurificat, aut mendacium veneratur; verum non sine sacrilegio litatur, ubi veritas immolatur.* Audus tandem immortalibus factis, absolutissimus Princeps vivere desijt Grodnæ 1586. regnavit annis undecim, vixit quinquaginta quatuor. Compendiosum illi encomium inscripsit Starovolscius: *In republica plusquam Princeps, in consilio plusquam Senator, in Ecclesia plusquam Sacerdos, in exercitu plusquam Imperator, in tota vita sua plusquam Philosophus.*

IMAGO SIGISMUNDI III.

**S**igismundus III. Joannis Sveciæ, Gottom, Vandalorumq; Regis Filius, Matre Catharinâ Jagelloniâ Sigismundi I. Poloniarum Regis filiâ natus, divisus in Maximilianum Archi-Ducem Austriæ Rudolphi Impetatoris fratrem Reipubl: suffragijs, in Regem Poloniæ electus, nequidquam prævalente Maximiliano. Coronatus est Cracoviæ à Karnkovio Archi-Episcopo Gnesnensi. In bellis gerendis Prin-

Princeps erat felicissimus; regiæ imprimis fortunæ æmulum Maximilianum vicit, fugavitq; feliciter. Hunc è fuga ad se adductum, suæ Majestatis hostem, veluti hospitem clementissimè excepit, nec non liberali veniâ donavit. *Hæc est [judicio Lipsij] prima victoria, hostes victos non pœnâ multare, sed veniâ donare. Satis est pœnâ victum esse, qui vincere sperabat. Bis vincit, qui victo hoste de se ipso triumphat. Meretur veniam victus hostis, cum petit. Hæc est summa victoria de hoste victo nolle triumphare.* Insuper Princeps hic clementiâ plenus, corrivalem suum & honoris æmulum non ulciscendo, sed tacendo castigavit: quasi ei dictum illud foret. *Parce queri, melius sic; ulciscere tacendo.* Nec solum in Patrio, etiam in hostico nunquam non triumphavit Sigismundus. Sub Chocimo quadringenta Turcarum millia, Tartarorum centum viginti millia, sexaginta millibus ad interneccionem in acie cæsis, exili suorum exercitu profligavit. Mo-

schorum Imperium deletis sexaginta eor-  
 rum millibus, & Duce capto, unâ cum  
 Metropoli Moscuâ, sibi suâq; Reipubl:  
 subjugavit, filiumq; suum Vladislauum  
 Magnum Moschoviæ Carum inauguravit.  
 Smolenscium olim imperante suo Avo  
 Sigismundo I. fraude ereptum, armis  
 vindicavit, & Polonia restituit. Nullum  
 tamen atrociorẽ hostem habuit, quã  
 cognata acie instructum: nihilominus &  
 huic vincendo, par non defuit fortuna.  
 Ericum in Svecia, Carolum in Livonia,  
 Patruos suos felici Marte vicit. Gusta-  
 vū Adolphum Patruelẽ suum in Prus-  
 sia, ipsa lenitate & indulgentia sangvi-  
 nis superavit. Civili verò bello impeti-  
 tus, multò gloriosior extitit victor: quan-  
 do rebellibus primò Civibus, tandem sup-  
 plicibus veniam dedit: ratus nimirum bo-  
 ni Principis esse, etiam malos servare ci-  
 ves. *Nocere malis, etiam pessimus quisq;  
 potest; prodesse nemo, nisi optimus. Ut  
 medicum multa funera, ita Principem  
 multa infamant supplicia. Quantâ pervica-  
 ciã*



*ciâ in perduelles, tantâ clementiâ in supplices utendum. Noverat forsitan hic Princeps, quòd de hoste victoria, laurò & aurò digna; de cive tropheum, ruina est, & ignominia. Nihil est bello civili perniciosius: in quo tam qui cadit, quàm qui cadit, non omnino pius est. Magis ex actione, quàm ex nomine Lepidus Romanus, qui cum suo decertans Augusto, domesticam everit pacem. Plus pompæ in nomine Pompeij fuisset, si funesto exercitu, orbem & patriam funeribus non implevisset. Quanquàm & humiles civium supplicum precès, ad veniam profuisse puto: Eò enim felicius, quò profundius cadit sponte inclinata protervia. Pax humiles intacta fovet, minuitq; modestia crimen. Illas rebellium credibile est fuisse voces: Nil opus est bello, pacem veniamq; rogamus. Parce tuas in nos, perdere victor opes. Porrigimus victas, ad tua jura manus. Non deerant & aliæ in hoc Principe virtutes: imò omnes erant, nempè unica virtus coronam non implet. Cateris &*

vulgo hominibus, singula ferme virtutes  
 sufficiunt; Princeps nisi omnes habeat,  
 paucas habere censetur. Regnandi tamen  
 suavitas & clementia, egit in eo princi-  
 patum. Nimirum uti crudelitas, etiam in  
 unum exercita, omnes armat ad odium,  
 ita clementia, etiam uni exhibitae, singu-  
 los stimulat ad amorem. Obsequium ti-  
 gresq; domat, tumidosq; leones. Non per  
 fulmina tantum novimus in caelo magnum  
 regnare Tonantem; imbelli tonitru pas-  
 sim leniq; procella contentus monuisse.  
 Iustitia & amor, valida sunt Principis  
 arces, nulla tyrannorum vis diuturna fuit.  
 Quamvis iratum vibret sua spicula vul-  
 gus, spicula Rex ulli figere nescit apis.  
 Temnere nimirum Regum est, contendere  
 vulgi. Non bene regio offusa fulgebit  
 sereno caesaries, quoties cruentus e subdi-  
 torum vulnere sumitur, daturq; cersus.  
 Crudele regnum mole ruit sua; constat pa-  
 ternum. Hinc Lechicus monet Vates:  
 Regnet in augustis, residens clementia  
 sceptris, rideat & placido, regia sole  
 domus.



domus. Alta supercilio ponat reverentia  
fulmen, nec faciles onerent livida fata  
manus. Blanda throno, magnisq; ruat de  
fascibus ira, nec rigidus quatit Lechica  
sceptra furor. Gratia regna regat, ver-  
set clementia sceptrum, clemens & gra-  
tus Principis esto thronus. Plenus tandem  
armorum & meritorum Princeps, finem  
vitæ, non gloriæ fecit Varsoviæ, annô  
Domini millesimo sexcentesimo trigesi-  
mo tertio, ætatis sexagesimo sexto, Regni  
quadragésimo quinto.

### IMAGO VLADISLAI IV.

**V**Ladislaus IV. Sigismundi III. filius,  
concordibus omnium suffragijs, uno  
duntaxat ad speciem libertatis nonnihil  
reclamante, in paternum solium est eve-  
ctus. Vix regio insignitus diademate,  
pro purpura loricam, pro corona galeam  
assumere debuit. Brevi enim post corona-  
tionem, cum triplici confligit hoste, cum  
Moscho in Severia, cum Turca in Po-  
dolia, cum Sveco in Prussia, ubiq; & de  
15  
omni-



omnibus victor. Religionis & pietatis cultor erat acerrimus, noverat quippè, quòd *mutuis auxilijs religionem Princeps, religio Principem servat. Religione salva, stat floretq; Respublica; neglecta & prolapsa, Rempublicam trahit secum in ruinam. Principes debent esse quantum ferro, tantum pietate potentes.* Hinc meritò Princeps hic à summo Christi in terris Vicario, *Septemtrionis decus, Religionis & fidei prasidium* est appellatus. Jam verò Patriam tanto complectebatur amore; ut Pater Patriæ diceretur. Et quamvis omnium civium corda, rara humanitate, singulari ultra Principum consuetudinem, familiaritate habuit sibi devinctissima; illa tamen regiâ munificentiam singulis ferè momētis studuerat devincire, id unicum se habere ratus, quod in alios effudisset. Et certè *non sibi, sed civium commodis nati sunt Principes. Nulla Principum major est beatitudo, quam alios facere beatos. Hac est Regum felicitas, facere alios felices.* Et quamvis monet

Tul-

Tullius: *Ita te aliorum miserescat: ne alios tui misereat. Ita de nostro lumine, alteri est concedendum, ut nobis luceat; sic egenti est dandum, ut non egeas; sic dolore Princeps debet, ut semper possit. Nimiã namq; liberalitate, Regia liberalitas exhauritur.* Nihilominus Princeps hic, adusq; regiarum fortunarum angustias fuit liberalis; & quò plura erogaverat; eò se credidit ditiozem. Dignus immortalitate Vladislaus, mortuus est Mercej vigesimã Maij, annò Domini millesimo sexcentesimo quadragesimo octavo, ætatis quinquagesimo tertio, Regni decimo tertio.

### IMAGO JOANNIS CASIMIRI.

Joannes Casimirus, Vladislai IV. frater, Jex tyrocinio Societatis JESU ad regale solium à pulla veste, ad purpuram à Polonis invitatus, illo poterat gloriari: *à virtute datis, utor honoribus.* Omnium Principum dotes, in hunc unum Superi collegerunt. Præcipue tamen Religio-



ligione, pietate, prudentiâ, æquitate,  
 fortitudine, & magnanimitate animi ad  
 prodigium insignitus, re ipsa monstravit:  
 quòd donec ascenderet thronum, in vir-  
 tutum extiterit magisterio. Porro tur-  
 bulentissimo Reipublicæ tempore Imperij  
 elavo admotus, centuriata in Patriam  
 mala, infracto animi robore sustinuit,  
 pressam namq; Sueticis, Moscoviticis, Co-  
 saticis, Hungaricis, Tartaricis Civilibusq;  
 armis Patriam, ab ultimis ferè  
 vindicavit ruois. Ita sanè: *premunt non  
 opprimunt heroicum pectus calamitates.*  
*Magnus animus nescit metiri leta, nisi  
 ipsis periculis. Virtutem incitat, quid-  
 quid infestat. Explorant adversa viros,  
 per quæ aspera durò nititur ad laudem  
 virtus interrita cli-vò. Decet magnani-  
 mitas quemlibet mortalium, etiam illum,  
 infra quem nihil est. Vires pepulit, pon-  
 dusq; mali; casus animò qui tulit æquò.*  
*Non cessat naufraga virtus. Tanto ma-  
 lorum agmine pressus Princeps optimus,  
 quidquid ab illo proluxit vita tempore,*  
 pena,



pœna, fuit. Poterat de se dicere identi-  
 dem: Non mihi grata dies, noctes vigi-  
 lantur amara, morsq; minùs pœna, quàm  
 mora mortis habet. Meliùs est enim in-  
 ter strenua opera semel perire, quàm  
 multarum injuriarum patientes, vivere,  
 Nonne mori satius, quàm vita ferre  
 pudorem. Quamquam mortis habet  
 vices, lentè cum trahitur vita gementi-  
 bus. Nihilominùs ex hac malorum con-  
 gerie, faventibus Superis est eluctatus.  
 Scilicet & victus reperit gladiator arc-  
 nam, & redit in tumidas naufraga puppis  
 aquas: Victiq; resurgunt, & quos dese-  
 ruit, melior fortuna revisit. Secedenti  
 extra limites Patriæ Casimiro, gravem  
 fuisse regiæ fortunæ recordationem vel  
 inde colligere licet, quòd in immerita  
 calamitate tristissimum est, temporum ex-  
 atorum felicitas. Et quàmvis non rarò  
 contudit ingenium patientia longa malo-  
 rum. Hic tamen Princeps fortissimò ani-  
 mò omnes sustulit calamitates: non igna-  
 rus quòd tempus & dies medetur malis,

sanitatemq; adfert animis. [Quod ratio  
 nequit, sæpè sanavit mora. Pleraq; tem-  
 pore mulcentur, & acerbissima quæq; ma-  
 la dulcescunt morâ. Paulatim atrocibus  
 ira langvescunt animis, & vis mollita  
 senescit. Mora dat vires, teneras mora  
 præcoquit uvas. Et quia alijs imperare  
 fortuna est, sibi suisq; affectibus est vir-  
 tutis. Pacatis undiq; in Patria rebus,  
 ultro regni diadema abdicavit, annò Do-  
 mini millesimo sexcentesimo sexagesimo  
 octavo. Et certè non mitra Regem sola,  
 sed efficit regina virtus. Rex est, qui  
 honores spernit, & se ipsum regit. Tunc  
 omnia jure tenebis, cùm poteris Rex esse  
 tui. Potestas culminis, tempestas mentis.  
 Privata vita, potior publicâ. Plurimi re-  
 gia felicitate, ut privata fortuna abun-  
 dant. Levatur oneribus, qui privatur  
 honoribus. Omne quod supereminet, plus  
 mœroribus afficitur, quàm honoribus gau-  
 det. Unde Seleucus dicere solebat: Pau-  
 cis notum esse regnum; & neminem qui  
 illud noverit, inventum iri, qui diadema  
 Regi.



*Regium humi projectum tolleret. Princeps hic mortuus est in Gallijs, tumulatus Cracoviæ, unâ cum Rege Michâele.*

IMAGO MICHAELIS  
KORYBUTI.

**M**ichâel Korybutus Wiśniowieccius admirando omnium regni Ordinum consensu in Regem Poloniarum est electus, annô Domini 1669. Non diu in ejus electione deliberatum: *vel solo meruit Princeps ex nomine regnum. Cessant nempe longa deliberandi spatia, ubi virtus est in confesso.* Circumvolitans ipso electionis tempore examen apum, futurum Principem melleum portendebat, nec aliter respondit rei eventus. Tantæ enim clementiæ & suavitatis erat Princeps; ut delictum & amor populi vocaretur. Et certè *nihil tam deforme est, quàm ad Supremum Imperium, etiam acerbitatem natura adjungere. Nulla major felicitas, quàm imperare alijs, qui propter metum parent.* Sicut medicina,  
apud



apud agros, usus, etiam apud sanos honor  
 est; ita clementiam, quamvis poenâ digni  
 invocant, etiam innocentes colunt. Poten-  
 tiæ character, formidandum supercilium, &  
 vultus fastidiosus abominationi est. Nulla  
 re magis, vulgarem staturam excedunt  
 Principes, quam humanitate & clementia.  
 Celsa potestatis species non voce feroci; non  
 alto simulata gradu, non improba gestu.  
 Hinc benè Plinius monet. Princeps ma-  
 ximè timeat, ne timeatur. Et Tacitus:  
 Rex sit civium amor, hostium terror. Et  
 Claudianus monuit suum Principem: Sis  
 pius imprimis, nam cum vincamur in omni  
 munere, sola Deos aequat clementia nobis.  
 Sub hoc syavi & melleo Principe, mel-  
 lea forent tempora; nisi illa fellea effe-  
 cisset fatorum inclementia: quibus cessit  
 Leopoli Anno 1673. 11.bris, illâ ipsâ  
 die, scilicet D. Martino Episcopo sacrâ,  
 quâ exercitus Regni, & M. D. L. caesis  
 ad Chocimum 30. Turcarum millibus,  
 insignem de barbaris victoriam reportavit.  
 Regnavit annis 4. O! si totidem regnâs-  
 set

set sæculis. *Illud tantum malum est in bonis Principibus ; quod nanquam satis suis vivunt. Vixit annis 30. satis breviter : nihilominus ille longum vixit, aeternum sibi qui merendo vendicat ævum. Quem sui raptum genuere cives, hic diu vixit. Nullus namq; Polonorum fuerat ; qui hunc optimum Principem non ploraret. Et certe sine termino debet esse is dolor ; quò maximis & optimis Principibus parentatur. Magnarum mentium cladem ; vix perennia lachrymarum eluunt diluvia. Sicuti magnæ moles non imparem ruinam, ita magnæ mentes, ab obitu suo, parem trahunt luctum. Sola deplorandis magnorum Heroum fatis sufficit aeternitas.*

### IMAGO JOANNIS III.

**J**Oannes hoc numero III. ex antiqua, & in Regno Poloniae clarissima togâ sagôq; Sobiesciorum Familiâ oriundus, à galea ad coronam, à lorica ad purpuram, à clava & Scipione ad Sceptrum est assumptus. Agens namq; Generalissimum  
Exer-



Exercitûs Regni Ductorem ; & Mare-  
 schalcum , omnium Ordinum consensu  
 Rex Poloniæ est renuntiatus , Varſaviæ  
 1674. 21. Maij. Coronatus Craçoviæ  
 à Primæte Regni Andrea Olszovio Archi-  
 Episcopo Gnesnensi 1676. 1. Februarij.  
 Princeps hic *Marte ferox*, & *vinci*  
*nescius armis*, non solûm liberis civium  
 suffragijs , sed etiam rectefactorum con-  
 scientiâ candidatus, per strages & tumu-  
 los hostium, per purpuratos Tauricano  
 sangvine ascensus , instrato vidtricibus  
 laureis calle pervenit ad solium. *Maximus*  
*unus dignus*, qui *Patriæ personam sume-*  
*ret unus*. Et certè nemo dignior censetur  
*Sceptris*; quàm qui devoto pro Republica  
 capite coronam licitatur. Nemo gloriosius  
 acquirit regnum; quàm qui illud victorijs  
 illustravit. Nemo dignius regalem assumit  
 purpuram; quàm qui priùs hostili sangvi-  
 ne est purpuratus. Digna sceptro manus,  
 quæ salutem publicam gladio asseruit. Di-  
 gnum regali diademate caput; quod sub  
 galea desudavit. Dignus coronario auro

ver-



*vertex, qui martiali onustus ferro, lau-  
 reis cingebatur. Minus suprema sentit  
 onus mitra, dura probatus pondere cas-  
 sidis. Non paucos Regum vel fors na-  
 tendi, vel fortunæ favor, in regali collo-  
 cavit throno; Joannem verò virtus &  
 merita promoverunt ad solium: ut de  
 illo cecinit Pœta: Regna alijs Lucina  
 tulit, vel munere cæcus error, & abre-  
 pti studijs pugnacibus æstus: tu solium vir-  
 tute paras; tibi debita merces. Quippè  
 comes virtutis honos; & militat omnis  
 emerito fortuna sago. Et certè officij cel-  
 situdo, sinè meritorum sublimitate nihil  
 est, nisi honoris titulus, sinè honore. Glo-  
 riosius est honorem mereri, quàm obtinere.  
 Mereri non nisi optimis contingit, obtinere  
 etiam pessimis. Ex condigno cedit ei di-  
 gnitas, quia nihil aut parùm suffragijs,  
 plurimum debet virtuti & meritis. Inde-  
 corus honor, qui precario aut sorte obtigit,  
 non virtutum & meritorum impendio. Cla-  
 rius virtutum inter umbras relucet honor.  
 Omnes Honorij debent esse tales, ut  
 quod*

quod olim de Stilicone dictum, de se dici audiant: *Querantur ut omnes, Impetium tibi serò dari.* Princeps hic augusti corporis maiestate, & absolutæ prudentiæ amplitudine, bellandi ac regnandi artibus, atq; rerum gestarum gloriâ nulli Regum post Reges natos secundus, dignus ut non uni Poloniarum Regno, sed orbis universi præfesset imperio. *Egregium semper Patriæ caput, ille Senatus, vindex ille fori, legum, ritusq; togæq;.* Turcarum, Cosacorum, Tartarorumq; fulmen erat. Bis Orientem castris exiit: semel ad Chocimum, alterâ vice ad Viennam: *gladiumq; per omnes exegit gentes: victor in omni cursu signa tulit.* Nec solum proprios vetricibus armis tuebatur limites; etiam alienas Provincias triumphali ferro defendebat. Nam *sua retinere, privatæ domûs, de alienis certare, regia laus est. Inglorium est, sua duntaxat generosè tueri, & alièna damna intueri: generosum peccatus etiam aliena torquet injuria. Ingentis gloria auctoramentum est, pugnare pro alijs,*



*alijs, cum pro te non habeas opus. Fortunam & virtutem extendere oportet, non claudere. Famam extendere factis, hoc virtutis opus. Hic gloriosissimus Joannes, Leopoldum II. Imperatorem auxiliaribus juvit copijs, & Viennam Austriacam obfidione hostium liberavit. Illic toto descenderat ense in jugulum Scythia. In se cuncta arma, virosq; gerebat. Ibi factus S. belli Generalissimus, caesis Turcarum & Tartarorum 3000. plurimis fugatis, Salvatoris nomen obtinuit. Tangere difficile est, quae Mars tuus egerit illic, fortissime Joannes: paucis absolvam: Victoria, felix auspicijs, mox facta tuis. Paucis in bella secutus accessit, vicit, redijt. Caeterum recensendis hujus Principis virtutibus omnes Mathematici, describendis ejus laudibus omnes Historici, deprædicandis meritis, nec integra cum Oratoribus sæcula sufficerent. Illud tamen non omiserim, quod in Chocimensi bello Serenissimus hic Præcursor, sub ferrea olim calide, antequam aurea*



coronaretur cydari, prodromo ad pugnam  
 passu, stricto prævit mucrone. Docuit  
 hoc pacto: tum potissimum triumphare  
 Exercitum, quando ipse belli Imperator  
 non solum pugnae spectator, sed etiam so-  
 cius est, simulq; commilito. Quod jubeas  
 vide, primus exple. Dextras minores ac-  
 cendunt exempla Ducum. Tunc bene fortis  
 equus referato carcere currit, cum quos  
 prætereat, quosq; sequatur, habet. Omni-  
 um in bello successuum, Ducis exemplum,  
 anima est. Nec illud reticere fas est,  
 quod supra naturam erat humanissimus,  
 ultra Principum consuetudinem familia-  
 rissimus. Illius certe propria erat virtus,  
 quam suo Trajano adscripsit Plinius: Per  
 inde summis atq; infimis charus, tantam  
 concordiam gloriam amoremq; contigisti, ut  
 nihil veritati hilaritate, nihil gravitati  
 humanitate detrabatur. Hæret lateri tuo,  
 quisquis accessit; finemq; sermoni suus  
 ejusq; pudor, non tua superbia fecit. Sunt,  
 qui cum induunt purpuram, exuunt huma-  
 nitatem, erubescunt familiaritatem; &

cum

*cum incipiunt esse Principes, desinunt esse homines. Sunt, qui dignitati suæ detrabi putant; nisi in palatij sacrario, tanquam occultum Numen secreta veneratione consulantur. Sunt, qui auctoritatem ab ambitione non discernunt. Ipsum Domini vocabulum satis invidiosum, nisi familiaritate aliqua mitigetur. Multi conscenso solio, Cælum se conscendisse putant, & veluti Numen à longè adorari volunt. Gratióssimo verò Joanni, quo non surrexit major Princeps, æque ante, ac in solio eadem fuit humanitas, clementia, affabilitas, facilisq; accessus. Hinc merito quispiam illud ei inscripsit encomium: Delicia orbis, & urbis, civium amor, hostium terror, fulmen Orientis, invidia seculorum, exemplar Regum, Joannes, id est Sarmatiae gratia, numero tertius, sed regnandi & bellandi arte nulli secundus. Hic ergo tantusq; Princeps post immortalia facinora, illo die, scilicet SS. Trinitati sacro, quo olim solium conscenderat. Villanoviae propè Varsaviam 17. Junij, anno*



anno 1696. Regni sui 22. mortalis esse  
 desijt. Si tamen quis credet eum fuisse  
 mortalem, qui nihil in vita gessit, quod  
 non spiret immortalitatem. Non ita  
 tamen mortuus est gloriosissimus Princeps;  
 ut etiam post fata superstes non vivat in  
 cordibus posterorum. *Nesciunt post fata  
 extingvi illustres animæ, etiam inter te-  
 nebras mortuales, diem ferunt. Succutiant  
 cætera, claudibusq; involvant parca, unica  
 despectat virtus, & fama sepulcrum.  
 Vivet, & à nullo tenebris damnabitur  
 ævo. Qui pulchra patrat, nescit atræ  
 mortis iter, trepidumq; funus.* Illud post  
 fata Principis hujus declamari poterat:  
*Utinam vel nunquam natus fuisses, vel  
 nunquam morereris. Magna tamen sola-  
 tia Lethi inde feres; quod te populiq; Pa-  
 tresq; ingemuere mori. His citius Lachry-  
 ma decerunt, quam causa dolendi.*

IMAGO AUGUSTI II.

**A**ugustus II. Sacri Romani Imperii  
 Elector, Hæreditarius Saxonix Prin-  
 ceps,



ceps, post Hungaricam Turci-  
 camq; lauream Sarmatici Regni  
 Coronam assumptus, & in Re-  
 gem Poloniarum anno millesi-  
 mo sexcentesimo septimo, die  
 vigesimâ septimâ Junij electus,  
 à Stanislaο Dabscio Episcopo  
 Cracoviensi decimâ quintâ Se-  
 ptembris Cracoviæ coronatus.  
 Princeps hic *Dives Avis Ata-*  
*visq;*, suo de sanguine ducit proge-  
 niē admotâ Superis, caloq; locatâ.  
 Vetustissima hujus Regnantis  
 Familia, retroactis, clara sæcu-  
 lis, in sex Romanis Imperatori-  
 bus, scilicet in Ottone primo,  
 in secundo & in tertio (qui  
 Boleslao primo Poloniarum  
 K. Regi

Regi regale contulit diadema) in Henrico primo & secundo, in Sanctorum numerum relato, in Lothario secundo, ad omnem fulget immortalitatem. Verum sopitos non movendo cineres, & *quidquid secula prisca tegunt* nec ampla Saxonice Domus recensendo decora, quibus pleni annales, & *conscia veri fama canit*, totum pridem *vulgata per orbē*. Quod attinet Personam Regiam; Rex est gratio-  
 fo vultu conspicuus, ingenij solertiā consiliorum maturitate, armorum peritiā, & invicta animi fortitudine præstantissimus. Ad belli opera, *quorum*  
 for.

*Fortuna per orbem signa dedit, à  
 teneris vitæ annis est innutri-  
 tus. Ejus illud est elogium,  
 quod suo Cæsari Florentinus in-  
 scripsit Vates: Reptâsti per scu-  
 tã puer, Thracumq; recentis exu-  
 viæ tibi ludus erant. In te mens  
 ardua semper à puero, tenerisq;  
 etiam fulgebat in annis. Primor-  
 dia tanta, vix pauci meruere se-  
 nes. Ad Rhenum, & in Bra-  
 bantia gloriosissimè militavit:  
 Moguntia vindicavit; in Hun-  
 garico bello sic ille Ducis sum-  
 mō præfuit Imperiō; ut Sul-  
 tanus se ipso jam minor, è cam-  
 pis Hungariæ profugus, in gen-  
 tes animos, & vincendi fidu-  
 ciam*



ciam amiserit; Pannonia verò  
 amissam planè receperit secu-  
 ritatem. Catholicam amplexus  
 fidem, rarò in Saxonia exem-  
 plò Orthodoxam nobilitavit  
 Religionem. Tertio regni sui  
 annò sine armorum strepitu,  
 solâ nominis sui famâ itâ totum  
 exterruit Orientem; ut ad ex-  
 pectata longo tempore univer-  
 salis pacis fœdera, & restituti-  
 onem Kameneci inclinaret. Sci-  
 licet *magnorum bellatorum nomi-  
 na, sunt ipso panè timenda sonò.  
 Validior est quibusvis machinis,  
 præcõcepta opinio.* Et quàmvis ra-  
 rus est, quem *auri sacra fames, &  
 opum studiosa cupidò non torque-*  
 at.

at. Sunt, qui licet congerie auri  
 saginantur, non tamen satiuntur.  
 Sunt, quorum domestica limina  
 aureus alluit Pactolus, & tamen  
 magna torquentur siti. Crescunt  
 & opes, & opum furiosa cupido.  
 Crescentem sequitur cura pecuni-  
 am, majorq; fames. Non implent  
 cupientes omnia mentes, quidquid  
 fodit Iber, quidquid Tagus ex-  
 tulit auri. Nihilominus procul  
 est hæc labes à Principe nostro:  
 Dispersit cum sole manus. Non  
 sua privatis crescunt æraria da-  
 mnis, nihil negat, & sese vel non  
 poscentibus offert: Inquiens: An-  
 te oculos interq; manus, sunt o-  
 mnia vestra. Ne tempore perde

precando, quod petis, omne feres.  
 Si quid fert impetus; opta, cun-  
 cta dabo. Et certè dulce est Im-  
 perium, ubi potiùs munificentia  
 Principis, quam ipse Princeps im-  
 perat. Regium est accipere parva,  
 largiri magna. Ex aurea benefi-  
 ciorum semente, gloria seges pullu-  
 lat immortalis. Torpet virtus, si  
 aureis non excitatur calcaribus.  
 Scilicet egregios invitant præmia  
 mores. Non satis est principi, sub-  
 ditos ad benè agendum exemplis  
 provocare, nisi provocet & præ-  
 mijs. Hinc liberalissimus Prin-  
 ceptus indecora detestando lucra,  
 & inglorios pro honoribus pro-  
 ventus, vacantes dignitatum  
 Cu-



Curules non auri, sed virtutis  
 & meritorum pretio æstimatas,  
 gratis dispensavit. In bene pro-  
 meritos, viduos partitur honores,  
 nec prece, nec pretio motus. Et  
 certè, venalis animi Princeps est,  
 si omnia habet venalia: gratius  
 est donum, quod gratis offertur.  
 Beneficij nomen amittit, quod  
 prece vel pretio acquiritur. Caro  
 emitur, quod precibus emitur: caro  
 quoq; venditur, quod precibus ven-  
 ditur. Non gratis largitur, quis-  
 quis erogat in rogantem. Pulcher-  
 rimum est Regia dignitatis elogiū,  
 bene meritos munerari, sine spei  
 tormento, sine petitionis Marty-  
 rio. Optimorum Principum est,  
 K.4 pre.

prævenire Civium preces, antevē-  
nire desideria. Gratia quæ prope-  
rat, prægrata est gratia: gratia quæ  
tardat, nomen inane gerit. Sol  
non expectat mortalium preces ut  
oriatur, ultrô se etiam non cogitan-  
tium oculis infundit. Odisse potest  
gratiã, qui diu expectavit. Divi-  
num aliquid sapiunt, qui non pe-  
tentibus occurrunt. Non liberalita-  
tis, sed tenacitatis indicium est,  
diu liberata offerre beneficia.

Nō memoro reliquas hujus Prin-  
cipis virtutes, digniori calamo recē-  
sendas: *Annales veterū, Princeps tua*  
*fata loquētur: inscribet tibi posterita*  
*quacūq̄ mereris. Quæ hic subticui*  
*fiēt ista palā, cupiēt & in acta referri*  
*prisca recēsitis, volvēt hac sacula fastis.*



S

&

1.

2.

3.

4.

5.

6.

7.

8.

9.

10.

II.



## SERIES PRINCIPUM & REGUM POLONIÆ.

1. Lechus I.	<i>fol.</i> 3:
2. Visimirus.	10.
3. Palatini Duodecem.	15.
4. Cracus.	19.
5. Lechus II.	25.
6. Venda.	27.
7. Præmislus seu Lesco I.	32.
8. Lesco fraudulentus.	37.
9. Lesco. II.	41.
10. Lesco. III.	45.
11. Popielus. I.	49.
	12.



12.	Popielus. II.	53.
13.	Piastus.	57.
14.	Zemovitus.	61.
15.	Lesco. IV.	66.
16.	Zemomisslaus.	70.
17.	Miecisslaus I.	72.
18.	Boleslaus Chrobri I. R.	76.
19.	Miecisslaus II.	82.
20.	Casimirus I.	85.
21.	Boleslaus Audax.	91.
22.	Vladisslaus I.	95.
23.	Boleslaus Kriwousti.	99.
24.	Vladisslaus II.	106.
25.	Boleslaus Crispus.	112.
26.	Miecisslaus Senex.	116.
27.	Casimirus Justus.	122.
28.	Lesco Albus.	127.
29.	Boleslaus Pudicus.	131.
		30

30.	Lefco Niger.	134.
31.	Premiflaus. II.	138.
32.	Venceflaus Bohemeus	141.
33.	Vladiflaus Loeticus.	144.
34.	Cafimirus Magnus.	148.
35.	Ludovicus Hungarus.	152.
36.	Vladiflaus Jagello.	154.
37.	Vladiflaus III.	158.
38.	Cafimirus II.	162.
39.	Joannes Albertus.	165.
40.	Alexander I.	170.
41.	Sigifmundus I.	173.
42.	Sigifmundus Auguftus.	177.
43.	Henricus Valesius.	180.
44.	Stephanus Battory.	183.
45.	Sigifmundus III.	193.
46.	VLADISLAUS IV.	198.
47.	Joannes Cafimirus.	200.

48. Michàél Korybut. 204.  
 49. Joannes III. 206.  
 50. Augustus II. 213.

Principes subditis suis imperant: ratio statûs etiam Principibus. Principes circumveniri possunt: ratio statûs nunquam.  
*Arnodus.*



*III hist. Covit.*

VIII.

IS SAN\*



iotheca 3008.  
ensium in Bielany

oliatece Jagiellońskiej



05799

E. I. 59

Etus peritiffimū Ordinū Do-  
I 3  
stor,

DEI  
ado-

- 48. Michàél Kory
- 49. Joannes III.
- 50. Augustus II.

Principes subditi  
 rant: ratio statûs et  
 pibus. Principes ci  
 possunt: ratio statûs  
*Arnodus.*

VIII.

is San\*

etus peritissimus Ordinū Do-

ctor,

I 3

DEI

ado-



746008 Bibliotheca 3002.  
 P.P. Camaldulensium in Bielany

Depozyt w Bibliotece Jagiellońskiej



05799

E. I. 59



42  
The First Book

10  
11  
12  
13  
14  
15  
16  
17  
18  
19  
20  
21  
22  
23  
24  
25  
26  
27  
28  
29  
30  
31  
32  
33  
34  
35  
36  
37  
38  
39  
40  
41  
42  
43  
44  
45  
46  
47  
48  
49  
50  
51  
52  
53  
54  
55  
56  
57  
58  
59  
60  
61  
62  
63  
64  
65  
66  
67  
68  
69  
70  
71  
72  
73  
74  
75  
76  
77  
78  
79  
80  
81  
82  
83  
84  
85  
86  
87  
88  
89  
90  
91  
92  
93  
94  
95  
96  
97  
98  
99  
100

**H**